

Aposolo Yenġât Den Pat

Yesuġe Aposololupġe den makyenġim himbimân âġâep.

¹ O galane Teopilo, nâ emelâk den kulemgo ġinân are âmâ Yesuġe hin dâm luâk âmbâle makyenġim makmâ malep areġât den pat hârogâk makġinmâ meteân. ² Areġât keiġe âmâ hin. Anutugât Heakġande Yesu tângombo âi keiġe katmâ arim Aposolo luâk are mem oloġyekmâ lauġe bâiġe makyenġim himbimân âġâwerâm agep. Areġât den pat kulemgom meteân. ³ Akto areġât nengât akmâ hâk hilâlâm nânġâm mondo sumân katbiâ golâ akmâ momoġânba agatmâ mando hilâm 40 akto ain miawak yenġim Anutuġe damunyene akbiap areġât keiġe makyenġim mando ekmâ nânġâyi. ⁴ Akto mendugum yâk olop tatmâ manbiâ den hin dâm makyenġiep, “Yerusalem kepia hinġe dowâk bo hepunbi. Ulikġân hin makyenġiân. Ewenande ikiġe Heakġe are huġġunaġdo ġewiapġât manbiâ ġem tân yenġumbo ariwi. ⁵ Luâk kotġe Yohane yâkġe tu mem puliyeġep. Hain akto sop kâlep bo akto Anutuġe ikiġe Heakġe are huġġun aġdo ġem meme akyenġiwiap.” Yesuġe hain dâep.

⁶ Akto hilâm siân Aposololupġe mendugum mali ain hin dâm aikoyi, “Humonenġe, ulikġân bâġilupnenġande kepiane kepiane damun akyenġimini hainâk ġâġe hain akġet dâm hinġe maknengimenâ miawakbiap me siân dâmenâ miawakbiap?” dâyi. ⁷ Hain dâmbiâ hin

makyengiep, “Are miawakbiapgât sopne ye bo nângâi. Ewenande nângâm miawagâk dâmba ain miawakbiap. ⁸ Hin konok makyengire nângânet. Anutugât Heaknande gem kârikne akyengimbo âmâ nângât den âlepne makyengiwaigât dop akbiap. Akto Yerusalem kepia ain manmâ keiņe katmâ nângât pat sambelem biken biken arimbo nângâm metembiâ Yudaia hânângen me Samaria hânângen makmâ arimbiâ nângâmbiâ hân bânângen ârândâņ akmâ ariwiâp.” ⁹ Hain dâm makyengimbo ekmâ kinbiâ dewunyenân owâiņe akmâ âgâep. Âgâmba hamandatne mem tigimbo undâgâli. ¹⁰ Undâgâtmâ himbimân tâņâk ekmâ kinbiâ ainâk luâk lâuwâ mâronyetne kau golâ golâ arekne yâk yeņgâlân dowâk miawagiat. ¹¹ Miawakmâ hin dâm makyengi Yates, “Galilaia hânân gâtne, ye wangât dewunyeņe egon panmâ tâņâk ekmâ kindâi? Yesuņe hepunyekmâ himbimân âgâmba ektâi ina benne hainâk himbimângenba purik katmâ gewiap.” dâ Yates.

Aposolo purik katmâ ari Yates areyenġât kotyene.

¹² Hain dâm hepunyekmâ arimbela Aposololupne Oliwa gimbanânba geyi. Akto Oliwa gimbanne amâ Yerusalem kepia ewumâk tatâp arewa purik katmâ ari Yates. ¹³ Arim Yerusalem kepiân âgâm emet tali ain âgâ Yates. Akto Aposolo mali are âmâ kotyene hin, Petoro, Yohane, Yakobo, Anderea, Pilipo, Toma, Batolomaio, Yakobo siâ Alipaiogât nanne, Roma yeņgât hâkâņ agi are yeņgâlân gâtne siâ kotne Simoņ akto Mataio. Akto Yudasi siâ Yakobogât nanne.

Uliknân Yudasi bâlimbo yâkgât gewâknân siâne kilâkgât Anutu ulilani.

14 Aposololupne, Yesugât memene, emilupne akto âmbâle bikne menduguyekbiâ olop tatmâ biwi konok akmâ tatmâ Anutu den magani. 15 Sop ain biwiyene Yesugâlân katmini are yengât galalupyene 120 arekne mendugum kinbiâ Petoroŋe tânâmyeŋân agatmâ kinmâ hin makyengiep, 16-17 “Galalupne, Yudasigât makyengire nângânet. Yesugât hoŋ bawa kotne Yudasi yâkne nen olop manmâ âi miep ina gasa ulik gulik akmâ hekat yengimbo Yesu meyi. Amâ Anutugât Heakne Dawidi den magando den dâm kulengoep are bunne agep. 18 Akto Yudasine Yesu bâlene aganbiap aregât puli wanbiâ mem hamewakmâ palep. Hain akto kautnande purik dâambo tepne okotne hârogâk hindakmâ hânân giep. 19 Hain akto Yerusalem kepia ambolupnande puli are mem yâkgât pat are nângâm metem âmâ hân aregât kotne Akedama dâm koli. Kot aregât purikne amâ, “Heŋnaet hân” are puligoyi. 20 Akto Anutugât kepne siâ hin yendâp, “Luâk iregât emet hewukne akbiap. Akto luâk siâne togom yâkgât dumŋân âi membiap.” akto Anutugât kepne siâ hin, “Luâk siâne yâkgât dumŋân miawakmâ welamŋân kinmâ yâkgât âi damunne akbiap.” 21 Aregât Yesu hutnennân olowâk malion nengâlân gâtnne siâ mem miawakberen. 22 Akto ulik gulik Yohaneŋe âi keiŋe katmâ tu puli yengiep are egion. Sop ainba Yesune maknengim manmâ himbimân âgâep are egion. Nengât hut nennânba luâk siâ mem miawakberen.” dâep.

²³ Petorņe hain dâm makyenġimbo luâk lâuwâ mem miawakyelegi. Luâk siâ kotņe Matia, akto siâ kotņe Yosepe. Yosepegât kotņe irakņe Yusito akto kotņe siâ Basaba dâm koli. ²⁴ Hain mem miawakyelekmâ hin dâm Anutu magani, “O Kembu nenņe, gâ luâk hârok yâk yengât biwiyenę ekmâ nen hârok keinenņe nânġâmat aregât luâk lâuwâ yu kindat ire siâ me siâ gugak mem miawakmâ maknengimenâ ekberen. ²⁵ Yudasinę Yesugât Aposolo malep ina âi are hepunmâ âmâ manman bâlenġân ariep aregât yâkgât welamġân kinmâ âġâwiap yâkgât kotņe maknengimenâ nânġâne.” dâm ulilani. ²⁶ Hain ulilanġiâ kulem esenņe mem kotyetņe lâuwâ lâuwâ kulemgoep. Kulem esenņe lâuwâ kulemgom umbâ kâlegen kato giep. Gembo mem oloņdo Matiagât kotņe kulemgoep are miawagep. Mem miawakto benņe Aposolo keiân konok yâk yengâlân dewatimbo keiân lâuwâ agi.

2

Anutugât Heakņe arekņe gem memeyenę akyenġiep.

¹ Hilâm kotņe Pendekosi hombaņ dâm koli sop are ewumâk akto luâk âmbâle biwiyenę Yesugâlân kali yâk hârogâk emet siân âġâm menduguakmâ tali. ² Tatġiâ himbimânġa mun humo siâ seru munņe panmap mun hainâk dowâk sâņ sâņâk giep. Gembo emelan tali luâk âmbâle are hârogâk nânġâyi. ³ Akto yâk yengâlân wan siâ kâlâp ulunņe hain arekņe miawakmâ hogoakmâ kautyenġân ârândâņ giep. ⁴ Hain akto Anutugât

Heakņande humo akmâ tânyenġumbo denyenġe siâ siâ magi.

⁵ Hain agi sop ain Yuda luâk Anutugât den lokom bikenba bikenba mendugum mali are togom Yerusalem kepiān âġâm mali. ⁶ Ain manbiâ siâkâ denyenġân denyenġân makmâ manbiâ nânġâyi. Are nânġâm togom mendugum sân sân mem bâtyenġe dâtyenġân igim kili. Hain akbiâ luâk âmbâle Yesugâlân biwiyenġe kali arekņe siâkâ denyenġân denyenġân makmâ mali. ⁷ Akto are nânġâm areġât biwiyenġe agato bâtyenġe dâtyenġân igim hin dâyi, “Luâk den aktâi ire Galilāia hânân manmai ⁸ arekņe gain gain akmâ nengât den hain are makbiâ nânġâen? ⁹ Nen togom yu mendugum kinden ire nengât keinenġe hin. Nen Pata hânân ġâtņe, Mede hânân ġâtņe, Elam hânân ġâtņe, Mesopotamia hânân ġâtņe, Yudaia hânân ġâtņe, Kapadokia hânân ġâtņe, Ponto hânân ġâtņe, Asia hânân ġâtņe, ¹⁰ Prigia hânân ġâtņe, Pampilia hânân ġâtņe, Aigita hânân ġâtņe, Afrika hânân ġâtņe, Kirene hânân ġâtņe, akto Roma kepiān ġâtņe. Nen kepia ya yenġonden ain ġâtņe. ¹¹ Akto bikņe Kreta ain ġâtņe akto Arabia hânân ġâtņe. Akto nen kepia ya yenġonden are bikņe kâlêwângen akto bikņe ewumâk nen ain ġâtņe. Nen âmâ bikņe Anutugât den nananġ nennġânbak nânġâyion akto bikņe Yuda yenġâlân dewatiyion hain arekņe manden. Akto Anutuņe kulem siâ siâ âlepņe akmap areġât nengât dennennġân dennennġân dâm maktâi are nânġâen.” dâyi. ¹² Hain dâm nânġâmbiâ dâtņe akto kautyenġe gulip akto hin maganġi goanġi agi, “Iregât keiņe gain gain?” dâyi. ¹³ Hain dâmbiâ

biknande Aposolo yekbiâ yânne akto girinyengim hin dâyi, “Luâk ire waij tu are nembia biwiyene gulip akto hain aktâi.” dâyi.

Petoroŋe agatmâ kulem agi aregât keiŋe makyenŋiep.

¹⁴ Hain dâmbiâ Petoroŋe Aposololupne keiân konok are hutyeŋânba kinmâ den humo hin dâm makyenŋiep, “Galalupne, akto Yerusalem kepijan togom mandâi ye kulem iregât keiŋe makyenŋire nânŋâŋet. ¹⁵ Yu nenektâi nen âmâ waij tu are bo nenden akto biwi bo gulip akten. Hinne âmâ hândâktâgâk waij tu are bo nenden. ¹⁶ Nen yu aktenne nenektâi ire propete kotŋe Yoelenŋe kulem ire miawakbiapgât den ire kulemgoep are kârikŋe aktâp.

¹⁷ Anutuŋe hin dâep, “Hâmbâi humogât sop are tâlâgumbo âmâ nâŋe nunaet Heakne are huŋgun aŋdere gem luâk hârok ârândâŋ akyenŋiwiap. Huŋgun aŋdere gembo âmâ luâk âmbâle biwiyene nânŋâlân katmâ manbai arekŋe nânŋât den dâm makyenŋiwai. Akto luâk wan siganlupyene yenŋât biwiyene purik âgâambo giwelân siâ me siâ ekbai. Akto luâk âmbâle sâmbâŋe asiŋ yem âmâ giwet ekmâ nânŋâwai. ¹⁸ Akto sop ain nânŋât Heaknande nânŋât hoŋ akto âi âmbâle ârândâŋ meme akyenŋimbo nânŋât den dâm maganŋiwai. ¹⁹⁻²⁰ Akto Kembu togowiap aregât hamep hâwâlŋe humo sopŋe tâlâguwiap ain maktere âuren himbimânba kulem siâ siâ miawakbiap. Dewutâ golaŋe hândâk akbiap. Akto hândâkgât dewutâ

arekne gilâm miawakbiap. Akto hânân hin miawakbiap. Kâlâp dâwoknande gilâm akmâ emet me hân hârok tigim om derewiap. ²¹ Sop ain luâk bikne Kotdâgât kotne konmai are âmâ Anutuñe bo hilip yeñguwiap.”

Petoroñe Yesugât den ulikñân kulemgoyi aregât keñe makyenjiep.

²² Israe luâk, den siâ makyenjiñe nânghâñet. Anutuñe Yesu Nasarete kepiñ gâtne are ekto ârândân agepgât humo agaño hut yeñân manmâ kulem keñe keñe mendo ekmâ nânghâyi. Yesugât keñe hain agâkgât Anutuñe makmâ hâriep. ²³ Hain dâm hârembo wan me wan are agañi. Agañmâ luâk Anutu kotne bo konmai are yeñgimbiâ mem hâk hilâlâm wañmâ lâwinân kombiâ moep. ²⁴ Hâk hilâlâm nânghâm mondo sumân kali. Dâ sumânâk tatbiapgât dopne bo agep aregât Anutuñe nânghaño golâ akmâ sumânba agalep. ²⁵ Akto aregât keñe Dawidiñe kulemgoepp are kârikne aktâp amâ hin,

“Nâñe kotdâ bânne bungen tatmap yâk dewunnande ekmâ tatmâ mandân aregât bo hepun nekmap. Wan me wan nânghare umatne akbopgât yâkne tân nugumap. Tân nugumbo kârikne akman. ²⁶ Aregât biwine âlepne akto gângât herone aktân. Akto kep keñgu mendân. Akto siân agatbiangât biwine owâiâp. ²⁷ Dâ mombian âmâ momone yeñgât manmanân tatbomgât bo hepun nekbiat. Akto nâmâ gângât akmâ huragumangât aregât hâkne hagitne sumân tatmâ hambuwomgât menekmenâ

agatbian aregât momogât bo hamep akman.
²⁸ Gârâmâ gâñe manmangât dâp katniñen.
 Akto gâ olop manmâ kambiamne âlepñe
 akto manmâ âgâman.” Den are Dawidiñe
 kulempoep. ²⁹ Galalupne hakunenñe kotñe
 Dawidi miawagep yâkgât keiñe makyenñe
 nâñgâñet. Yâk mondo hangoyi yâkgât sumñe
 are ekmaen. Are ekmâ hin nâñgâmaen.
 Dawidi hambuep dâmaen aregât Dawidiñe
 ikiñet bo magep. Dawidi âmâ Propete luâk
 siâ mando Anutuñe den kârikñe magañep
 aregât ³⁰ yâkñe âmâ hin dâep, “Anutuñe
 hakulupne yâk yenğâlân gâtñe siâ mem kato
 luâk kotdâ akmâ manmâ nâñgât dumnân
 kinbiapgât makmâ hâreniñep.” ³¹ Are nâñgâm
 kinmâ Anutuñe huñgunanđo gewiap are
 momonânba agatbiap aregât hin dâm magep,
 “Nâ mondereân otnene sumânâk tato hâkne
 hiğenñe akbopgât dâm menekto agatbian.”
 dâep. Dawidi hain magep. ³² Haingât Anutuñe
 Yesu are mem agatmâ kindo Aposolo nenñe
 egion. ³³ Anutuñe Yesu mem agato ikiñe bânñe
 bungen âgâ kindo ewenande ikiñe Heakñe
 katmâ yâkgât nâñgâm den kârikñe magep are
 miep. Hain akmâ benñe huñgun anđo gem tân
 nengumap aregât kulempñe yu ektâi. ³⁴ Dawidi
 âmâ ikiñe himbimân bo âgâep aregât hin dâep,
 Anutu kotdâñe nâñgât kotdâ hin dâm magañep,
 “Gâ togo bânñe bungen tatmenâ ³⁵ gasalupge
 mem ge katyektere tâliyekbiat.”

³⁶ Israe luâk âmbâle hârokñe hain nâñgâmbiâ
 biwiyeñe kau akbiap. Yeñe Yesu moâk dâm

lâwinân kombiâ moep are Anutuņe nanņe are mem agatmâ, “Kotdâ yeņe ak.” dâm damun nenņe kalep.” dâep.

Luâk âmbâle dondâņe biwiyeņe Yesugât kali.

³⁷ Petoroņe den hain dâm makyenġimbo den arekņe biwiyeņân ewumbo Aposolo bikņe hin aiyenġuyi, “Galalupnenņe wan aktenņe ârândân agâkgât maknenginet.” dâyi. ³⁸ Hain dâmbiâ Petoroņe hin dâep, “Ye hanyeņe purikatmâ biwiyeņe Yesugâlân katbiâ tu puliyektenņe bâleņeyeņe bo akbiap. Bo akto Anutuņe wâtġât memene yeņġimbo manbai. ³⁹ Akto Anutu Humonenņe arekņe ye akto nanlupyene akto hânņe hânņe manmâ ariâi are oloņyekbiap areyeņġât den makmâ kalep.” ⁴⁰ Petoroņe hain makyenġim benņe dewatim hin makyenġiep, “Luâk yu mandâi imâ pâit pâitņe areġât yeņġât hâu âmâ Anutuņe makto bâleņân manbai. Ye hain akyenġiwopġât hepunyekmâ biwiyeņe Yesugâlân katbiâ Anutuņe meyekbiap.” ⁴¹ Hain dâmbo sop ain luâk âmbâle 3,000 yâkņe Petoroġât den are nânġâmbiâ humo akto are tu puli yeņġimbiâ Yesugât kâmot are yeņġâlân dewatiyi.

Biwiyeņe Yesugâlân kali arekņe mendugum biwi konok akmâ mali.

⁴² Hain akbiâ areġât Aposoloņe Yesugât keiņe makyenġim potatmâ yeņġimbiâ nânġâm kârikņe akmâ mali. Hain akmâ biwi konok manmâ Anutuġât kotņe konmâ sot mendugum katmâ Yesugât pat nelâm nengiwop dâm nem heroņe akmini. Heroņe akmâ Anutu ulilaņmini. ⁴³ Hain akbiâ Aposoloņe kulem keiņe keiņe kenuņmâ mali are

luâk âmbâle hârokne ekmâ hamep akmâ sân sân meyi. ⁴⁴ Akto biwiyene Yesugâlân kaline biwi konok akmâ manmâ yenjaet puli me wan me wan hârok mem mendugum kâmot konogân katmâ mali. ⁴⁵ Akto biknande wan me wan hârogâk are bo gangerâmbiâ siâne puligombiâ puli are potatmâ galalupyene yân manmâ puligât umburuk agi are bikne potatmâ yenngiyi. ⁴⁶ Hilâm ain sumbe emetjân âgâm biwi konogâk akmâ mendugum den maganji goanji akmâ mali. Akto sot bikne emetyenân âgâm âmâ menduguakmâ nem mali. Akto ain kambiamyene herone akto Anutu âlepne dâm kotne konmâ mali. ⁴⁷ Hain akbiâ luâk hârokne yekmâ herone agi. Akto Humone hilâmne hilâmne luâk âmbâle bikne memene akyengimbo biwiyene Yesugâlân katmâ manmâ Yesugât kâmolân dewatiyi.

3

Petorone luâk keine bâliep siâ ekmâ mem hejgemgoep.

¹ Hilâm siân engaine akto Anutugât kotne konminigât sopne ain Petoro akto Yohanene sumbe emetjân âgâwerâm agiat. ² Hain akbela âmâ luâk siâ memenjaet tepjânbak keine bâlene miawagep luâk are galalupjande sumbe emetjaet hânji siâ kotne âlep âlepne dâmini ain katbiâ talep. Katbiâ tatmâ hilâmne hilâmne luâk sumbe emetjân âgâm gemini are puli siâ siâ ekmâ egâlianmâ aregât ulityengim tatminep. ³ Hain akmâ mando Petoro akto Yohane yâkne sumbe emetjân are âgâmbela yelekmâ âmâ wan me wan siâ ninjet dâm aregât

ulityetkiep. ⁴ Ulityetkimbo ekmâ âmâ Petoroŋe hin dâep, “Gâ net nelek.” dâambo ⁵ luâk keiŋe bâliep arekŋe puli siâ siâ niŋberâm aktat dâm biwiŋe herone akto enem dewunyetŋân yelegep. ⁶ Yelekto Petoroŋe hin dâm maganep, “Sikum siâ siâ me puli me ito are bo tatniŋdâp gârâmâ konok tatniŋmap are giŋberângât maktere nâŋgâ. Yesu Anutuŋe huŋgun aŋdo giep Nasarete kepian gâtŋe, yâkgât kârikŋân makgiŋbe. Agatmâ bam ari.” dâep. ⁷ Hain dâm bâteŋe bungen mem agalep. Mem agato ainâk keiŋe âlepŋe akto bin bin kinmâ agatmâ sopanmâ agatmâ sopanmâ agep. Hain akmâ Anutu nâŋganep. ⁸ Hain akmâ agatmâ kindo yâk olowâk sumbe emetŋân âgâyi. Âgâm luâk arekŋe herone akmâ agatmâ sopanmâ agatmâ sopanmâ bam gutmâ Anutugât kotŋe mem agalep. ⁹ Hain akto luâk âmbâle hârokŋe yâk bam gutmâ Anutu mepaiŋe miep are egi. ¹⁰ Ekmâ hin dâyi, “Sumbe emetŋân luâk keiŋe bâle bâleŋe tatmap ina bin bin kindâp. Luâk are ulikŋân bo arim togominep. Sumbe emetŋaet hâŋgiân kotŋe âlep âlep dâmini ain tatmâ puli me sikumgât ulitnengim tato ekminion are ina hinŋe âlepŋe akmâ bin bin kindâp.” dâm nâŋgâmbiâ bimbiâk agep. Bimbiâk akto gain gain aktâp dâm âmâ nâŋgâm bâtyeŋe dâtyeŋân igiyi. ¹¹ Akto luâk arekŋe Petoro akto Yohane yetgâlân dewatim meyelekto hetakŋe siâ kotŋe Salomo ain kinbiâ hârogâk ekmâ biwiyeŋe agato aregât maganŋi goanŋi akmâ kili.

Petoroŋe Yesugât keiŋe makyenŋiep.

¹² Hain akbiâ Petoroŋe yekmâ hin dâm makyenŋiep, “Israe luâk, ye wangât luâk ire ekmâ

bâtyeje dâtyeñân igim kindâi? Yu miawaktâp ire netjaet kârikñân bo mem âlepje ketuguet. Akto netjaet nângâ nângân bo. Bo kârikje aregât wangât net tâñâk nelektâi? ¹³ Keiñe hin tatâp. Abraham, Isaka, Yakobo yâk yeñgât Anutu akto nengât hakulupnenje yeñgât Anutu, yâkñe hon bawañe Yesu ekmâ yâkgât kotñe mem agatñet dâm yâkgât kulem are luâk iregâlân mem miawakto kindo ektâi. Yeñe Yesu are hâkâñe akmâ Anutugât kotñe bo konmai yeñgâlân kali. Katbiâ Pilatoñe, “Yesu huñgun añdere yânñângen geâk.” dâmbô âmâ yeñe kârikñe akmâ, “Borâen. Luâk aregât hâkâñ akten.” hain dâyi. ¹⁴ Akto Yesuñe bâleñe siâ bo akminep are ina hâkâñe akmâ kuk agañi. Akto luâk koko kotñe Baraba yâkgât ukenñe nângâmbiâ Pilatoñe wato hâkñângen gembo yâkgât dumñân Yesu are koyi. ¹⁵ Hain akmâ luâk âmbâle yeñe manman kârikñe aregât amboñe ina koyi. Kombiâ mondo hangombiâ âmâ Anutuñe momoñânba mem agato kinmâ mando egion. ¹⁶ Luâk irekñe âlepje aktâp aregât keiñe makyenñe nângâñet. Yesu yâkgât kolân dâetñe Yesuñe meme agañdo biwiñe yâkgâlân hikom âlepje aktâp. Âlepje akto ektâi.

¹⁷ Akto galalupne nâ hin nângân. Ye akto humo-molupyenñande Yesugât keiñe pâpkom aregât hain agañi. ¹⁸ Akto emelâk Anutuñe Yesugât den hin dâm Propetelupñe yeñgât biwiyeñân kato kulem-goyi are kârikñe agep. Den are âmâ hin. Anutuñe huñgunañdo gewiap arekñe hâk hilâlâm nângâm mombiap. ¹⁹ Hain akto benñe Anutuñe dosayeñe puli yeñgimbo bo agâkgât biwiyeñe hulañ akmâ

Anutugâlângen arimbo agak memeyenê bâlenje are hepunmâ manbai. ²⁰ Hain akbiâ Kembu Yesu yâk olowâk manmâ Anutugât kârikjân kinbiâ âmâ Humonje memenê akyengimbo biwiyenân ârândân akbiap. Akto hâmbâi Yesunje damunyenê akbiap aregât hunḡun aḡdo gewiap. ²¹ Uḡak âmâ Kembu Yesu yâk himbimân mandâp. Anutunje propetelunje den biwiyenân kato kulemgoyi are bunje agâk dâm wan me wan are hengegom mem hulan nenekbiap. Aregât sop tâlâguwiap ain Yesu purik katmâ lâuwânje gewiap. ²² Aregât Mosenje Israegât kâmot den hin dâm makyengiep, “Kembu Anutunje galalupyenê yengât hutyenân propete luâk siâ nâ hinare mem miawakto arekne den makyengimbo are bo hepunmâ âmâ nâḡgâmâk manbi. ²³ Gârâmâ siânje yâkgât denje are hâkân akbiap are âmâ yenje mem siângen katmâ watbiâ hâkânngen gem manbiap.”

²⁴ Are Mose ikinjak akbiapgât bo magep. Propete luâk hârok Samue malep sop ainba kulemgom gayi benje hinje âkâ den areâk makmâ kulemgoyi. ²⁵ Akto Anutunje propete mali yâk yengât makmâ katyengiep. Are nengât pat agep. Akto Anutu yâk olop den akbiâ biwiyenê kepik agep. Aregât bunje hainâk nengât agep. Haingât Anutunje Abraham hin maganep, “Siân gâḡgât kâmot sambelem ariwai areyengâlân gâtne konok arekne luâk âmbâle hân biken biken manbai are hârok tân yengumbo heronje akbai.” dâep. ²⁶ Den aregât bunje miawak nengimbo Anutunje Yesu Anutu ikinje hon bawa manmâ bâlenjaet dâp are hepunḡetgât hunḡunaḡdo Israe luâk âmbâle nen son mem oloḡnenekberâm giep.” dâep. Petoronje hain

dâep.

4

Petoro akto Yohane kala busi kâlegen katyelegi.

¹ Petoro akto Yohane yâkne den hain dâm makyengim kinbela sumbe kat kat luâk akto tembe loko yengât humomolupyene akto luâk kâmot siâ kotyene Sadukaio arekne yâk yetgâlân togoyi. ² Togombiâ den makyengim kinmâ Yesu are momonânba agalep hainâk nenâkâ agatbaen dâm aregât den âlepne makyengimbela are nângâm hin dâyi, “Are bo agakne” dâm nângâmbiâ bâlimbo ³ aregât emet engaipe agepgât hole aknerâm meyelekmâ arim kala busi kâlegen katyelekbiâ yeyiat. ⁴ Akto Petoro ne den potatmâ yengimbo nângâyi are yengâlân gâtne oyanjene 5,000 arekne nângâm agatmâ Kembangât kâmot yâk yengâlân dewatim mali.

Petoro ne Israe yengât humomolupyene makyengiep.

⁵ Emet haundo Israe yengât humomolupyene akto sumbe emetjaet damun akto Mosegât den kârikne makmâ kepigi yâkne Yerusalem kepien âgâm ⁶ sumbe kat kat yengât luâk kautne kotne Anasi akto laumatne kotne Kaipa akto galalogâtne Yohane siâ akto Alesande akto kâmotlupyene olowâk den emetjân âgâm menduguyi. ⁷ Mendugum tatmâ Aposolo lâuwâ are yetgât dâmbiâ meyelekmâ gambiâ den âiân katyelegi. Hain akmâ aiyetkum hin dâyi, “Niñande kârikne yetkimbo uran kulem are membela egion? Akto niñajet kotne konmâ kinmâ hain agiat?” dâyi.

⁸ Hain dâmbiâ Anutugât Heakņande Petoro kârikņe wanđo kinmâ hin dâm makyenġiep, “Israe, nengât humomolupnenņe hin dâre nângâņet. ⁹ Netņe luâk keiņe bâliep are maganđetņe âlepņe agep aregât yeņe hin dâm ainetkuâi, “Niņande kârikņe yetkimbo mem kinmâ luâk are heņgemgoyiat.” dâi, ¹⁰ aregât keiņe hin dâm makyenġire yeņe nângâm Israe luâk hârok ari makyenġiwi. Akto aregât keiņe hin. Anutuņe huņgun aņep Nasarete kepian gâtņe kotņe Yesu are lâwinân kombiâ moep. Mondo Anutuņe momoņânba mem agalep are golâk mandâp yâkgât kârikņân kinmâ dâetņe luâk keiņe bâliep arekņe âlepņe agep are dewunnennân yu kindâp ire. ¹¹ Akto Dawidiņe Yesugât nângâm den siâ hin dâm kulemgoep are kârikņe agep,

“Emet kenuņmai arekņe kun kun ire bâleņe dâm hepuli arekņe agatmâ kun kun kârikņe akmâ kindâp.”

dop hainâk yeņe âmâ emet kenuņmai hainâk akmâ Yesu ina bâleņe dâm hepuli. ¹² Ire nângâņet. Luâk siâņe kârikņe nengimbo himbimân âgâwaengât dopņe bo tatâp. Bo kârikņe. Anutuņe Yesu nengât dâm huņgunaņdo ġiep yâkņe ikiņe wâtņe nengimbo bâli bâligât pat boân manmaen.” dâep.

Israe yeņgât humomolupyenđande Aposolo makmâ hâreyetkiyi.

¹³ Hain dâmbo ain kili arekņe Petoro akto Yohane yâk luâk yânņe nângâ nângâgât emetņân bo maliat aregât bo hamep akmâ den kârikņe magiat are nângâmbiâ dâtņe akto hin dâyi, “O luâk ire âmâ Yesu olop mali.” hain dâyi. ¹⁴ Akto luâk

âlepņe agep are yâk yetgât hutyetņân kindo ekmâ hin dâyi, “Den hâuņe gain gain makne?” dâm yân kili. ¹⁵ Hain akmâ aregât hunġun yetkimbiâ emet kâlegenba betgen ge kinbela yâk yetgât hin dâm maganġi goanġi agi, ¹⁶ “Nen luâk lâuwâ ire gain gain akyetkine? Yâkņe makbela kulem humo miawakto luâk ire âlepņe agep. Akto aregât den pat Yerusalem kepia ambolupņande emelâk nânġâm meteâi aregât gain gain akne? Denņe bo agâkgât dop bo tatnengiâp? ¹⁷ Akto den arekņe sambelembo kepiaņe kepiaņe nânġâm metewâigât Yesugât kotņe lâuwâņe bo konbiandatgât kârikņe makyetkiweren.” dâyi. ¹⁸ Hain dâm kinmâ gaet dâm yetkonbiâ âġâmbela hin dâm makyetkiyi, “Yetņe Yesugât kotņe bo konmâ yâkgât keiņe lâuwâņe bo makyenġiwiandat.” ¹⁹ Hain dâmbiâ Petoro akto Yohane yâkņe hin dâm makyenġiyiat, “Yeņeak nânġâņet. Netņe Anutugât den are hepunmâ yeņġât den lokom kindetņe Anutuņe nânġâmbo bo ârândâņ akbiap. Aregât yeņġât den bo lokoweret. ²⁰ Net Yesuņe âi mem hekat netkimbo ekmâ nânġâyiot are yeņe makmâ hâre netkiwaigât dop bo tatâp.” dâyiat. ²¹ Hain dâmbela yâkņe wârakmâ den kârikņe lâuwâņe makyetkim benņe yeņæet hin dâm maganġiyi, “Luâk âmbâle kâmot humo arekņe ²² luâk âlepņe agep are kopa akmâ manmâ gambo hombaņ 40 agep aregât nânġâmbiâ humo agep aregât nenņe gain gain akmâ hâre yetkiweren?” dâm nânġâmbiâ umatņe akto hepuli.

Biwiyeņe Yesugâlân kali arekņe hamep akbâen dâm Anutu ulilaņi.

²³ Petoro akto Yohane yâkne arewa gam galalupyetne yengâlân arim sumbe kat kat luâk yengât humomolupyene akto Israe yengât humomolupyene yâkne den makyetkiyi aregât den pat are hârok makyengiyyat. ²⁴ Makyengimbela nângâm biwiyene herone akto nângâ nângâ mendugum Anutugât kotne mem agatmâ hin dâyi, “Kembu Humo, himbim hân haru akto hângât wan me wan keine keine kalen aregât ambone gâ. ²⁵ Gângât Heakgande hakunenne Dawidi gângât den lokom malep yâkgât biwiñân kato Dawidine Anutugât hin dâep,

“Anutugâlân biwiyene bo katmaïne Anutu ewangim kinmâ yâk mem ge katbaigât dop bo tatâp aregât wangât gasa aganđâi? ²⁶ Akto hânân luâk kembu akto humomolupyene yâkne menduguakmâ hin dâmai, “Anutu kembu yâkne damunyenje ak dâm hunğunaņdo giep are gasa aganmâ siângen katne.” hain dâmai.”

²⁷ Dawidine den hain dâep aregât bunne miawakto Herote akto Pilato kotne siâ Ponto yâkne galalupne akto Israe luâk bikne yâk olop kepia ain mendugum maganņi goanņi agi aregât âmâ damun nenne akberâm aregât nange hoņ bawage âlepne are hunğunaņmenâ giep yâkgât hâkâņ akmâ wan me wan bâlene aganberâm menduguyi. ²⁸ Are âmâ yenje hanyenjaet bo agi. Gâne emelâk nângâm kalen are miawakbiap dâmenâ miawagep. ²⁹ Kepia iregât ambolupņande den kârikne maknengimbiâ hamep akbâengât den are nângâm nen hoņ bawalupge kârikne aknengimenâ denge makberâm hamep bo

akbaen. ³⁰ Akto nange Yesu hon bawage âlepne yâkgât wâtņân kinmâ luâk kundatdâ âlepne akbiâ kulem keiņe keiņe miawagâkgât tân nenguwen.”

³¹ Hain dâm ulilanbiâ emet mendugum tali are duwuņ agep. Hain akto Anutugât Heakne arekne kârikne akyenġimbo hamep hepunmâ arim Anutugât den are owâiņeâk makyenġim mali.

Yesugâlân biwiyene kali yâk han biwi konok akmâ mali.

³² Hain akmâ sop ain sikum me puli me wan me wan tatyenġiep aregât, “Ire nâņgât are gâņgât.” hain bo dâm konogâk mendugum katbiâ tânyenġuep. Biwiyene Yesugâlân katmini arekne biwiyene konogâk akto nâņgâ nâņgâylene konok akto agak memeyene konogâk akmîni. ³³ Akto Aposolo yâkne Yesu Humo momoņânba agalep aregât den pat âlepne are makyenġimbiâ kârikne akto hamep bâlâk makyenġim mali. Hain akmâ manbiâ Anutuņe damunylene akto luâk âmbâle hârokne herone akyenġiyi. ³⁴ Akto hutyenân siâne umburuk me mop bo mali. Akto hân me kalamân gâtne me emet me kotne siâ siâ are luâk bikne togombiâ are yenġiyi. Yenġimbiâ aregât hâuņe puliyenġimbiâ puli are kâmot humo yâk yenġât pat Aposolo yenġâlân katbiâ talep. ³⁵ Akto luâk bikne puli me kotne siâ siâ umburuk manbiâ arewa mem potatmâ yâk yenġiyi. ³⁶ Hain akmâ manbiâ hutyenân luâk siâ kotne Yosepe are malep. Akto Aposolone yâkgât kotne irakne Banaba dâm koli. Kot aregât purikne amâ hin, “Luâk siâ wan me wanne hâkņân âgâambo dowâk tângomap.” Akto yâk âmâ Lewigât kâmolân gâtne kepia siâ haru

tânâmjân talep kotje Kipiro ain gâtje. ³⁷ Akto luâk arekne ikinje hân are luâk siâ wanjo puligombo puli are mem aposolo yengâlân togom ârândânjâk katmâ metiep.

5

Anania akto Sapira yâkne Anutu hianjat.

¹ Akto luâk siâ malep kotje Anania akto âmbenne kotje Sapira yâkne maganji goanji akmâ hân yetje are puligât yengimbela hângât puli me sikum dondâ yetkimbiâ kalakbela tatyetkiep. ² Akto bikne âmâ mem netje dâtâje dâm katbela tato luâkñande bikneâk mem arim Aposolo yengâlân katmâ, “Hârok mem togoân.” dâm heyengiep. ³ Hain dâmbo Petoroje hin maganep, “Anania gain gain akmâ Niambiñe biwige mem gulip ketugumbo Anutugât Heakne hianmâ hângâet puliñe are bikne mem heambuktât? ⁴ Akto hân yetje bo yengiyiat sop ain âmâ yetjaet tatyetkiep. Gârâmâ yengimbela puli yetkimbiâ puli are hanyetjaet ukenje waliat amâ ârândânjâk yiep. Akto puli ire netjeâk hârok dâm togombela umatje aktâp. Aregât gâñe luâk henengiât are bâliâp amâ Anutu hianjât amâ dondâ bâliâp.” dâep. ⁵⁻⁶ Hain dâmbo Ananiañe den are nângâm ainâk kuñ kârũñ ge yiep. Ge mom yendo luâk sigan ain mali arekne sângumne katipkom lokom arim hangoyi. Akto Anania moep aregât den pat nângâyi arekne hamep agi.

⁷ Akto sop ainâk âmbenñande luâkñâet pat bo nângâm pâlâmñe togoep. ⁸ Togombo Petoroje hin dâm aikoep, “Hân yetjaet puliñe luâkge hârogâk

mem togoâp me?” dâambo hin dâep, “Âo, are hârogâk mem togoâp.” dâep. ⁹ Hain dâambo Petoroŋe hin aikoep, “Wangât yet biwi konok akmâ Humogât Heakŋe are hianjat aregât luâkge mondo lokom arim hangoâigât togom betgen ya kindâi. Arekŋeak gâ betgen kat gekberâi.” dâep. ¹⁰ Hain dâambo ainâk keiŋe pindiŋ âgâambo ge mom yiep. Akto luâk siganŋe luâkŋe lokom arim hangoyi arekŋe emet kâlegen âgâm momoŋe are lokom arim luâkŋaet sum ginŋânâk hangoyi. ¹¹ Akto luâk bikŋe Yesugâlân dewatiyi arekŋe patyetŋe are nâŋgâm hamep humo agi.

Aposoloŋe kulem keiŋe keiŋe ketugumbiâ egi.

¹² Akto sop ain Aposoloŋe luâk âmbâle hutyeŋân manmâ kulem keiŋe keiŋe membiâ egi. Akto Yesugât kâmot yâkŋe sumbe emetŋaet sombeim humo siâ kotŋe Salomo ain âgâm biwi konok akmâ hilâmŋe hilâmŋe mendugum Anutu manŋanmâ den agi. ¹³ Menduguakbiâ luâk bikŋande nâŋgâm aregât hamep akmâ are yeŋgâlân bo togoyi. ¹⁴ Dâ luâk âmbâle bikŋande biwiyenŋe Yesugâlân katmâ Yesugât kâmolân dewatiyi. ¹⁵ Akto Aposoloŋe kulem keiŋe keiŋe akbiâ aregât galalupyenŋe kundatdâ are tem dâgâm katmâ lokoakmâ arim dâwân katyegi. Katyekmâ hin dâyi, “Petoroŋe togombo âmâ otneŋande galalupnenŋe yendâi ire lonŋaiyekto âlepŋe akberâi.” dâyi. ¹⁶ Hain dâm Yerusalem kepia ewumâk ewumâk ainba galalupyenŋe kundat agi me sinduk baniara bâleŋande meme akyenŋimini are kewuguyekmâ Aposolo yeŋgâlân togombiâ kundatdâ akto

sinduk baniara bâleṅande meme akyeṅimini are watyekbiâ âlepṅe agi.

Anutugât aṅeloṅe kala busi kâlegenba Aposolo kewuguyekto hâkṅângen gem ariyi.

¹⁷ Akto Aposoloṅe kulem keiṅe keiṅe meyi are nâṅgâm Anutugât sumbe kat kat luâk areyeṅgât humoyeṅe akto galalupṅe Sadukaio kâmolân gâtṅe arekṅe nâṅgâm Aposolo yeṅgât kot agato nengât kotnenṅe gewop dâm aregât biwiyene bâlimbo humoyeṅande kinmâ hin dâep, ¹⁸ “Aposolo are meyekmâ kala busi kâlegen katyekṅet.” dâambo mem kala busi kâlegen katyegi. ¹⁹ Katyekbiâ hândâk akto âmâ yembiâ hândâgân Humogât aṅelo siâṅe hâṅgi hindâm kâlegen âgâm kewugu yekmâ ge betgen katyekmâ hin makyenṅiep, ²⁰ “Ye sumbe emetṅân âgâm luâk hârokṅe manman âlepṅe aregât den pat makyenṅim kinbi.” ²¹ Hain dâambo emet haṅdo sumbe emetṅân âgâm Yesugât den makyenṅim kili.

Akto Anutugât sumbe kat kat areyeṅgât humo arekṅe galalupṅe oloṅyekto den emetṅân âgâyi. Âgâmbiâ tembe loko hin makyenṅiep, “Kala busi kâlegen uran katyegi are oloṅ yekbiâ gaṅet.” dâep. ²² Hain dâambo sopanmâ gem kala busi kâlegen âgâm undâgât yeṅgimbiâ bo akto purik katmâ gam hin dâyi, ²³ “Nen arim kala busi emetṅe kâlegen are âgâm ektenṅe hâṅgi tigiyi are hainâk hârok kârikṅeâk kindâp akto hâṅgi ârândâṅ tembe lokone ariwâirâm kinbiâ yekten. Akto Aposolo meyekberâm arim hâṅgi hindâm âgâm undâgât

yeŋgienŋe bo aktâp.” dâyi. ²⁴Den hain dâmbiâ Anutugât sumbe kat kat areyeŋgât humomolupyene akto tembe loko yeŋgât kautŋe arekŋe nâŋgâm hin dâyi, “Are bo agakŋe, aregât wan miawakberâp.” hain dâyi. ²⁵Hain dâmbiâ ainâk luâk siâŋe togom hin makyenŋiep “Nâŋgâi. Luâk kala busi kêlegen katyegi ina arim sumbe emetjân âgâm den makyenŋim kindâi.” ²⁶dâmbo sumbe emetjaet tembe loko arekŋe arim luâk âmbâle kâmot humo arekŋe nenguwâirâm aregât hamep akmâ yeukjân Aposolo are hin me hain bo akyenŋim yeukjân meyekmâ purik katmâ den emetjân âgâyi.

Aposoloŋe luâk humomoŋe menduguyiân âgâm hamep bâlâk kinmâ den makyenŋiyi.

²⁷Âgâm dewunyenân katyekbiâ kinbiâ âmâ sumbe kat kat luâk are yeŋgât den emetjaet humo arekŋe hin makyenŋiep, ²⁸“Uran Yesugât keiŋe bo makyenŋiwi dâm den kêrikŋe makyenŋiyion ina yeŋe yâkgât den are makyenŋimbiâ Yerusalem kepiân mandâi hârokŋe nâŋgâyi. Akto yeŋe nengât Yesu kombiâ moep aregât dosa nengâlân katnengiwerâm aktâi.” dâyi. ²⁹Hain dâmbiâ Petoro akto Aposolo bikŋe yâkŋe den kakjân hin makyenŋiyi, “Nenŋe luâkgât den lokom âmâ Anutugât den hâkân akmâ manbaengât amâ bo ârândân akbiap. ³⁰Yeŋe dâmbiâ Yesu lâwinân kombiâ mondo hangombiâ hakulupnennaet damunyeŋe Anutu arekŋe momoŋânba mem agato mandâp. ³¹Akto yâkŋe Israe luâk nenŋe biwinenŋe yâkgâlân katenŋe dosanenŋe hepun nengiwiapgât Anutuŋe mem agato himbimân

âgâm Anutugât bătŋe bungen mandâp. ³² Akto luâk âmbâleŋe biwiyene Yesugâlân katmâ Anutugât den lokomai yâk yengât dâm Anutuŋe Heakŋe are huŋganaŋdo nengâlân dewatim Yesugât keiŋe maknengim tân nengumbo olowâk manmâ Yesuŋe wan me wan akmâ miep are ekmâ nâŋgâyion aregât keiŋe makyenŋim manden.” dâyi. ³³ Hain dâm makyenŋimbiâ nâŋgâm biwiyene bâlimbo Aposolo are yenŋuwerâm agi.

Parisaio luâk siâŋe agatmâ kinmâ galalupŋe hanyeŋe mem giep.

³⁴ Yenŋuwerân akbiâ Parisaio yenŋâlân gâtŋe luâk siâ luâk âmbâle hârokŋe ekmâ luâk âlepŋe dâmini are kotŋe Gamalie yâkŋe hutyenânba agatmâ kilep. Agatmâ kinmâ, “Aposolo are yogan betgen ge kinŋet.” dâep. ³⁵ Hain dâmbo meyekmâ betgen gembiâ galalupŋe are hin makyenŋiep, “Israe gâtŋe, ye luâk ire gain gain yenŋiwerâi? Ye siâ me siâ akyenŋiwerâm âmâ nâŋgâm heŋgemgom kinmâ akyenŋimbiâ ârândâŋ akbiâp. ³⁶ Ulikŋân luâk siâ kotŋe Teuda yâkŋe, “Nâŋe luâk kembu aktân.” dâmbo luâk 400 akmâ yâkgâlân dewatiyi. Hain akbiâ tembe lokoŋe humo akbop dâm kombiâ mondo galalupŋe are awam akmâ ariyi. Akto yâkgât âi are yân gem bo agep. ³⁷ Akto aregât hamiŋân kiapŋe luâk âmbâle oyanyene nâŋgâwerâm oyaŋ yekto sop ain luâk siâ Galilaia hânân gâtŋe kotŋe Yudasi yâkŋe ikiŋe kotŋe mem agato luâk bikŋande yâkgâlân dewatiyi. Akto areâkâ hainâk kombiâ mondo luâklupŋe are hârok yenŋum watyekbiâ hanâk hanâk awam akmâ ariyi. ³⁸ Aregât den hin makyenŋire nâŋgâŋet. Yenŋe

aposolo are hepunyekbiâ arim manñet. Manmâ yeñeak nâñgâm âmâ siâ me siâ akbiâ âmâ bo akbiâp. ³⁹ Dâ Anutuñe tânyengumbo âi are memai akto âmâ yeñe gain gain akmâ hilip yeñguwai? Dâ hilip yeñguwai âmâ Anutu gasa agañbai.” dâep.

⁴⁰ Hain dâm makyengimbo nâñgâmbiâ ârândân akto Aposolo gañet dâmbiâ meyekmâ hutyeñân âgâmbiâ tâk dâtâ dâtâne oreyegi. Oreyekmâ pat âlepñe are bo makyengiwi dâm makmâ hâreyengim watyegi. ⁴¹ Watyekbiâ arim Yesugât pat âlepñe are makyengimbiâ aregât hâuñe tâk dâtâ dâtâne arekñe oreyegi aregât Anutuñe ekto ârândân akto nâñgâm biwiyeñe âlepñe agep. ⁴² Hain akto hilâmñe hilâmñe sumbe emetñân akto luâk âmbâle yeñgât emelan âgâm Anutuñe Yesu huñgun anño giep aregât pat âlepñe den makyengim mali.

6

Luâk nâmbulân lâuwâ meyekmâ Aposolo âi tânyengañet dâm yeñgiyi.

¹ Sop aregât kakñân luâk âmbâle dondâne biwiyeñe Yesugâlân katmâ yâkgât kâmolân dewatimbiâ dondâ agi. Dondâ akmâ yâk yeñgât sikum siâ siâyene mem konogân katbiâ tatyengiep ainba mem potatmâ yeñgim mali. Hain akmâ manbiâ Girik den nâñgâmai areyeñgât hutyeñân umatñe siâ miawagep. Amâ hin. Puli damunñande Yuda yâk yeñgât kambut yeñgim âmâ Girik yâk yeñgât bo yeñgimbiâ Girik luâkñe ekbiâ ârândân bo akto nâñgâm bâlianji. ² Hain dâmbiâ aregât Aposolo keiân lâuwâ arekñe Yesugât kâmolân dewatiyi are hârok mem menduguyekmâ hin makyengiwi,

“Nenje sot me kotje siâ siâ ire mem potatmâ yengim manmâ aregât Anutugât den ire hep-undenje ârândân bo akbiap. ³ Aregât Anutugât Heakñande tân yengumbo kâmot arewa luâk bân biken lâuwâ nângâ nângâyeje olop are mem katyekbiâ nenje âi yengiennje sot me kotje siâ siâ are yâkñe potatmâ yengiwei. ⁴ Yâkñe hain akbiâ benje nenjeak âmâ Yesugât keñe makyengim Anutu olop maganji goanji akmâ manbaen.” dâyi. ⁵ Den hain dâmbiâ dondâ kili arekñe nângâmbiâ ârândân agep. Akto luâk mem miawakyegi are yengât kotyene hin. Stepano, yâk biwiñe hanje hârok Yesugâlân katmâ malep. Hain akmâ mando Anutugât Heakñande tângombo malep. Akto Pilipo, Porokoro, Nikano, Timon, Pamena, akto Nikolao. Nikolao âmâ Antiokia kepian gâtñe ulikñân Yuda luâk yengâlân dewatim Anutu nângâ anmâ malep. ⁶ Luâk are mem miawakyekbiâ Aposolo olop mendugum tatbiâ kautyenân mem âmâ Anutu maganmâ mem kârikñe ketuguyegi.

⁷ Akto Yerusalem kepian Anutugât den pat are makyengim arimbiâ luâk âmbâle dondâñe sambelem biwiyeñe Yesugât katmâ yâk yengâlân dewatim ariyi. Akto sumbe kat kat luâk yengât humomo mali are yengâlân gâtñe dondâñe denyene are nângâm hainâk biwiyeñe Yesugât kali.

Stepano meyi.

⁸ Stepanone luâk âmbâle gala akyengim mando Anutune ekto ârândân akto tângombo kulem keñe keñe ketugumbo egi. ⁹ Akto ainâk Yuda gâtñe bikñande Stepanogât den mem ge katberâm Stepano olop den maganji goanji agi. Are

âmâ nânġâmbiâ âġâep yâk yengât den emetjân mendugum mali yâk yengâlân biken biken gâtje amâ hin, bikje Kirene hânân gâtje akto bikje Alesandria kepijan gâtje arekje mendugum tali, aregât bikjande kot konmâ hin dâmini, “Wan siâje bo dâġâ nenekmap.” dâmini. Luâk hainare akto Yuda luâk Kilikia kepijan gâtje bikje akto bikje Asia hânân gâtje arekje mendugum kinmâ Stepanogât den mem ge katberâm âi humo meyi. ¹⁰ Hain akmâ maganġi goanġi akmâ tatbiâ Anutugât Heakjande Stepano tângoep aregât gain gain akmâ den hâuje maganje dâm umaleyi. ¹¹ Hain akmâ âmâ den halowân luâk bikje makyengimbiâ luâk arekje miawakmâ kinmâ hianġim hin dâyi, “Stepanoje Mosegât den kârikje akto Anutugât kot pat are makmâ hilipkombo nânġâyion.” dâyi. ¹² Hain dâm hanân gege akbiâ Israe yengât humomolupyene akto Mosegât den kârikje kepikmâ makyenġiyi are akto kepia ambolupje yengât humomolupyene yengât hanyenân gembiâ biwiyene kâlâp akto kuk agi. Hain akmâ gam Stepano are mem den emetjân âġâm luâk dondâ kili areyengât hutyenân katbiâ kilep. ¹³ Ain katbiâ kindo ulikjân galalupyene hanyenân gege agi are yengonbiâ Stepanogât hianġim hin dâyi, “Luâk irekje nengât sumbe emetje aregât bâleje dâm Mosegât den kârikje are hepunmâ manmap. ¹⁴ Akto hin dâmbo nânġâyion, “Yesu Nasarete kepijan gâtje arekje nengât sumbe emetje are mem patakomp Mosenje den kârikje makmâ nengiep are akto agak memenenneje are mem bâliwiap.” dâmbo nânġâyion.” dâm hianġim

hain dâyi. ¹⁵ Den hianġim hain dâmbiâ luâk âmbâle ain mendugum kilî arekne Stepanogât enem dewunnân ekbiâ anġelo yengât pagaleŋe hainare agep.

7

Stepanoŋe Israe yengât bâgilupyeŋaet keiyene makyenġiep.

¹ Akto Anutugât sumbe kat kat luâk areyengât humoyene arekne Stepano hin aikoep, “Den maktâi are bundâk me hianġiâi?” dâmbiâ ² Stepanoŋe agatmâ kinmâ hin dêep, “Humomolupne akto galalupne makyenġire nângâŋet. Hakunenŋe kotŋe Abrahamŋe Haran kepien bo arim âmâ Mesopotamia hânân mando Anutu pagaleŋe olop manmapŋe miawaganmâ hin dâm maganep, ³ “Gâŋe hânge tâmbânge akto ginbailupge me galalupge hepunyekmâ nânge hân siâ hekat ġinġbian ainâk arim manben.” ⁴ Hain dâmbiâ den are nângâm Kairaia hânge are hepunmâ Haran kepien arim malep. Ain mando eweŋe mondo âmâ Anutuŋe hin maganep, “Hân ire hepunmâ siân arim manbiat.” dâmbiâ hân nenŋe yu taten iren togo malep. ⁵ Iren togo malep âmâ Anutuŋe sop ain bo waŋdo âmâ bunewâk bo miep. Yogan mendo Anutuŋe siân Abrahamgât kâmot in manbai dâm makmâ hâriep. Âmâ Abraham ġupin mandoân Anutuŋe hain maganep. ⁶ Akto Anutuŋe den siâ hin maganep, “Kâmotlupge hân siânġen arim ain manmâ hoŋ bawa akmâ yân manbiâ hân aregât ambolupŋande umatŋe keiŋe keiŋe akyenġim manbiâ homban 400 hain bo

akbiap. ⁷ Hon bawa akyen gim manbiâ hâk hilâlâm yen giwai aregât dosa yen gire hân ambolupnande bâgilupge watyekbiâ âmâ hân in togom manmâ nângât den lokom kotne mem agatmâ manbai.” Anutuŋe hain dâep. ⁸ Anutuŋe Abraham ikinjaet kâmotlupne hâkyeŋe gâi gâi akmâ mem manbaigât maganep. Akto manmâ âgâm âgâm Abraham nanŋe Isaka miawakto hilâm bāt biken âlâwu bo akto ewenande hâkne gâianep. Akto Isaka manmâ humo akmâ nanŋe kotne Yakobo miep. Akto haminân Yakoboŋe hakulupnennep keiân lâuwâ meyegep.

⁹ Akto teulupnande Yosepe yâkgât hâkân akmâ mem siâ siâ mângim puligât yen gimbiâ puli yen gim emiyenep are mem Aigita hânân gen ariyi. Akto Aigita hânân mando Anutuŋe ain tângom hen gemgoep. ¹⁰ Tângombo wan me wan umatne miawagan do âmâ Anutuŋe tângombo Yosepenep heronep kaknân malep. Hain mando Anutuŋe kârikne wan do nângâ nângânep humo akto aregât Aigita yen gât luâk humo kotne Parao yâkne ekmâ luâk âlepne dâm âi wanep. Âi wanmâ ikinep emetne me Aigita hân ambolupne are damunyenep agâkgât magep. Hain dâm âi wanmâ hutyenân kato damunyenep akmâ malep. ¹¹ Mando Aigita akto Kanaŋ hân ain mop humo miawakto sot bo agep. Hain akto sot bo akto momberâm agi. ¹² Hain akmâ manbiâ Aigita hânân sot yendâp dâmbiâ Yakoboŋe nângâm nanlupne huŋgunyen gimbo aregen ariyi. ¹³ Arim puligom togom nem manbiâ bo akto benep lâuwânep huŋgunyen gimbo arimbiâ Yosepenep teulupne yekmâ ikinjaet pat makmâ

miawakyeŋgiep. Makyenġimbo Paraogâlân arimbiâ keiyeŋe hârok nânġâep. ¹⁴ Akto Yosepeŋe den kato arimbo eweŋe Yakoboŋe ġinbailupŋe luâk âmbâle 75 meyekto Aigita hânân ariyi. ¹⁵ Arimbiâ âmâ manmâ manmâ Yakobo moep. Mondo ainba nanlupŋe âkâ hainâk manmâ mom meteyi. ¹⁶ Hain akbiâ hanyenġumbiâ hakulupyeŋande hagityeŋe are mem hakuyeŋe Abrahamŋe Sikem kepien ġâtŋe luâk siâ kotŋe Hemo yâkgât nanlupŋe yenġâlân hân puligoep ain hagityeŋe are mem arim hanyenġuyi.

¹⁷ Akto bâġilupnenŋe Aigita hânân sambelem manmâ dondâ akmâ mali. Hain akmâ manbiâ Anutuŋe Abraham den maganep are kârikŋe agâkgât sop are tâlâġuep. ¹⁸ Akto Aigita yenġât luâk humo siâ miawagep arekŋe Yosepegât pat bo nânġâep. ¹⁹ Akto luâk humo arekŋe bâġilupnenŋe mem ge katyekberâm areġât hâk hilâlâm yeŋgiep. Hâk hilâlâm yeŋġim hin dâep, “Sambelewâi dâm nanlupyeŋe miawakbiâ mem ge hâkŋânġen pa-nyekŋet.” dâmbo mem yeŋġumbiâ moyi. ²⁰ Sop ain âmbâle siâŋe nanan kotŋe Mose are miep. Mezdo Anutuhe Mose ekmâ nanan âlepŋe dâep. Mose hain miawakto eweŋande emetjân yonġâk mem tato dewutâ âlâwu bo akto mem ge hâkŋânġen kato yiep. ²¹ Akto Parao baratŋande nanan are ekmâ mem nânġât nanne dâm damunŋe akmâ malep. ²² Mando getek kaulem Paraogât luâklupŋe nânġâ nânġâyeŋe olop are yenġât hutyeŋân kulem emetjân âġambo nânġâ nânġâ potatmâ wanbiâ nânġâ nânġâŋe humo akto agak memenŋe me den makmakŋe me nânġâ nânġâŋe humo agep. ²³ Hain

akmâ manmâ hombaŋŋe 40 bo akto âmâ hin nâŋgâep, “Galalupne Israe luâk are gain gain akmâ mandâi aregât arim yekbe.” dâep. Hain nâŋgâm kambiamŋe owâiŋe akto ariep. ²⁴ Arimbo Aigita gâtŋe luâk siâŋe Israe luâk siâ kondo ekmâ galaŋe are tângom Aigita luâk are kondo moep. ²⁵ Kondo mondo hin nâŋgâep, “Galalupnande iregât pat nâŋgâm Anutuŋe tânnugumbo hâmbâi gasalupnenŋe hilip yeŋguwiangât nâŋgâwai.” dâm nâŋgâep. Dâ galalupnande âmâ hain bo nâŋgâyi. ²⁶ Luâk are kondo mondo emet hauŋdo lâuwâŋe arimbo Israe luâk lâuwâ akmâ agum tatbela mem potatyelekmâ hin makyetkiep, “Yet âmâ gala konokŋe wangât akmâ gasa kalaktat?” ²⁷ Hain dâmbo bugâ keiŋe katmâ galaŋe koep arekŋe Mose hâkokom âmâ hin maganep, “Gâ netgât kiap me? Niŋande damunnenŋe akben dâm kat gegep?” ²⁸ Uran Aigita luâk siâ koen hainâk nâ nuguwerâm aktât me?” ²⁹ Hain dâmbo Moseŋe den are nâŋgâm hamep akmâ heambukmâ Midian hânângen arim lombo tatmâ malep. Manmâ âmbâle mendo nanan luâk lâuwâ meyelelep.

³⁰ Manmâ gambo hombaŋ 40 siâkâ bo akto arewa hân are hepunmâ hân tuŋe boângen Sinai gimbaŋe aregât keiŋân arimbo Anutugât aŋelo siâŋe lâwin keiŋe siân kâlâp ululunŋe om kilep ain miawakmâ kindo egep. ³¹ Ekmâ Moseŋe sân sân mem âmâ ekmâ heŋgemgowerâm ginŋân âgâ kindo Humoŋe den hin maganep, ³² “Nâ hakulupge Abraham akto Isaka akto Yakobo yâk yeŋgât Anutu.” dâep. Hain dâmbo Moseŋe den are nâŋgâm sân sân mem ongâŋe hogombo hamep akmâ ekbom dâm

dewunje hânângen panmâ kângom kilep. ³³ Hain akmâ kindo Humoje hin dâm maganep, “Nâje yu kindân iregât hân tâliât ire amâ kâmbokje. Gârâmâ gâje kei pekege are olojmâ pan. ³⁴ Akto ire nângâ. Kâmotlupge Aigita hânân manbiâ kepia ambolupjande bugâ yengum mem siâ siâ akyengim hâk hilâlâm yengim manmâ gambiâ yekman. Yekmâ indem tâgâiakyene nângâm bâin dâm geân gârâmâ gasalupyene hilip yenguwian. Akto gasalupyene yenguwian aregât gâ Aigita hânângen hunjun giñdere ariwiat.” Anutuje hain maganmâ hunjunañdo ariep. ³⁵ Arim mando Israe luâk arekne Mosegât hâkâñ akmâ hin maganji, “Niñande gâ kiap dâm kârikne giñep.” dâyi. Dâ Anutuje âmâ Moseje Israe luâk damunyeje akmâ gasalupyene watyegâk dâm aregât añelo hunjun añdo kâlâp ulunje kâlegen ge kinmâ âi are wanep.

³⁶ Akto Anutuje Mose hunjun añdo Aigita hânângen arim kulem keñje keñje ketugumbo egi. Akto arewa togom haru gilâm ain hâtikom arewa hân kamitjângen togom kulem keñje keñje kenunmâ gam manmâ kewuguyekto homban 40 agep. ³⁷ Akto Moseje Israe luâk hin makyengiep, “Yengât hutyeñânba Anutuje propete luâk siâ nâ hinare mem miawakbiap.” ³⁸ Moseje hain dâm bâgilupje olop hân kamitjângen tatmâ Sinai gimbanân âgâm añelo arekne Anutugât manmangât den magañdo gem makyengiep. Amâ yâk yengâlâk bo. Gam gam yu manden nen maknengiwiapgât makyengiep. ³⁹ Moseje bâgilupnenje makyengimbo denje are hâkâñ akmâ Mosegât den are hâkokom Aigita hânângen purik

katberâm aregât ukenje humo agi. ⁴⁰ Hain akmâ Aroņ hin magañi, “Gâ lâpio ketugum katmenâ arekne ulikñân akmâ kewugu nenekto ariwaen. Moseņe Aigita hânângenba kewugu nenekmâ togoep ina yâk gulip agep me gain gain agep nen bo nângâen.” dâyi. ⁴¹ Hain dâmbiâ bulimakao otneņe siâ mângim kato tato wan me wan otneņe aregât nângâmbiâ humo akminep aregât sumbe omberâm herone agi. ⁴² Hain akbiâ aregât Anutuņe hepun yekto biwiyeņe gulip akto dewutâ akto diâ are ekmâ hin dâyi, “Dewutâ diâ ire âmâ nengât Humonenne.” dâm ulityeņgiyi. Hain akbai aregât Anutuņe dâmba propeteņe kulemgoyi aregât bikne hin tatâp,

Anutuņe hin dâep, Israe ambolupne ye hân kamitñângen manmâ sonjo bau gâim nângât bo, siâgât sumbe higenne om manbiâ homban 40 agep. ⁴³ Akto diâ aregât nângâm ulikñân lâpiologâtyeņe kotyetne Molok akto Rapan are yetgât emet kenunmâ katyelekmâ ain âgâm kot yetne mem agali. Hain akmâ aregât dosa akbiâ nângâm hân kotne Babilon ain katyek-bian.

Israegât bâgilupnenņande Anutugât sumbe emetne mâronne ketugum hikoyi.

⁴⁴ Akto bâgilupnenņande Aigita hân are hepunmâ hân kamitñângen arim manbiâ Anutu yâkgât sumbe emetne mâronne ketuguyi are tatmâ ariep aregât keiņe Mose magañep. Hain dâm maganđo ainâk mâron are mem gagaim lâuwâņe kenunmâ kenunmâ âgâyi. ⁴⁵ Akto bâgilupnenņande sumbe emetne mâronne ketugum âgâmbiâ

Yosuane ulik gulik akmâ kewugu yekto Anutu bo nângâyi are yengât hânân togoyi. Togombiâ Anutuje luâk gasalupne are yengum watyekto âmâ bâgilupnenñande hân are mem gangerâm âmâ Anutugât sumbe emetne mârônne kenunbiâ kinmâ âgâep sop ain Dawidi miawaganep. ⁴⁶ Miawaganjo âlepne mando Anutuje ekto ârândân akto âmâ Dawidinje Anutugât sumbe emetne humo kenunberâm akmâ aregât Anutu ulilanep. ⁴⁷ Ulilando ikinje nanne siâ kotne Salomo yâkne Anutugât sumbe emetne are kenunguep. ⁴⁸ Hain gârâmâ Anutu Humo âlepne dondâne luâk nenne emet me opmân kenunmaen ain bo tatmâ manmap. Aregât Anutuje dâambo propete siâne hin kulemgoep are tatâp,

⁴⁹ Kembuñe hin maktâp, “Himbim amâ tat tatne dâ hânne amâ tâli tâline. Aregât emet gain hinare siâ mânginiñbiâ ârândân akbop? Me welam yeyene âlepne yâten tatniñdo ârândân akbop? ⁵⁰ Nâ bâtnande siâ me siâ hârok are bo mem mângiân mon?”

Anutuje hain maganjo propete siâne kulemgoep are tatâp.

Stepanoje makyengim malep.

⁵¹ Ye hanyene kârikne bâlene. Biwi nângâ nângâyeñe bo kepigagep. Bâgilupnenñande Anutugât Heakne are hâkân akmâ mem hami pali. Hainâk akmâ yekâ are yengât agak meme are bo hepunmai. ⁵² Bâgilupnenñande propete luâk hârogâk bâlene akyengim hâk hilâlâm yenjiyi. Akto Anutugât hon bawanje miawakmâ luâk ârândân akyengim togom manbiap aregât propete luâkne

makmâ kulemgoyi yâk hârogâk yengum meteyi. Akto yâkgâlân Yesu miawagep ain hianjim den bâleje makmâ kuk aganmâ lâwinân kombiâ moep. ⁵³ Akto Anutugât anelolupjande yâkgât den kârikje makyengimbiâ kulemgoyi are bo mem mandâi.” dâep.

⁵⁴ Stepanoje den hain dâm makyengimbo Yuda luâk humomolupyenande biwiyenje kâlâp akto kuk humo nângâm nekamyenje kândinj egep. ⁵⁵ Hain akbiâ Anutugât Heakjande tângombo himbimân dewunje panmâ ekto Yesu Anutugât bânje bungen ain kindo ekmâ Anutugât pagaleje ekmâ hin dâep, ⁵⁶ “Nângâi. Himbim hâreakto luâk akmâ giep are Anutugât bânje bungen kindo ektân.” ⁵⁷ Hain dâmbo den are nângâm bân dâm hârokje watmâ mem kom hâkokom ariyi. ⁵⁸ Mem kepia ginjângen gem kânje koyi. Kânje komberâm akbiâ luâk sigan siâ kotje Saulo yâkje nângâ yengimbo âlepje akto mâronyenje kâkâlep are olojmâ Saulogât enemjân katbiâ tato kânje Stepano kombiâ ⁵⁹ Yesu maganmâ hin dâep, “Kembu Yesu, otnene me.” ⁶⁰ Hain dâm pâwutje ligim hânân ge tatmâ hin dâep, “Kembu, yu akniñdâi iregât hâuje gâje bo yengiwien.” dâep. Hain dâm ainâk moep.

8

Sauloje Yesugât kâmot gasa akyengiep.

¹⁻³ Akto Anutugât den lokom mali arekje Stepanogât hâkje mem lokom indem biwi bâle nângâm sumângen lokom arim hangoyi. Akto sop ain Yerusalem kepia ambolupje luâk âmbâle biwiyenje Yesugâlân katmâ mali are

yeŋgât gasalupyeŋande keiŋe katmâ bâleŋe keiŋe keiŋe yeŋgim gasa akyeŋgiyi. Hain akyeŋgimbiâ âmâ Saulo yâkŋe âmâ Yesugât kâmot are hilip yeŋguwerâm undâgât yeŋgim emetŋe emetŋe âgâm mem miawakyekmâ tembe loko makyeŋgimbo mem olonyekmâ arim kala busi emet kâlegen katyekbiâ tali. Hain akyeŋgim hâk hilâlâm yeŋgimbiâ aregât luâk âmbâle bikŋe hamep akmâ gem heambukmâ Yudaia akto Samaria hânângen ariyi. Arim manbiâ aposolone konok Yerusalem kepiam mali.

Pilipone Samaria ambolupne den pat âlepne makyenŋiep.

⁴ Akto biwiyene Yesugâlân kali arekŋe Yerusalem kepia hepunmâ awam akmâ kepiane kepiane manmâ Yesugât keiŋe makyeŋgim ariyi. ⁵ Hain akbiâ yâk yeŋgâlân gâtŋe luâk siâ kotŋe Pilipo yâkŋe Samaria luâk are yeŋgât kepia humo ain arim Anutŋe Yesu huŋgun anđo giep aregât keiŋe makyenŋiep. ⁶ Makyeŋgim kulem keiŋe keiŋe kenunđo luâk âmbâle donđâ ekmâ denŋe nânġâm mali. ⁷ Akto sinduk baniara bâleŋande kautyeŋân meyegi are watyekto kambonmâ hepun yekmâ arim meteyi. Hain akbiâ keiyene kârīgiep are mem heŋgem yeŋguep. ⁸ Heŋgem yeŋgumbo kepia ambolupŋande Pilipone kulem keiŋe keiŋe miep are ekmâ biwiyene âlepne agep.

⁹ Akto kepia ain luâk kâmbokŋe siâ malep kotŋe Simon arekŋe ikiŋe hâkŋe mem agatmâ bâleŋe sait keiŋe keiŋe mendo ekmâ ongâyeŋe hogom nânġanġbiâ humo akto mali. ¹⁰⁻¹¹ Akto luâk âmbâle geŋeŋe âġâ âġâŋe hârokŋe yâkgât hin dâm

mali, “Nângâ nângâne kârikne talañdâpgât den nângâwerâm kârikne aktâp.” dâyi. Hain dâmbiâ sait keiñe keiñe mem manmâ gaep aregât bâtyeñe dâtyeñân igim kinmâ biwiyene yâkgâlân katmâ mali. Biwiyene yâkgâlân katmâ, “Simon konok yâkne Anutugât kârikne mem miawakmap.” dâyi. ¹² Hain akmâ manbiâ âmâ Pilipone Anutuñe damunyene akberâm agep aregât akto Yesu huñgunanđo gem malep aregât kot pat âlepne dâm makyenđimbo are nângâm mem manmâ biwiyene Yesugâlân katmâ manbiâ tu puli yenđiep. ¹³ Hain akbiâ Simon yâkne hainâk biwiñe Yesugâlân katmâ mando tu puli añi. Hain akbiâ Simonñe Pilipo penianđo ołowâk maliat. Manmâ Pilipone kulem keiñe keiñe ketugumbo Simonñe sân sân mem ekto dâtñe agep.

Petoro akto Yohaneñe Samaria hânân ariyat.

¹⁴ Akto Samaria kepia ambolupñande Anutugât den are nângâm lokom mali. Aregât pat are maganđi goanđi akbiâ Yerusalem kepiñ arimbo Aposolonje nângâyi. Nângâm Petoro akto Yohane huñgun yetkimbiâ ariyat. ¹⁵⁻¹⁷ Arimbela yâkne keiyene hin makyetkiyi, “Emelâk biwinenñe Yesugâlân katenñe Pilipone Yesugât kolân tu puli nengiep.” dâyi. Hain dâmbiâ Petoro akto Yohaneñe Anutugât Heakne yâk yenđâlân bo giep aregât nângâm kautyenñân meyekmâ Anutu ulilañiat. Kautyenñân mem kinmâ ulilañbela gem tân yenđuep. ¹⁸ Akto Petoro akto Yohaneñe kautyenñân meyekbela Anutugât Heakñande gem kârikne akyenđimbo Simon are egep. ¹⁹ Ekmâ ukenñe nângâm aregât puli mem togom hin

dâm makyenġiep, “Nâġe kautyenân hainâk mendere âmâ Anutugât Heakġande gem kârikġe akyenġiwiapgât puli ire yetkiwerân. Yetkire mem aregât hâuġe nâġgâ nâġgâ niġbela yetgât kârikġe tatyetkimap are mendere kârikġe niġâk.” dâep. ²⁰ Hain dâmbo Petoroġe hin maganġep, “Anutuġe iġiġe Heakġe huġgun aġdo gemap are gâġe puligande puligowerâm aktât are bâliâp akto arekġe hememgât pat miawakġiġdâp. ²¹ Hain akmenâ bâlimbo Anutuġe biwige ekto ârândâġ bo aktâp aregât net bo penânetkiwiat. ²²⁻²³ Akto siâ makġiġdere nâġgâ. Biwigaet keiġe hin ekmâ nâġgân. Netġe kulem mendetġe ulitnetkimenâ biwige bâliâp. Akto hainâk biwi bâle manmâ hain aregât ukenġe nâġgâm manmenâ biwige hândâk akmapgât Anutuġe dâmbo akmâ hilipkoât aregât dosa bo akġiġâkgât nâġgâ nâġgâ bâleġe hepunmâ biwige Yesugâlân katmâ ulilaġ.” ²⁴ Hain dâm maganġdo Simonġe hin dâm makyetkiep, “Hainare miawak niġbopgât Anutu ulilaġlet.” dâep. ²⁵ Hain dâmbo âmâ Petoro akto Yohanenġe purik katmâ arim âmâ kepiaġe kepiaġe Samaria hânân tatmâ ariep ain arim Yesugât den pat âlepġe are makyenġim ariyat. Arim manmâ dâp ġinġe tete kepiaġe kepiaġe âġâm Yesugât den pat âlepġe are makyenġim makyenġim Yerusalem kepiân purik katmâ ariyat.

Pilipoġe hân kamitġâġen ariep.

²⁶ Petoro akto Yohane Yerusalem kepiân purik katmâ arim manbela sop ain Anutugât aġelo siâġe miawakmâ Pilipo hin dâm maganġep, “Gâ ire hepunmâ dâp siâ ewanġim gem dâp tu tânâk

bo gemawân Yerusalemba Gaya arimai dâp are watmâ ariwen.” ²⁷ Hain dâm magan̄do Pilipone hân kamit̄n̄angen ariep. Akto Aitiopia hânân âmbâle humo siâ malep kot̄ne Kandake yâkgât pulīnaet damun akto âmbâle damun akminep yâk̄ne Yerusalem kepīan arim sumbe emet̄n̄ân âgâm Anutu kot̄ne mem agalep. Mem agato bo akto hân tâmbân̄angen ²⁸ purik katmâ ariwerâm akmâ âmâ ikīne bau luâk soko arek̄ne hân wan̄gāne siâ olōnep ain âgâm tatmâ kepīa aregen purik katmâ ariep. Dâwân arim emelâk Anutūne den dâambo propete luâk siâ kot̄ne Yesaia yâk̄ne kulemgöep are oyan̄ep. Oyan̄mâ arimbo Pilipone egep. ²⁹ Ekto âmâ Anutugât Heak̄ande Pilipo hin magan̄ep, “Woe, gâ̄ne hân wan̄gāne indâgenba togoâp ain arimenâ penigīn̄âk.” ³⁰ Hain dâambo Pilipone dowâk arimbo luâk arek̄ne emelâk Yesaiane Anutugât den are kulemgöep are oyan̄do nân̄gâm hin dâm aikoep, “Den ya oyan̄dât aregât keīne nân̄gât me bo?” dâep. ³¹ Hain dâambo âmâ bau luâk soko are siâ siâ wan̄do yeuk̄ne akmâ kindo hin magan̄ep, “Luâk siâ̄ne bo maknīndâpgât nâ nunak oyan̄mâ keīne nân̄gâwerângât dâp bo tatâp, aregât gâ̄ne hân wan̄gan âgâmenâ olowâk tatmâ âmâ keīne maknīj.” ³²⁻³³ Hain dâambo hân wan̄gan âgâambo olowâk tatmâ ariyiat. Akto emelâk Anutūne den makto Yesaiane kulemgöep are hin,

“Lama are kom gâiwerâmbiâ yân tatmap. Akto lama dumut̄ne hârembiâ âmâ pâlâm̄ne kinmap dop hainâk nân̄gât hon̄ bawa pâlâm̄ne yekmâ kindo den âiân katmâ ikīnaet pat âlep̄ne makyen̄giwopgât dâp gisapkom kombiâ

moep. Akto kombiâ mondo ainba kâmotlupņe biwiyenņe yâkgâlân katmâ manbai yâk yenġât oyaņ yekbaigât dâp bo tatâp.”

³⁴ Akto luâk kotdâņe den are oyaņmâ areġât Pilipo hin aikoep, “Propete luâk arekņe ikiņaet me siâġât kulemgoep?” dâep. ³⁵ Hain dâambo Pilipoņe Yesiaņe den kulemgoep are oyaņmâ arewa Yesugât den pat âlepņe are maganđo tatmâ ariyat. ³⁶ Arim tu siâ hâlâņmâ arimbela luâk kotdâ arekņe hin dâm maganņep, “Indâre ek. Tu tatâp. Nâ tu puli niņberâtġât nâņġân areġât gain aktere ârândâņ akberâp?” dâep. ³⁷ Hain dâambo hin dâm maganņep, “Ġâņe biwige Yesugâlân katmenâ âmâ âlepņe mem tu puli ġiņberân.” dâm maganđo hin dâep, “Yesu are âmâ Anutugât nanņe areġât biwine yâkgât emelâk katân.” dâep. ³⁸ Hain dâambo âlepņe dâambo areġât bau luâk soko are mem yeukņe ketugumbo kindo Pilipo akto luâk kotdâ arekņe hân waņġanânba gem tuân geyiat. Gem âmâ Pilipoņe tu puli aņep. ³⁹ Puli aņdo tuânba gambela âmâ Anutugât Heakņande Pilipo mem oloņđo arimbo luâk kotdâņe Pilipo undâġato bo akto biwi heronņe nâņġâm hân waņġan âġâm mem ariep. ⁴⁰ Akto Anutugât Heakņande Pilipo mem Asido kepiān kato kindo eġi. Ekbiâ kepiāņe kepiāņe arim Yesugât den pat âlepņe makyenġim arim Kaisarea kepiān ariep.

9

Humonņe Saulo miawaganņep.

¹ Akto sop ain Saulonņe Kembuġât kâmot gasa akyenġim hilip yenġuwerâm akto biwinņe kâlâp

agep. Biwiņe kâlâp akto Sauloņe Anutugât sumbe kat kat areyengât humoyeņaelân arim kulem esenņe niņņetgât ariep. ² Amâ den emetņe Damasko ain tatâp aregât humomolupņe hekatyengim dâp irakņân manmai luâk me âmbâle mem miawakyekmâ bâtyeņân hikom Yerusalem kepian meyekmâ togoâkgât kulem esenņaet ulityeņgiep. Ulityeņgimbo waņbiâ mem ariep. ³ Akto kulem esenņe are mem Yerusalem kepia hepunmâ Damasko kepia ewumâk akto âmâ himbimânba dewutâ pagaleņe humo gem belek belek akmâ miawagep. Belek belek dâm miawakto hânân ge yiep. ⁴ Ge yendo ainâk den siâ hin dâmbo nâņgâep, “Saulo, Saulo, gâ wangât nugum watnekmâ mandât?” dâep. ⁵ Hain dâmbo Sauloņe hin dâep, “Kembu gâ niņe.” dâmbo hin dâep, “Nâ nugum watnekmâ manmat ire. Nâ Yesu. ⁶ Agatmâ gâņe kepian arimenâ âmâ siâņe gain gain akbiatgât miawâk makgiņbiap.” dâep. ⁷ Hain dâmbo olop mali arekņe den are nâņgâm kinmâ etem metem agi. ⁸ Hain akmâ kinbiâ Saulo âkâ agatmâ ekberâm akto ainâk dewunņe hândâk agep. Hain akto aregât galalupņande mem oloņmâ Damasko kepian ariyi. ⁹ Mem oloņmâ arim manbiâ dewunņe hândâk akto sot me tu me wan me wan bo nem mando hilâm âlâwu bo agep.

Ananiaņe Saulo mem tu puli aņep.

¹⁰ Akto Damasko kepia ain gâtņe luâk siâ Yesu kâmolân gâtņe kotņe Anania. Manmâ biwiņe purik dâmbo giwelân Humoņe miawaganmâ kolep. Kondo hin dâep, “Humone, wan den makniņberâm aktât?” dâmbo ¹¹ Humoņe hin

dâm magañep, “Agatmâ ari. Dâp siâ aregât kotņe dâp tâņâk dâm konmai ain Yudasi siâgât emet tatâp ain arim âgâm luâk siâ kotņe Saulo are Taso kepijan gâtņe are mem miawakben. Nâņgât. Yâkņe nâ ulitņiņmâk mandâp. ¹² Uran ulitņiņmâ âmâ giwelân hin egep. Luâk siâņe kotņe Anania yâkgâlân arim âmâ dewunņe hulaj akbiapgât kautņân membiap are egep.” dâep. ¹³ Humoņe hain dâm magañdo Ananiaņe hin dâep, “Humo, Saulogât hin dâmbiâ nâņgân. Yâkņe âmâ Yerusalem kepia ambolupņe gâņgât kâmolân mandâi are hilip yeņgum hâk hilâlâm yeņgim mandâp. ¹⁴ Akto yâkņe kotņe konmâ manmaen nen mem oloņnenekto Yerusalem kepijan purik katmâ arinjetgât Anutugât sumbe kat kat areyeņgât humomolupyenande magañgim kinmâ huņgunañbiâ togoâp.” ¹⁵ Ananiaņe hain dâmbo hin dâep, “Gâ hanâk yâkgâlân ari. Luâk âmbâle hârokņe nâņgât keiņe nâņgâņjetgât Saulo oloņdere hoņ akniņmâ luâk âmbâle bikņe Anutu bo nâņgaņmai are akto luâk humomolupyenē akto Yuda luâk bikņe areyeņgâlân arim keiņe makmâ miawakmâ makyenģiwiap. ¹⁶ Makyenģimbo bikņande âmâ nâņgâmbiâ bâlimbo aregât siâ siâ agañbiâ hâk hilâlâm kakņân manbiap aregât keiņe magañbian. Aregât agatmâ ari.” ¹⁷ Hain dâmbo Ananiaņe âmâ emet tirip kalaņep ain arim âgâm Saulogât kautņân mem hin dâep, “Galane Saulo, makģiņdere nâņgâ. Yesu Humoņe dâwân miawakģiņdo egen yâkņe dewunģe âlepņe akberâpgât akto Anutugât Heakņande kârikņe akģiņâkgât huņgun niņdo gutân.” ¹⁸ Hain dâm

maganđo hainâk dewunđe henepđe gagai akmâ gembo emelâk hârok ektân dâmbo tu puli anjep. ¹⁹ Hain akto sot om wanđbiâ nendo hagitđe kârikđe agep. Akto tatmâ Yesugât kâmot Damasko kepiã mali yâk olowâk mali.

Saulonđe Damasko kepiã manmâ Yesugât keiđe makyenđiep.

²⁰ Manmâ âmâ ainâk keiđe katmâ Saulonđe Yuda yenđât den emetđân âgâm Yesugât keiđe hin makyenđiep, “Yesu are amâ Anutugât nanđe mandâp.” ²¹ Hain makyenđimbo nânđgâmbiâ dâtđe akto den hin dâm maganđi goanđi agi, “Amâ yâkđe âgâlân Yerusalem kepiã manmâ luâk âmbâle Yesu kotđe konmâ manmai are hilip yenđuwerâm akmâ hâk hilâlâm yenđiep. Akto Yesugât kâmot in mandâi yâk mem olođ yekmâ purik katmâ sumbe kat kat luâk arekđe hilip yenđuđet dâm Yerusalem kepiãnba iren togoep.” Hain dâm maganđi goanđi agi. ²² Akto Saulonđe ain manmâ nânđgâ nânđgânđe kârikđe akto Yesu amâ Anutunđe huđuđanđo giep aregât keiđe dâm miawakmâ makyenđimbo nânđgâmbiâ han lâuwâ agep.

²³ Yuda gâtđande Damasko kepiã manmini arekđe nânđgâm manmâ biwiyenđe kâlâp akto Saulo komberâm agi. ²⁴ Den akmâ Saulo komberâm kepiã ginđânâk kinmâ hin dâyi, “Saulo in gembo âmâ kondenđe momberâp.” dâyi. ²⁵ Hain dâmbiâ Saulonđe nânđgâm galalupđe makyenđimbo hândâgânâk haka humo kâlegen lugum tâkđe hikom giâkom kâtđe haot humo ketugumini are dâtđânba panbiâ gem hânân kinmâ haka kâlegenba yonđak agatmâ ariep.

Saulo Damasko kepia hepunmâ Yerusalem kepian ariep.

²⁶ Akto Saulo Damasko kepia hepunmâ Yerusalem kepian ariep. Ain arim Yesugât kâmolân gâtne penâyengiwerâm agep. Penâyengiwerâm akto imâ Yesu gâlân gâtne bo dâm hamep akmâ gala bo agañi. ²⁷ Gala bo agañbiâ aregât Aposolo siâ kotne Banaba yâkne Saugogât denne makberâm akmâ Aposolo yengâlân oloņmâ arim hin dâm makyengiep, “Humonennande Saulo dâwân mem miawakmâ âmâ den magañep. Magañdo Damasko kepian arim ain Yesugât kot den hamep bâlâk makyengiep.” dâep. ²⁸ Banabaņe hain dâm makyengimbo gala agañbiâ olop manmâ Yerusalem kepia are gam ândearņmâ arim Humogât kotne dâm miawakmâ makyengiep. ²⁹ Hain dâm makyengim Yuda luâk ulikņân Girik hânân ariyi arekne purik katmâ togoyi yâk yengâlân gâtne bikne makyengimbo denyene gembo âgâmbo akmâ kondenne moâk dâm magañgi goañgi agi. ³⁰ Akto Yesugât kâmotlupne yâkne yâkgât den pat nâņgâm Saulo mem oloņmâ Yerusalem kepia are hepunmâ gem Kaisarea kepia arim katbiâ wangān âgâmbo mem ikinē kepia kotne Taso ain are kato ariep. ³¹ Akto Anutugât Heakņande Yuda ambolupne akto Galilaia ambolupne akto Samaria ambolupne biwiyene Yesugâlân kali are memene akyengimbo aregât luâk dondâ yâk yengâlân mendugum dewatiyekbiâ dondâ agi aregât biwiyene sândugiep.

Petoroņe Yesugât wâtņân kinmâ luâk keiņe bātne

kârigiep siâ kotņe Ainea are mem henjemoep.

³² Petoro hân ain arim togom hâtikom âmâ Yesugât kâmot Lida kepiān mali are yengâlān ariep. ³³ Arim luāk siâ kotņe Ainea egep. Yāk âmâ kei bātņe kârigem yiep. Hain mando hombaņ nâmbulān âlâwu bo agep. Are Petoroņe hin dâm magañep, ³⁴ “Ainea Yesu Kristo yākņe henjem guguâpgât agatmâ gugak tem tâkge loko.” dâmbō aināk agalep. ³⁵ Âlepņe akmâ agato Lida akto Sadoņ ambolupņande ekbiâ dâtņe akto biwiyene Yesugâlān kali.

Petoroņe Tabita mem agalep.

³⁶ Akto Yope kepiān âmbâle siâ Yesugât kâmolān dewatiep are kotņe Tabita den purikņe amâ hânângen. Yākņe luāk âmbâle umburuk mali are gala akyengim tânyenguep. Hain akmâ manmâ kundat miawagaņdo moep. ³⁷ Mondo lokom âgām emet kâlere siān tu pulim katbiâ yiep. ³⁸ Yope kepia are akto Lida kepia are olop kereregāk taliatgât Yesugât kâmolān mendugu ageine Petoro togoâp nângām luāk lâuwâ huņgun yetkiyi. Huņgun yetkimbiâ arim hin dâm magañiat, “Kewugu gektetņe olowāk hinņe arine.” dâmbela âlepņe dâmbō kewugumbela ariyi. ³⁹ Arimbiâ âmbâle momoņe talewân are kewugumbela âgâyi. Âgâmbiâ âmbâle kambutņe ândeanmâ tatmâ okot nângâ aņmâ indem tatmâ Tabitaņe golâ malewân ain sâņgum parutmâ yengiep are hârok hekalāņi. ⁴⁰ Hekalanbiâ Petoroņe, “Sopañet.” dâmbō hârok sopanmâ ge betgen kinbiâ enemņān bam kâņgom Anutu ulilaņep. Ulilaņmâ âmbâle momoņe yiep are ekmâ hin dâm magañep, “Tabita agatmâ kin.”

dâmbô ainâk dewunne hulanj akto Petoro egep. ⁴¹ Ekto Petoroņe bâtnân mendo agatmâ kilep. Kindo Petoroņe yeņgondo âmbâle kambut akto luâk âmbâle bikņe Yesugât kâmolân dewatiyi are hârok âgâm Tabita momoņânba mem agalep are egi. ⁴² Ekmâ Tabita momoņânba agalep aregât den pat are maganņi goanņi akbiâ Yope kepijan gâtņe biwirâņe Yesugâlân biwiyenē kali. ⁴³ Akto Yope kepijan malep luâk siâ kotņe Simonj yâk makao hâkņe gagaim kau hekom parutmâ kato puligomini yâkgât emelan ain Petoroņe sop kâlep tatmâ malep.

10

Anjelo siâņe Konelio miawaganņep.

¹ Kaisarea kepijan luâk siâ malep kotņe Konelio Italiagât tembe loko yeņgât damun kautņe malep. ² Yâk akto kâmotlupņe arekņe Anutugât den lokom ulilanmâ mali. Hain manbiâ damunyenē arekņe Yuda luâk âmbâle umburuk mali are yeņgât okotņe nâņgâm kotņe siâ siâ yeņgim malep. Akto yâkņe Anutu yâkgât heroņe nâņgâm hilâm ârândâņ me-painē miep. ³ Hain akmâ manmâ hilâm siân enņgainē biwiņe mem purik kato Anutugât anjelo siâņe kolep. ⁴ Kondo tâņâk ekmâ sâņ sâņ mem hin dâep, “Kotdâ gain gain?” dâmbô hin dâep, “Gâņe Anutu maganņmâ denņe lokom manmâ luâk umburuk manmai are gala akyeņgimat are Anutuņe nâņgâmbo âlepņe akmap. ⁵ Gârâmâ gâ uņak hoņ bawalupge huņgunyenņimenâ Yope kepijan arim luâk siâ kotņe Simonj, Petoro are kewugum togowi. ⁶ Yâk nambenē Simonj makao hâkņe gagaim kau

hekom parutmâ kato puligomai aregât emelan tatâp. Akto emet are amâ haru ginjân tatâp.”
 dêep. ⁷ Añeloñe hain dâm arimbo Konelioñe dâmbo hoñ bawa lâuwâ akto tembe loko yâk yengâlân gâtñe siâñe Anutugât denñe lokominep yâk gambiâ ⁸ añeloñe den magañep are makyenjim huñgun yengimbo Yoƞe keƞian ariyi.

Anutuñe Petoro biwiñe mem purik katmâ wan siâ hekalanep.

⁹ Arim dâwân yem kinbiâ hauñdo âgâm arimbiâ keƞia are tâlâgumbo âmâ dewutâ kâríkñe akto Petoroñe Anutu den magañberâm emet kakñân âgâep. ¹⁰ Âgâm Anutu magañmâ kinmâ mopñe agumbo sot nemberâm aregât, “Sot oñet.” dâmbo sot om tatbiâ ain biwiñe purik âgâmbo hin egep. ¹¹ Himbim hâreakto añeloñe wan siâ mâron humo tuñgunep biken biken hikom mem giâkom katbiâ hânân giep. ¹² Akto aregât kêlegen soñgo lâut toñga keñe keñe Yuda luâkñe bo nemini arekñeak ain yiep. ¹³ Are gembo âmâ himbimânba den hin magañep, “O Petoro, are gâim om ne.” dâmbo ¹⁴ Petoroñe hin dêep, “Kotdâ, nâ hain bo akman. Soñgo kâmbokñe bo nene dâmaen hinare bo neman.” dêep. ¹⁵ Hain dâmbo lâuwâñe hainâk dêep, “Are gâim ne, Anutuñe makto âlepñe aktâp are bo neneñe hain bo dâm hepunbiat.” dêep. ¹⁶ Lâuwâñe âlâwuñe hainâk dâmbo mem oloñbiâ himbimân âgâep.

¹⁷ Himbimân âgâmbo Petoroñe are ekto biwiñân kulem mendo nâñgâmbo ârândân bo akto âmâ Konelioñe hoñ bawalupñe huñgunyenjiep arekñe togom Simoñgât emetñe mem miawakmâ betgen

kinmâ den hin dâm koli, ¹⁸ “Simon kotje siâ Petoro gâ ain tatât me?” dâm koli. ¹⁹ Hain konbiâ Petoroŋe wan siâ egep aregât nâŋgâm hengemgom kindo Anutugât Heakŋande hin maganep, “Nâŋgât. Luâk âlâwu akmâ yâkŋe undâgât giŋdâi ²⁰ aregât yâk olop gem ariwerâm âmâ nâŋgâmâk bo ak. Luâk are nâŋe makyenŋire togoâi.” dâep. ²¹ Hain dâmbo Petoroŋe yâk yeŋgâlân gem hin aiyenŋuep, “Kulâgâtâi amâ nâ ire. Wangât togom nogondâi?” dâep. ²² Hain makyenŋimbo hin dâyi, “Tembe loko yeŋgât humoyeŋe kotje Konelio yâkŋe Anutugât hamep akmâ gala aganmâ yâkgât dewunŋân âlepŋe manmap yâkgât Yuda kepia ambolupŋande nâŋgâmbiâ ârândân akmap. Akto Anutugât anelo siâ huŋgunanŋo Konelio miawaganmâ gâŋe arim emetŋân maganŋiatgât magep.” dâyi. ²³ Hain dâmbiâ gala akyenŋimbo emetŋân âgâm yeyi.

Yem kinbiâ haunŋo agatmâ Yope kepiân bikŋe biwiyeŋe Yesugâlân katmâ mali yâk olop ariyi. ²⁴ Arim dâwân yeyi. Yem kinbiâ haunŋo agatmâ Kaisarea kepiân ariyi. Arimbiâ Konelioŋe galalupŋe akto ginbailupŋe olonyekto mendugum lâmyenŋum tatbiâ togoyi. ²⁵ Togom Petoroŋe emetŋân âgâwerâm akto Konelioŋe kambiamŋe âlepŋe akto gem enemŋân kâŋgom kotje mem agalep. ²⁶ Hain akto Petoroŋe mem agatmâ hin maganep, “Hepun. Nâmâ gâ hinare luâgâk.” dâep. ²⁷ Hain dâmbo Konelioŋe kewugu yekmâ emelan âgâmbo Petoroŋe mendugum tali are yekmâ hin makyenŋiep, ²⁸ “Ye Yuda luâk nengât agak meme nâŋgâmai. Nenŋe Yuda luâk bo are gala akyenŋim yâk olop tatbaengât dâp bo tatmap.

Nâmâ luâk den siân gâtŋe luâk ire âmâ bâleŋerâm nâŋgâre gemap. Hain akmâ gala bo akyeŋgiwerâm aktere Anutuŋe hain bo akben dâm aregât keiŋe makniŋep. ²⁹ Aregât kewugu nekberâm togombiâ âmâ den bo koyeŋgiân. Gârâmâ wangât nâ kewugu nekberâm undâgât niŋi aregât keiŋe makniŋbiâ nâŋgâwe.” dâep.

³⁰ Hain dâmbo Konelioŋe hin maganep. “Nâŋe kulem siâ ekmâ manmâ gare sop uŋak hilâm imbâtŋe bo aktâp aregât den pat makŋiŋbe. Nâ emet eŋgaiŋe Anutu maganberâm aktere âmâ luâk siâ pagaleŋe olop arekŋe nâŋgâlân togom nogonmâ hin makniŋep, ³¹ “Konelio, Anutu maganmenâ nâŋgâmbo âlepŋe agep. Akto siâ siâ kalem akmenâ gekmâ nâŋgâ giŋdo âlepŋe akmap. ³² Aregât gâŋe hoŋ bawalupge huŋgunyeŋgimenâ Yope kepian arim ain luâk siâ kotŋe Simonŋ kotŋe siâ Petoro are kewugum togowai. Yâk ikiŋe nabeŋe Simonŋ makao hâkŋe kau hekom parutmâ kato puligomai aregât emet haru giŋŋân tatâp ain yâk olop mandat.” dâep. ³³ Aŋeloŋe hain makniŋdo ainâk hoŋ bawalupne gâŋgâlân huŋgunyeŋgire den mem togombiâ togoât aregât kambiamne âlepŋe aktâp. Akto togom Anutugât dewunŋân yu taten imâ Humoŋe den potatmâ giŋep are maknengimenâ nâŋgâne. Gâ aregât togoât gârâmâ maknengi.” dâep. ³⁴ Hain dâmbo Petoroŋe hin makyeŋgiep, “Anutuŋe luâk nengât agak meme nenŋaet nâŋgâm hin dâmap, “Luâk hârok dopyeŋe konogâk akmai.” dâmap are hinŋe nâŋgâm heŋgemgoân. ³⁵ Luâk kâmotŋe kâmotŋe yâk yeŋgâlân gâtŋe bikŋande Anutu

gala aganmâ agak meme âlepneâk akyengimai aregât meyekbiapgât dopne tatâp. ³⁶ Akto Anutuņe propete luâklupne hungunyengimbo Israe nengât hutnennân togom Anutuņe hoņ bawaņe hunğunaņdo gem damunyeņe akbiap dâmini are Israe luâk nengâlâk bo. Luâk kâmotne kâmotne nen hârok damun nenne akbiap aregât den pat âlepne are biwiyene sândugeâkgât makyengim gayi are âmâ Yesu yâkgât keņe ye nâņgâmai. ³⁷ Akto Yohanene biwiyene Anutugât katbiâ tu puli yeņgiwe dâmba ain gâtnande Galilaia akto Yudaia hân tânâmņân kulem keņe keņe miawakto ekbiâ dâtne agep aregât patne nâņgâyi. ³⁸ Akto Anutuņe ikeņe Heakne hunğunaņdo Yesu Nasarete kepian gâtne are memene aganđo aregât wâtnân manmâ hân biken biken arim togom gala akyengim malep. Akto Niambi bâleņande luâk mem hilip yeņguep are mem hengemyengum metiep. Akto Anutuņe tângombo âi hain miep aregât ye nâņgâi. ³⁹ Akto Yerusalem kepian akto Yuda luâk nen manmaenân ain nen olop manmâ kulem keņe keņe mendo are ekmâ meteyion. Akto lâwinân kombiâ moep. ⁴⁰ Mondo hilâm âlâwuņe bo akto Anutuņe memene aganđo momoņânba agato egion. ⁴¹ Agatmâ luâk hanâk hanâk yeņgâlân bo miawagep. Nengâlânâk miawakto egion. Anutuņe nune pat dâm menenekto malion nengâlânâk miawagâk dâmba hainâk miawagep. Momoņânba agato yâk olop sot nem anđi goanđi akmâ den maganđi goanđi agion. ⁴² Akto Anutuņe golâ manden me emelâk moyi nen hârogâk Yesuņe den dâm hârenengiwiap aregât

luâk kautņe kalep. Akto Anutuņe Yesugât den pat âlepņe ire luâk kâmotņe kâmotņe makyenņjet dâm aregât makmâ nengiep. ⁴³ Akto ulikņân propete luâklupņande Yesugât den hin dâyi, siâņe biwiņe Anutuņe huņgunaņdo gewiap yâkgâlân kato Anutuņe nanņaet kotņaet akmâ luâk aregât dosa hepunaņbiap.” dâep.

Anutugât Heakņande Yuda luâk bo are kautyenĵân mem tânyenņuep.

⁴⁴ Petoroņe den hain dâm makyenņimbo nâņgâm tali are yenĵâlân Anutugât Heakņe ĵiep. ⁴⁵⁻⁴⁶ Gem kautyenĵân mendo elewetyeņe purik âĝâmbo den siâ siâ makmâ Anutu maganņmâ kotņe mem agatbiâ aregât Yope kepien ģâtņe Yuda luâk Petoro olop togoyi arekņe yekbiâ dâtņe akto han undup aĝi. ⁴⁷ Hain akbiâ Petoroņe hin dâep, “Ulikņân Anutuņe Heakņe huņgunaņdo nengât kaknenņân ĵiep. Akto hainâk uņak kepia ambolupņe yenĵât kakyenĵân geâp, aregât niņande tu puli yenĵiweringât makmâ hârewiap?” ⁴⁸ hain dâm luâk âmbâle bikņe tu puli yenĵim Yesu kotņe konņet dâm makyenņimbo hain aĝi. Hain akmâ Petoro mem gangerâmbiâ âmâ yâk olowâk manbiâ hilâm amon siâ bo akto ariep.

11

Yerusalem kepien ģâtņe Yesugât kâmot Petoro olop maganņi goanņi aĝi.

¹ Aposolo akto Yuda luâk âmbâle bikņe Yudaia hânân manmâ biwiyenņe Yesugâlân katmâ mali arekņe Yuda luâk bo manmai are Anutugât den nâņgâm lokoyi are yenĵât pat nâņĝâyi.

² Nângâmbiâ Petoroŋe Yerusalem kepiã purik katmã arim âgâmbô Yuda luâkŋe Petoroŋe hain agepgât nângâmbiâ ârândân bo akto hin magañi,
³ “Gâŋe âgâlân hâkyeŋe bo gâi yeŋgiyi are yeŋgât hutyeŋân arim bâtyeŋânba sot mem nien are nângâeŋe bâliep.”
⁴ Hain dâmbiâ aregât Petoroŋe wan me wan miawagep aregât keiŋânba den pat makyeŋiep.
⁵ Makyeŋim hin dâep, “Nâŋe âgâlân Yope kepiã manmã Anutu magañmã âmã biwine purik kato humoŋe biwinân den kato hin egân. Mâron humo hainare himbimânba gem gem keiŋân giep.
⁶ Gembo âmã are ekmã heŋgemgoân. Katip are kâlegen soŋgo lâut toŋga keiŋe keiŋe Yuda nen bo nemaen hain arekŋeâk yiep.
⁷ Yendo ektere âmã himbimânba den siã hin dâmbô nângân, “Petoro are gâim om ne.” dâmbô nâŋe hin dân,
⁸ “Humo, nã bo. Hainare kâmbokŋe bo neman.”
⁹ Hain dâre himbimânba den lâuwâŋe hainâk dâm makniŋep, “Anutuŋe imã neneŋe dâmap are amã bâleŋe bo dâwen.” hain dâm makniŋep.
¹⁰ Hain akto lâuwâŋe âlâwuŋe hainâk dâmbô himbimân âgâep.
¹¹ Âgâmbô ainâk Kaisarea kepiã gâtŋe luâk âlâwu akmã Konelione huŋgun yeŋgimbo togoyi.
¹² Togom mem miawaknekiã Anutugât Heakŋande hin makniŋep, “Gâ yâk olop ari. Nângâmâk bo akben.” hain dâmbô arienneŋe Yesugât kâmolân gâtŋe luâk nâmbulân konok ire olowâk ariyion. Arim tembe loko yeŋgât humoyeŋe siâgât emelan âgâeŋe den hin dâm makneŋiep,
¹³ “Nã emelan âgâre aŋelo siãŋe miawak niŋmã hoŋ bawalupne huŋgun yeŋgire Yope kepiã arim luâk siã kotŋe Simoŋ Petoro are kewugum togowi.

14 Togombiâ den makto âmâ nâ akto nângât ginbailupne âlepne akmâ manbaigât aneloje hain dâm maknijep.” dâep. 15 Konelioje hain dâambo nâje den hâuje makyengim kindere sop ainâk Anutugât Heakjande kakyenân giep. Ulikjân nengâlân Anutugât Heakjande kaknennân giep hainâk sop ain kakyenân giep. 16 Gembo ekmâ âmâ ulikjân Yesuje den maknengiep are nângâm hengemgoân, “Yohanene tu puli yengiep gârâmâ nune Heakje are hunjunañdere kakyenân gewiap.” Yesuje den hain dâep are nângâm hengemgoân. 17 Akto nenje biwinenje Yesu humo Anutuje hunjunañdo giep aregâlân katmâ mandenje âmâ Anutuje ikiye Heakje nengât hunjunañep hainâk yengâlân hunjunañep. Aregât nâje Anutu hamianbiangât dopje bo tatâp.” 18 Petoroje hain dâm makyengimbo nângâm biwiyene herone akto hin dâyi, “Anutuje ulikjân nengât biwinenje kârikje agep are goanngiep. Goanngimbo biwinenje Yesugâlân katenje hilip nenguwiapgât dop bo agep. Dâ ujak âmâ Anutuje Yuda luâk bo manmai are oloñ yekto Yesugâlân biwiyene kali aregât bâlenjande hilip yengu yengugât dop bo agep.” dâyi. Dâm nângâm Anutugât kotje mem agatmâ kambiamyene âlepne agep.

Banabane Antiokia kepien arim Yesugât keije makyengiep.

19 Akto emelâk luâk kotje Stepano kombiâ moep ainâk Yesugât kâmotlupne bikje yengum watyekbiâ potalakmâ bikjande Poinike hânân ariyi. Akto bikjande Antiokia akto Kipiro ariyi.

Arim manmâ Yesugât den pat âlepņe are Yuda luâk makyenģiyi. ²⁰ Hain akbiâ hutyeņân gâtņe luâk bikņe Kipro kepien gâtņe akto Kirene hânân gâtņe luâk arekņe Antiokia kepien arim Yesu Humogât den âlepņe are kepia ambolupņe Girik gâtņe are makyenģiyi. ²¹ Makyenģimbiâ Anutuņe meme akyenģiep aregât luâk âmbâle dondâņe Yesugât kâmolân dewatiyi. ²² Hain akbiâ aregât den pat arekņe sambelem Yerusalem kepien Yesugât kâmot mali are yenģâlân arimbo nânģâm Banaba huņgun aņbiâ Antiokia kepien ariep. ²³ Arim Anutuņe ukenņe nânģâyenģim damunyeņe agep are ekmâ kambiamņe âlepņe agep. Akto luâk âmbâleņe biwiyeņe Humogâlân katmâ mali hainâk akņet dâm aregât den kârikņe makyenģiep. ²⁴ Banabaņe biwiņe Yesugâlânâk katmâ mando aregât Anutuģât Heakņande meme aģaņdo âlepņeâk malep. Akto den pat makyenģimbo nânģâm luâk âmbâle dondâņe Yesugâlân biwiyeņe katmâ mali. ²⁵ Akto Banabaņe Saulo ekberâm Taso kepien ariep. ²⁶ Arim mem miawakmâ kewugumbo Antiokia kepien togoyiat. Togombela Yesugât kâmot olop mali. Manmâ Yesugât den pat âlepņe are makyenģim manbela hombaņ konok bo agep. Akto Antiokia kepien Yesugât kâmot are yekmâ okot âlep akmâ kotyeņe Kristogât kâmot yenģonli.

²⁷ Sop ain Anutuģât den makmâ miawagi areyenģât hutyeņânba bikņande Yerusalem kepienba gem Antiokia kepien ariyi. ²⁸ Akto areyenģâlân gâtņe siâ kotņe Agabo are Anutuģât Heakņande hân ain mop humo miawakbiapģât

maganđo aregât den kârikņe siâ makyenġiep. Makyenġimbo luâk kotdâ siâ kotņe Klaudio Roma kepien malep sop ain mop humo are miawagep. ²⁹ Akto biwiyenġe Yesugâlân kalinġe den are nânġâm puli me wan me wan tatyenġiep are mendugum katbiâ galalupyenġe Yuda hânân mali are yenġâlân ariâk dâm kali. ³⁰ Hain akmâ puli mem menduguyi are Banaba akto Saulo yâk yetkimbiâ mem arim Yesugât kâmot Yuda hânân mali are yenġât galalupyenġe yenġiyiat.

12

Heroteņe dâmbo Yakobo kombiâ mondo Petoro mem lope kâlegen katbiâ talep.

¹ Sop ain luâk kotdâ siâ kotņe Herote yâkņe, “Yesugât kâmotlupņe yenġuwe.” dâep. Dâmbo Herotegât kâmotlupņande Yesugât kâmotlupņe luâk âmbâle yenġum hâk hilâlâm yenġim mem kala busi emet kâlegen katyekbiâ tali. ² Hain akbiâ Yohanegât teuņe Yakobo yâkgât dâmbo tâwâtņe ewumbiâ moep. ³ Hain akto Yuda luâkņe yâkgât ukenġe akbiâ yekmâ tembe loko hin makyenġiep, “Petoro yâkâ hainâk aganņet.” dâmbo mem kala busi emet kâlegen katbiâ talep. Akto sot bo kaulemap aregât sopņe miawakto sumbe omberâmbiâ âmâ ainâk kala busi kâlegen katbiâ talep. ⁴ Katbiâ tato sumbe om nembâ bo akto Heroteņe Petoro den âiân katberâm aregât hoņ bawalupņe makyenġimbo lâuwânġe mem kala busi kâlegen katbiâ tato tembe loko 16 tatmâ Petoro ariwop dâm damunņe kârikņe agi. ⁵ Ariwop dâm tembe loko humoyenġande âi hârem yenġimbo kâmot

imbât siâkâ lâmgombiâ lâmgombiâ akmini. Akto Yesugât kâmotlupņande den are nâņgâm Petorogât hilâm ârândâņ Anutu ulilaņi.

Aņelo siâņe Petoro mem oloņdo lope kâlegenba gem ariep.

⁶ Akto Heroteņe Petoro mem den âiân katberâm agep aregât sopņe tâlâguep. Akto emet bo haunđo hândâkņân tembe loko damun lâuwâņe Petoro mem tâk kârikņe kotņe sein arekņe hikom katbela hutyetņân asiņ yiep. Akto tembe loko bikņande betgen kinmâ damungoyi. ⁷ Damungom kinbiâ Humogât aņelo siâņe yâkgâlân pagaleņe olowâk miawakmâ kindo âmâ pagaleņe arekņe emet kâlegen pagalembo aņeloņe Petoro goaņmâ hin dâep, “Agatmâ kin.” dâambo tâk kârikņe are hulaņ akto Petoroņe agalep. ⁸ Agato aņeloņe hin magañep, “Hâk pekeņege lalakmâ kei pekeņege mem lugu akmenâ nâ olop arire.” dâep. Hain dâambo laņe lokoep. ⁹ Laņe lokom âmâ lope kâlegenba gem Petoroņe han lâuwâ akmâ aņeloņe wan agep are giwelân ekmâ bunņe bo dâm nâņgâep. ¹⁰ Hain nâņgâm kindo betgen tembe loko kili are ewangi yekmâ arewa arim tembe loko kili arekâ hainâk ewangi yekmâ arim haot bâiņângen arim hâņgi kârikņe pali ain arimbela ikinak lewulakto arewa gem ariyiat. Akto gem dâwân aņelo are ainâk heambugep. ¹¹ Heambukto Petoro ainâk biwiņe hulaņ akto hin dâep, “Hinņeâk âmâ bunņe nâņgâm heņgemgoân. Humoņe aņelo huņgunanđo gem Herotegât tâk kârikņânba akto Yuda luâk bikņe yeņgâlânba mem oloņnektâp.” dâep.

12 Hain dâm arim Yohane kotņe siâ Mareko memenņe kotņe Maria yâkgât emelan ariep. Arimbo âmâ luâk âmbâle dondâ mendugum tatmâ Anutu ulilanmâ tali emet ain âgâep. 13 Ulilanmâ tatbiâ Petoroņe âgâm emet dawalaunân kinmâ, “Woa” dâep. Hain dâmbo hoņ bawa âmbâle siâ kotņe Rode togom hânġiân talep. 14 Ain tatmâ nânġâm hin dâep, “Mâ, Petorogât den hin.” dâm mârum biwiņe heroņe akmâ hânġi bo mem katmâ âmâ emet kâlegen âgâm hin makyenġiep, “Petoro ina togo hânġiân kindâp.” dâep. 15 Hain dâm makyenġimbo nânġâm, “Biwige gulip aktâp.” dâyi. Hain dâm maganġbiâ kârikņe akmâ dâep, “Bo. Bundâk togo yu hânġiân kindâp.” dâep. Hain dâmbo hin dâyi, “Otnenande mon togo kindâp?” dâyi. 16 Hain dâm maganġi goanġi akbiâ Petoroņe hainâk kârikņeâk, “Woe” dâmbo hânġi mem katmâ Petoro ekmâ sân sân membiâ dâtņe agep. 17 Dâtņe akto bânņande koratyenġum, “Den yoņâk” dâmbo den yoņâk tatbiâ Humoņe kala busi emet kâlegenba mem hulanņep aregât den pat makyenġiep. Hain makyenġimbo nânġâm heroņe akbiâ hin dâm makyenġiep, “Den pat ire Yakobo akto galalupņe makyenġiņet.” dâm hepun yekmâ gem siânġen ariep.

Heroteņe bâleņe akmâ aregât hâuņe miep.

18 Emet haunġo tembe loko arekņe Petoro undâġâtmâ gain gain aktâp dâm han lâuwâ agi. 19 Hain akbiâ Heroteņe hâwât yekmâ, “Mem miawakņet.” dâm makyenġimbo undâġâtmâ arim tembe loko bikņande Petorogât makyenġimbiâ pâpkom kinbiâ aregât tembe loko moņetġât dâep.

Akto Herote Yuda hân hepunmâ Kaisarea kepiange malep.

²⁰ Akto sop ain Heroteje Tiro akto Sidonj kepia ambolupnje are gasa akyengiep. Gasa akyengimbo aregât kepia ambolupjande mendugum den are makmâ hejgemgowerâm akmâ luâk kotdâ siâ kotje Bilasto Herotegât honj bawalupnje yengât humoyeje malep yâkgât dâmbiâ tân yenguep. Tân yengumbo benne wan me wangât maganji goanji akmâ Herotegât hân arewa sot meygât gala aganberâm Heroteje den are purik katyengjiwipgât den kalep, ²¹ are tâlâgumbo aregât luâk kotdâgât sânjum mendo âgâambo dewun yejân kinmâ luâk kotdâ yengât tatalân tatmâ den makyengiep. ²² Makyengimbo luâk hârokje den humo akmâ hin magi, “Den ire luâk denne bo. Den ire âmâ Anutugât denne hinare.” dâyi. ²³ Hain dâmbiâ Heroteje den are nângâm Anutugât nângâmbo giep aregât Anutuje anjelo siâ hunjunaŋdo gem kondo nane bâleŋande tepje igim hârembo moep. ²⁴ Gârâmâ luâk âmbâle dondâje Anutugât den nângâm biwiyenje Yesugâlân katmâ mali.

²⁵ Akto Banaba akto Saulo yâk âi yetkiyi are mem metem Yerusalem kepia hepunmâ Antiokia kepiange purik katmâ ariwerâm Yohane kotje siâ Mareko kewugumbela olowâk ariyi.

13

Banaba akto Saulo âigât ariyat.

¹ Yesugât kâmotlupnje Antiokia kepiange gâtje Anutugât den makmâ miawagi akto den

makyengimini are yengât kotyeņe hin. Banaba akto hâk helenj siâ kotņe Simeonj akto Lukio Kirene hânân gâtņe akto Manaenj are luâk koldâ Herote olop nanaņânbak manmâ gala konok akmâ maliat. Akto siâ kotņe Saulo. ² Yâkņe Anutu maganberâm aregât sot bâlâk manmâ âmâ hilâm siân tatbiâ âmâ Anutugât Heakņande den hin makyengiep, “Banaba akto Saulo âi dâm hârem yetkiân are membiandatgât katyelekbi.” ³ Hain dâmbo aregât den lokom Anutu ulilaņmâ sot bâlâk manmâ âmâ kautyetņân mem âiân ariet dâm huņgun yetkimbiâ Yohane kotņe siâ Mareko are kewugumbela olop ariyat.

Elimagât keiņe.

⁴ Arimbiâ Anutugât Heakņande huņgun yengimbo Seleukia kepian ariyi. Ain arimbiâ waņga siâne meyekmâ Kipiro hân haru tânâmņân talep ain ariep. ⁵ Ain arim katyekto waņganba sopanmâ gem Salami kepian ain ariyi. Ain arim Yuda yengât den emetņân âgâm Anutugât den pat âlepņe are makyengiyiat. Makyengimbela Yohane kotņe siâ Mareko arekņe tânyetkuep. ⁶ Arewa hân biken ariwerâm akmâ kepia kotņe Papo ain tali. Ain tatmâ Yuda yengât luâk kâmbokņe siâ kotņe Barayesu akto kotņe siâ Elima are egiat. Yâkņe âmâ galalupņe heyengim hin dâep, “Nâ Anutugât den bunņe makyengiman. Akto nâ Anutugât hoņ bawa mandân.” dâep. ⁷ Hain dâm âmâ kiap siâ Seregio kotņe siâ Paulosi yâkgât gala malep. Seregio yâk âmâ nâņgâ nâņgâņe olop malep. Akto Anutugât den are nâņgâwerâm akmâ Banaba akto Saulo mem oloņyelepep. ⁸ Mem oloņyelekto ainâk

luâk kâmbokŋe Elima arekŋe, “Galane Seregionje biwiŋe Yesugâlân katbop.” dâm denyetŋe kakŋân makmâ koyetkiep. ⁹ Den koyetkimbo aregât Saulo kotŋe siâ Paulo yâkŋe Anutugât Heakŋande meme aganepgât owâiŋeâk Elima tâŋâk ekmâ kinmâ hin maganep, ¹⁰ “Gâ Hiangi amboŋe yâkgât nanŋe aregât luâk agak meme bâleŋe mem manmai yâk yengât gala aktât. Akto wan me wan âlepŋe aregât gasa aktât. Akto hiangi luâk manmat. Aregât Humogât den bunŋe are bo nâŋgâŋet dâm aregât heyengimat. Gâ biwige bâleŋe. ¹¹ Aregât hâuŋe Humoŋe ginberâpgât dewunge hândâk akto yânâk man.” dâep. Hain dâambo ainâk dewunge hândâk akto luâkŋe bâtnân menekbiâ ariwerâm luâk yengât undâgâtmâ gem ariep. ¹² Gem arimbo Seregionje are ekto dâtŋe akto Anutugât den are nâŋgâambo âlepŋe akto biwiŋe Yesugâlân katmâ den lokom malep.

Pauloŋe Antiokia kepia Pisidia hân tânâmŋân talep ain arim Yesugât keiŋe makyengiep.

¹³ Paulo galalogâtŋe olowâk Papo kepia are hep-unmâ wanŋan âgâmbiâ meyekmâ arim Pampilia hân are ginŋân Perege kepia haru ginŋân talep ain arim katyegep. Katyekto arewa Yohane kotŋe siâ Mareko yâk hepunyelekmâ Yerusalem kepien purik katmâ ariep. ¹⁴ Arimbo yâk yetŋeâk âmâ Perege kepia are hepunmâ arim Pisidia hân tânâmŋân Antiokia kepia ain ariyat. Ain arim Sarereân Yuda luâk yengât den emetŋân âgâm mendugum taliân ain âgâmbela olop tali. ¹⁵ Akto yâk yengât damun siâŋe agatmâ Mosegât den kârikŋe are akto Anutuŋe makto kulemgoyi are

oyan̄do n̄anḡambiâ âmâ damun̄ande Paulo akto Banaba hin dâm makyetkiep, “Galalogâtne, luâk âmbâle nen biwinen̄e mem kârik̄e ketuguâkgât den siâ âlep̄e maknengimbela n̄anḡaweren me bo?” dâep. ¹⁶ Hain dâmbo Paulon̄e agatmâ bâtn̄ande koratyen̄gum hin makyen̄giep, “Israe luâk galalupnet̄e akto Israe luâk bo yen̄gâlân gât̄e biwiyen̄e Anutugât hamewakmâ mandâi. Akto ye hârok makyen̄gire n̄anḡânet. ¹⁷ Israe luâk nengât Anutu yâk̄e bâgilupnen̄e mem katyekto Aigita hânân manbiâ âmâ tânyen̄gumbo miawakmâ dondâ agi. Akto Anutugât kârik̄ân kinbiâ ainba kewuguyekmâ togoyi. ¹⁸ Togom hân kamit̄ân katyekto manbiâ gala akyen̄gimbo manbiâ âmâ homban̄ 40 agep. ¹⁹ Akto Kanan̄ hânân luâk kâmot 7 are Anutun̄e hilipyen̄gumbo bâgilupnen̄ande hân are mem ambon̄e akmâ manmâ gayi. ²⁰ Manmâ gambiâ gambiâ homban̄ 450 bo agep. Akto sop ain damunlupyen̄e katyekto siâkâ sopn̄ân sopn̄ân damunyen̄e agi. Damunyen̄e akmâ gambiâ Propete luâk siâ kot̄e Samue are miawagep. ²¹ Miawakto âmâ luâk humogât dâmbiâ Anutun̄e Bensamingât kâmolân gât̄e kot̄e Saulo miep. Saulo amâ Kisigât nan̄e yâk̄e damunyen̄e akto homban̄ 40 bo agep. ²² Bo akto are watmâ yâkgât gewâkn̄ân Dawidi are katmâ Anutun̄e hin dâep, “N̄āne Yesegât nan̄e Dawidi yâkgât n̄anḡare ârândân̄ aktâp. Wan me wangât dâre are lokom manbiap.” dâep. Hain dâm damunyen̄e ak dâm kalep. ²³ Aregât bun̄e Dawidigât kâmolân gât̄e Yesu Israe luâk nengâlân miawagep. Nengâlân miawakmâ damun nen̄e agâk dâm yâkgât pat mak-

nengiep are bunne agâk dâm ²⁴ Anutuŋe Yohane son huŋgun aŋdo miawagep. Miawakmâ Israe luâk hârok hanyene purik kato Anutugâlân arinet dâm tu puli yeŋgiwerâm den kârikŋe makyenŋiep. ²⁵ Akto Yohane âi miep are bo akberâm akto âmâ luâk hin dâm makyenŋiep, “Nâŋgât niŋe dâmai? Togom damun nenŋe akbiap are nâ hinare bo. Ikinjak hâmbâi togowiap. Yâkgât ito goliandere bo ârândân akbiap.” dâep.

²⁶ Galalupne Abrahamgât kâmot ye akto Yuda gâtŋe bo manmai yeŋgâlân gâtŋe Anutugât hamewakmâ manmai, ye makyenŋire nâŋgâŋet. Anutuŋe nen hememgât dop akmâ hilip aguwâengât nenekmâ Yesu huŋgun aŋdo giep. ²⁷ Yerusalem kepia ambolupŋe akto damunlupyenande Yesugât keiŋe akto propeteŋe kulemgoyi aregât keiŋe bo nâŋgâm heŋgemgom bugâ neâk dâm aregât makmâ hâreaŋi. Makmâ hâreaŋbiâ mondo ainâk Propete luâk are yeŋgât den kârikŋe are Sarere ârândân oyaŋmâ manmaen are bunne agep. ²⁸ Akto Yesuŋe dosa siâ bo agepgât yâkgât dosanjet undâgâtbiâ bo akto hanâk kârikŋe akmâ kautyeŋe orem lâwinân moâk dâm Pilato magaŋmâ hâwâtbiâ denyene nâŋgâmbo kombiâ moep. ²⁹ Anutuŋe huŋgunaŋdo gewiapgât den kulemgoyi are amâ miawakto lâwinân kombiâ mondo lokom arim sumân katbiâ yiep. ³⁰ Yendo arewa Anutuŋe momoŋânba mem agalep. ³¹ Mem agato emelâk Galilaia hân hepunmâ Yerusalem kepien olowâk ariyi yâk yeŋgâlân hilâmŋe hilâmŋe miawak yeŋgimbo den magaŋgi goaŋgi agi. ³² Miawak yeŋgimbo âmâ Anutuŋe bâgilupnenŋe yeŋgât makmâ hâriep are bunne agâk dâm Yesu goaŋdo momoŋânba agalep,

aregât pat âlepņe dâm makyenġimaen. ³³ Akto Yuda yenġât kep kenġu lâuwâņe aġi aregât den kulemgoyi are tatâp.

Anutuņe nanņæet hin dâep, “Gâmâ nânġât nanne ġârâmâ nâņe unġak menġektân.”

³⁴ Akto Yesuņe momoņânba agalep are âmâ hâmbâi lâuwâņe bo mombiap, aregât Anutuņe nanņæet den hin dâep,

“Ulikņân nâņe Dawidi aġaņân aregât nânġâm heroņe akmâ agak meme ârândânġ agep. Akto hainâk ġânġât dâm akġinġbian.”

³⁵ Akto Yuda yenġât kep kenġu siâ Dawidiņe hin kulemgoep are tatâp,

“Anutu humo ġâņe hoņ bawage âlepņe nâ hepun nekmenâ mom âmâ bo hambuwian.” dâep.

³⁶ Dawidiņe den kulemgoep amâ ikinæet bo kulemgoep are nânġâmaen are Anutuņe âi makmâ hârem waņep. Are luâklupņe yenġâlân âi mem metem âmâ moep. Mondo bâġilupņæet sumân hangombiâ hambuep.

³⁷ Akto Anutuņe Yesu mem agalep are âmâ bo hambuep. ³⁸ Galalupne nâņe makyenġire nânġâņet. Dosa bâleņe hepun yenġiwiap aregât âmâ Yesu miawagepġât denņe dâm makyenġiwerâm aktân.

³⁹ Moseġât den kârikņe arekņe dosanenņe hepun nengiâk dâm aregât ewum hâumgoyi. Yeņe Yesuġâlân biwiyene katbiâ yâkņe âmâ âlepņe dosayeņe hepunbiap.

⁴⁰⁻⁴¹ Akto ulikņân Propete siâņe den siâ kulemgoep are tatâp. Anutuņe den hin dâep,

“Wangât den hâkânġ akmâ mandâi? Yeņe ire nânġâmbiâ dâtņe akto ain mombai. Haingât

yeŋgâlân wan me wan irakŋe siâ uŋak ke-tuguwerân aregât pat makyenġimbiâ yeŋe hianġiâi dâmbiâ biwiyenġe kârikŋe akbiap.” Anutuŋe hain dâep.

Ye aregât dopŋe akbâigât den are heŋgemgom nânġâwi.” Pauloŋe hain dâm makyenġiep.

⁴² Hain dâm dewunyenġânba gembo Banaba olop sopanberâm akbela ain kili arekŋe togom hin makyetkiyi, “Sarere siân iren âġâenġe purik katmâ ireġâlâk togom maknengimbela nânġâm heŋgemgowaen.” dâyi. ⁴³ Hain dâm gembiâ kâmot kili are yeŋgâlân gâtŋe bikŋe akto Yuda luâk bikŋe akto Yuda luâk bo manmai arekŋe Yuda yeŋgâlân dewatiyi yâkŋe âmâ Paulo akto Banaba hamiyetġân arim mem watyelekbiâ hin dâm makyenġiyiat, “Anutuŋe ikeŋe hanġaet akmâ yeŋgât okotŋe nânġâep aregât pat hâkâŋe bo akŋet. Biwiyenġe yâkġâlânâk katŋet.” dâm makyenġiyiat.

⁴⁴ Akto Sarere siân Anutugât den nânġâwerâm ukenġe aġi arekŋe hamepŋe olowâk togoyi. ⁴⁵ Togombiâ Yuda luâkŋe yekmâ hin dâyi, “Hepun nenekbiâ kotnenġe gewop.” dâm nânġâm aregât Paulogât denġe are hâkâŋ akmâ yâkġât den are mem geyi. ⁴⁶ Hain akbiâ aregât Paulo akto Banaba yâkŋe kârikŋe akmâ hin dâm makyenġiyiat, “Yuda luâk ye makyenġietŋe nânġâŋet. Anutugât den yeŋgâlân soŋ togoâk Anutuŋe hain dâm kalep. Den aregât hâkâŋ akmâ manman kârikŋaet den pat are hâkâŋ akberâm borâi aregât ye hepun yekmâ Yuda luâk bo manmai yâk yeŋgâlân ariweret. ⁴⁷ Haingât Anutuŋe hin dâep,

“Nâje gâ pagaleje aregât dop hainare kat gektere Yuda luâk bo manmai yengâlân arim nângât den makmâ miawakyengiwen. Akto luâk âmbâle hârokje biwiyenje nângâlân katbiâ meyekbiangât kat gektere hân bâinjângen arim makben.” dêep.

Anutuje hain dâambo propete siâje kulemgombo oyanmâ den ire netgât kulemgoepp dâetje hunḡun netkimbo ariweret.” dâiyat.

⁴⁸ Hain dâmbela Yuda luâk âmbâle bo manmai den are nângâm hin dâyi, “Amâ Humogât den.” dâmbiâ aregât biwiyenje heroje agep. Akto Anutuje ikiye ukennaet akmâ luâk âmbâle tân yengumbo biwiyenje Yesugâlân kali. ⁴⁹ Akto Humogât den are makmâ maganḡi goanḡi akbiâ den arekje sambelem arimbo luâk âmbâle ain mali are hârokje nângâyi.

Paulo akto Banaba watyelekiâ ariyat.

⁵⁰ Haingât Yuda luâk arekje âmâ kepia aregât luâk humo akto âmbâle humo Anutuḡât den lokonerâm Yuda yengât kâmolân dewatim mali, are hanyenân gembâ biwiyenje kâlâp akto Paulo akto Banaba hanâk gasa akyetkiyi. Hain akmâ watyelekiâ ariyat. ⁵¹ Ariwerâm kinmâ Yuda luâk dewunyenân yeḡaet agak meme bâleje are dop kom keiyetḡân gagap talep are paḡ paḡgom panmâ hepunyekmâ gem Ikonioḡ kepien ariyat. ⁵² Arimbela Antiokia kepia ambolupje biwiyenje Yesugâlân kali arekje heroje akbiâ Anutuḡât Heakḡande dondâ tânyenḡuep.

14

Paulo akto Banaba yâkñe Ikonioñ kepiã arim Yesugât keiñe makyenjiyat.

¹ Akto hainâk Ikonioñ kepiã arim âmâ Yuda luâk yengât den emetñân âgâm Yesugât keiñe makyengimbela nângâyi. Nângâm Yuda luâk âmbâle akto Yuda luâk âmbâle bo manmai dondâñe biwiyeñe Yesugâlân kali. ² Akto Yuda luâk bikñande Yesugât den are hâkâñ akmâ mem ge katberâm agi arekñe Yuda bo manmaiân gâtñe areyengât hanyenân gembîã biwiyeñe kâlâp akto aregât Paulo akto Banaba gasa akyetkiyi. ³ Gasa akyetkimbiã kepiã ainâk manmâ Humogât den are makyengim manbela sop kâlep agep. Akto Anutuñe luâk âmbâle gala akyengim damunyeñe akberâm agep aregât keiñe makyengimbela are bunñe agâk dâm Anutuñe meme akyetkimbo kulem keiñe keiñe mem hamep bâlâk maliat. ⁴ Hain akbela yelekmâ Yuda bo manmaiân gâtñande potalakmâ bikñande yâk yetgâlân dewatiyi. Akto bikñande Yuda luâk yengâlân dewatiyi. ⁵ Hain akbiã haminângen kepiã ambolupñe akto Yuda luâk bikñande damunyeñe olowâk agatmâ Paulo akto Banaba bâleñe akyengim kâtñe yetkuwerâm agi. ⁶ Aregât kepiã are hepunmâ Likionia hân ain Listera akto Derebe kepiã lâuwâ are talialân ain arim ândeanmâ âi mem maliat. ⁷ Kepiã ain arim Yesugât den pat âlepñe are makyengim maliat.

Listera kepiã ambolupñande Paulo akto Banaba yelekmâ hewukñe luâk togoat dâyi.

8 Akto Listera kepian luâk siâ malep aregât keiņe bâliep. Are memenjaet tepņânbak hainâk miawakmâ yân tatmâ gaep. 9 Hain tatmâ gaminep are Paulone ekmâ Yesugât dâambo nâņgâm tato âmâ Paulone luâk aregât biwiņaet keiņe ekmâ nâņgâep. Ekmâ hin nâņgâep, “Luâk irekņe biwiņe Yesugâlân katâpgât Anutuņe heņgemgowerâp.” dâep. 10 Hain dâm konmâ hin dâm maganep, “Agatmâ kin.” dâambo ainâk luâk arekņe agatmâ sopanmâ bam gulep. 11 Hain akto luâk kâmot humo kili arekņe Paulone kulem ketuguep are ekmâ yeņe denyenân hin dâyi, “Hat sinduk siâņe luâk akmâ hutnenņân miawakmâ mandat.” hain dâyi. 12 Dâ Banabagât âmâ, “Hat sinduk humoyeņe siâ kotņe Dia aregât nambene.” konmâ dâyi. Dâ Paulone âmâ den makmâ malepgât, “Hat sinduk siâ kotņe Hemesi are âmâ Paulogât nambene yâkņe den maknengiminep.” dâm âmâ Hemesi konmâ dâyi. 13 Paulo akto Banaba yâkņe âi are mem manbela yelekmâ aregât hat sinduk kotņe Dia yâkgât luâk kâmbokņe siâņe ikiņe sumbe emetņe kepia ginņângen talep ain makto buluņe pitim bulimakao hikom oloņmâ arim opmân kâmbokņe siân kepia ginņân talep ain arim Paulo akto Banaba yetgât sumbe omberâm ariyi. 14 Arimbiâ Paulo akto Banaba yâkņe den are nâņgâmbela bo ârândân akto aregât pârigim arim hutyeņân kinmâ bâleņe akberâm agi aregât makyenņim hepunņet dâm sâņgum yetņe mem duwalagiat. 15 Mem duwalakmâ kamboņmâ hin dâyi, “Wei luâkma, wangât ire akberâm aktâi? Net gai luâk, yeņgât dop aregât net amâ hat sinduk bo. Net luâk

bunje gârâmâ netgât sumbe bo oñet. Yeñe âmâ hat sinduk wan me wan membiâ bunje bo mi-awakmap aregât hepunmâ biwiyene Anutugâlân katñet dâm den pat âlepñe are makyenjiwerâm togoyiot. Amâ Anutu Humoñe hân haru him-bim akto aregât kâlegen wan me wan hârok kalep yâkgât akmâ togoyiot. ¹⁶ Akto ulikñân bâgilupnenñe yâk yenğât agak meme nânğâm mi-awakbiâ hanâk dâm denân bo katyegep. ¹⁷ Akto hain dâm bo hepun yegep. Anutuñe nânğât keine nânğâñet dâm gala akyenjim makto tânâk gembo âi kalam yenğân unsambe miawakmâ yendo nem heroñe akmâ mali.” dâyat. ¹⁸ Den hain dâm makyenjim, “Netgât sumbe are bo oñet.” dâm luâk âmbâle are mulunyekmâ âi humo meyat.

Paulo kâñe koyi.

¹⁹ Akto sop ain Yuda luâk bikñande Antiokia akto Ikonioñ kepiamba togom kepia ambolupñe hanyenñân gembia biwiyene kâlâp akto Paulo mem kâñe kom âmâ, “O kondenne mondâp.” dâm kepia ginnângen mem oloñmâ gem panbiâ yiep. ²⁰ Ain yendo Yesugât kâmotñe gem ândeanmâ kinbiâ agatmâ kepiam âgâep. Âgâm yem kindo emet haunđo Banaba olowâk kepia are hepunmâ Derebe kepiam ariyat. ²¹ Arim âmâ Yesugât den pat âlepñe are makyenjim bela luâk dondâne den are nânğambiâ bunje akto biwiyene Yesugâlân katmâ mali. Akto dâp areâk purik katmâ arim Listera Ikonioñ akto Antiokia kepiam togoyiat. ²² Kepia ârândân togom biwiyene Yesugâlânâk kaligât mem kârikñe ketugu yekmâ hin dâm makyenjiyat, “Nen bugâ akto hâk hilâlâm kakñân

manmâ Anutugât manman kârikñân ariwaengât dopne tatâp.” dâyat. ²³ Akto biwiyenê Yesugât kali kâmotne kâmotne yâk yengât damun katyekmâ ainâk manmâ den kârikne are makmâ makyengim Anutu maganberâm aregât sot bâlâk manmâ Anutu ulilanjat. Akto damunlupyenande emelâk biwiyenê Humogâlân kaligât Humone meme akyengim damunyenê agâkgât ulilanjat.

²⁴ Akto Pisidia hân are ewangim biken arim Pampilia hânân ariyat. ²⁵ Arim Perege kepien âgâm Yesugât keine makyengim kepia are hepunmâ gem Atalia kepien ariyat. ²⁶ Arewa arimbela wangane meyelekmâ arim Antiokia kepien arim ain katyelelep. Antiokia ain âmâ ulikñân âi keine katbela Yesugât kâmot arekne Humone tânyetkuâkgât ulilanmâ hungunyetkimbiâ keine katmâ mem ariyat ain purik katmâ âi bo aktâp dâm togoyiat. ²⁷ Ain togom kâmot are mendugu yegiat. Mendugu yekmâ Anutunê Yuda luâk âmbâle bo areyengât biwiyenê mem owâimbo biwiyenê Yesugâlân kali aregât keine makyengiyiat. ²⁸ Akto Yesugât kâmot olop sop kâlep mali.

15

Paulo akto Banaba Yerusalem kepien ariyat.

¹ Luâk bikñande Yudaia hânângenba togom Yesugât kâmot Antiokia kepien mali yengâlân arim hin dâm makyengiyi, “Mosene den kârikne hin kulengoep are tatâp, “Ye âmâ hâkyenê gâiwai.” Dâ den are bo lokom manbiâ âmâ aregât Anutunê bo meyekbiap.” dâyi. ² Hain dâmbiâ Paulo

akto Banaba yâkne den are koyengim mem ge katyengiwêrâm akbela âmâ papalakmâ den humo agi. Hain akbiâ humomolupyenande den aregât hin dâm makyetkiyi, “Paulo akto Banaba yetne irewa Yesugât kâmot luâk bikne olop arim Aposolo akto Yesugât kâmotne kâmotne Yerusalem kepien mandâi are yengâlân arim damunlupyene olop den iregât keinaet makyengiwai.” dâyi. ³ Hain dâm hungun yengimbiâ Paulo akto luâk bikne olop ariyi. Arim Poinike akto Samaria hân are ewangim arim Yesugât kâmot siâ mali are hin dâm makyengi, “Yuda bo manmaiân gâtne kugâkne biwiyene Anutugât kali.” hain dâm makyengimbiâ yâkne nângâmbiâ biwiyene herone humo agep. ⁴ Akto Yerusalem kepien arimbiâ Yesugât kâmot akto Aposolo akto yâk yengât humomolupyene yâk olop egakmâ herone agi. Herone akbiâ Anutune meme akyengimbo âmâ Yesugât keine makyengiwêrâm hamep bâlâk kinmâ makyengimbiâ âmâ bunne agep, aregât den pat are makyengi. ⁵ Makyengimbiâ Parisaio luâk yâkne biwiyene Yesugâlân kali yâk yengâlân gâtne biknande den siâ hin dâyi, “Mose ne hin dâep, “Hâkyene gâiyengim Anutugât pat kat yeknet.” dâep, den are lokom kinmâ hâkyene gâiyengi net dâm makten. Hain maktenne Yuda luâk bo manmai are âmâ Mosegât den are watbiâ ârândân akbiâp.” dâyi.

⁶ Hain dâmbiâ aregât Aposolo akto damunlupyene yâkne yeneâk ire nângâm hengemgone dâm menduguyi. ⁷ Mendugum den are makyengiwêrâm akmâ manbiâ den bambo

guto akmâ âmâ Petoroŋe agatmâ kinmâ hin dâm makyenŋiep, “Galalupŋe emelâk Anutuŋe mem kepilâ nenekmâ âi makmâ hârem niŋep. Akto Yuda luâk bo manmai are yeŋgâlân arim Yesugât keiŋe makyenŋire nâŋgâm biwiyenŋe Yesugâlân katbai aregât âi Anutuŋe makmâ hârem niŋep are nâŋgâi. ⁸ Akto Anutuŋe luâk nen hârok biwinenŋân ekmap arekŋe ikiŋe Heakŋe huŋgun aŋdo Yuda luâk nengâlân giep. Hainâk Yuda luâk bo manmai are yeŋgâlân giep aregât Anutuŋe gala akyenŋimbo ârândânŋ aktâp. ⁹ Yuda luâk bo manmai arekŋe biwiyenŋe Yesugâlân katbiâ ârândânŋ akto nen aknengiep dop hainâk yâk akyenŋim biwiyenŋe pulimbo salek salek agep. ¹⁰ Yeŋe are nâŋgâm Anutugât dop are ewangim kinmâ wan me wan umatŋe are hakulupnennande akto nenŋe hainâk lokowerâm ewum hâumgom gain gain akmâ malion. Aregât dop hainâk Yuda luâk bo arekŋe biwiyenŋe Yesugât katmâ mandâi are yeŋgât kautyenŋân umatŋe siâ bo katberâm akten. ¹¹ Nenŋe hin nâŋgâen. Yesu Humoŋe Yuda luâk bo manmai are yeŋgâlân gâtŋe bikŋe ikiŋe hannjaet akmâ okot nâŋgâ yeŋgim olonyekto dosayenjaet hâuŋe ârândânŋ agep. Aregât dop akmâ nen hainâk olonnenekto dosanennjaet hâuŋe ârândânŋ akbiap. Nenŋe hain nâŋgâm biwinenŋe aregâlâk katmaen.” dâep.

¹² Hain dâmbo nâŋgâmâk tali. Tatbiâ Paulo akto Banaba Anutuŋe meme akyetkimbo Yuda luâk bo manmai are yeŋgâlân arim kulem keiŋe keiŋe meyiât aregât den pat makyenŋiyiat. Makyenŋimbela hâligâk nâŋgâm tali.

Yakoboŋe kâmolân kinmâ den makyenġiep.

¹³ Makmâ metembela nângâm tatbiâ Yakoboŋe agatmâ kinmâ den hin makyenġiep, “Galalupne, makyenġire nângâet. ¹⁴ Anutuŋe ulikŋân Yuda luâk bo are damunyaŋe akberâm aregât nângât kotne mem agatŋet dâm Yuda luâk bo manmai are bikŋe oloŋyekto biwiyenġe ikinŋaelân kali, den pat are Petoroŋe dâmbo nângâen. ¹⁵ Akto ulikŋân Anutuŋe makto propete luâkŋe kulemgoyi arekŋe âmâ den pat are olop dopŋe konok aktâp are hin tatâp,

“Humoŋe keiŋânbak hin dâmbo miawagep,

¹⁶ “Nâŋe hâmbâi purik katbianân Dawidigât kâmotŋe awam akmâ arimbiâ kepia kawum akbiap are heŋgemgowian dâre purik katmâ togom kinbiâ kepia kautŋe miawakbiap.

¹⁷ Akto aregât luâk kâmot bikŋe bo nângâ niŋmai are mem potatyekmâ oloŋyektere nângâlân togom kinbai.” Anutuŋe hain dâep. ¹⁸ Akto den ire uŋagâk bo miawaktâp. Keiŋânbak Anutuŋe hain dâm makmâ gambo bunŋe akto miawaktâp.” den hain tatâp.

¹⁹⁻²¹ Aregât biwinande nen hin akbaengât nângân. Bâgilupnennande keiŋe katmâ manmâ gayi amâ kepia ârândân Mosegât den kârikŋe ire akmâ manmâ gayi. Akto uŋak ire Sarere ârândân den emetŋe ârândân âgâm den are oyaŋmâ nângâm manmaen. Akto Yuda luâk bo manmai arekŋe hainâk âgâm are oyaŋmâ nângâm manmai. Aregât Yuda luâk bo manmai are yeŋgâlân den kârikŋaet âi humo bo yeŋgiweren. Akto bikŋande biwiyenġe Yesugâlân katmâ Anutugât den lokowerâm akbiâ

kulem esenŋe bo katyenŋim hainâk makmâ hâreyenŋiwaen. Lâpio yenŋât sumbe ombiâ ain gâtŋe sot bo nembî. Akto soŋgo mem hanŋe hâremai are akto soŋgo gilâmŋe hainâk bo nembî. Akto âmbâle mem hepun hepun bo akbi. Hainâk makmâ hâreyenŋim kulem esenŋe kulemgom yenŋiwaen.” dâep.

Yuda luâk bo manmai arekŋe biwiyenŋe Yesugâlân kali are yenŋât kulem esenŋe kulemgom katyenŋiyi.

²² Hain dâmbo Aposolo akto tiksaluŋyenŋande luâk kâmot humo menduguyekmâ, “Luâk nengâlân gâtŋe lâuwâ meyelekbaen.” dâm makyenŋimbiâ Yesugât kâmot bikŋande nânŋâmbiâ ârândânŋ agep. Akto luâk siâ kotŋe Yudasî kotŋe siâ Basaba akto luâk siâ aregât kotŋe Sila are meyelekmâ okot âlep nânŋâ yetkiyi. Luâk lâuwâ arekŋe Paulo akto Banaba olop Antiokia keŋian arinŋet dâm kulem esenŋe kulemgowerâm agi. ²³ Akto kulem esenŋe siâ are hin dâm kulemgom yetkiyi, “O galalupnenŋe, Aposolo akto Yesugât kâmotlupŋe yâk yenŋât tiksaluŋyenŋande Antiokia, Siria akto Kilikia Yuda bo manmai yenŋe biwiyenŋe Yesugâlân katmâ mandâi aregât okot âlep akmâ kulem esenŋe ire kulemgom katyenŋien. ²⁴ Nenŋe bo nânŋânenŋe aregât nengâlânba bikŋande yenŋâlân togom den makyenŋimbiâ nânŋâm hanyenŋe lâuwâ agep. Are âmâ luâk are yenŋe hanyenŋân agi. Nenŋe bo huŋgun yenŋiyion. ²⁵ Aregât âmâ nenŋe hannenŋe konok akmâ mendugum kinmâ galalogâtnenŋe Banaba akto Paulo yâk olop ariet dâm huŋgun yetkien. ²⁶ Paulo akto Banaba yâkŋe Yesu Humo Anutuŋe huŋgun

anđo giep yâkgât hoŋ bawa manmâ hâk hilâlâm kakŋân arimbela yetkumbiâ bâsok moyiat. ²⁷ Akto luâk meyelektan ire yetgât kotyetŋe âmâ Yudasi akto Sila yâk olop togowerâm aregât yâkŋe kulem esenŋe ire keiŋe makmâ miawakbela nâŋgâwai. ²⁸ Akto Anutugât Heakŋaet nâŋgâ nâŋgâŋe akto nengât nâŋgâ nâŋgânenŋe dop konogâk yendâp aregât umatŋe siâ me siâ aregât bo maktenŋe miawakbiap. Hin akbiâ ârândânŋ akbiâp. ²⁹ Lâpio yengât sumbe omberâm sot wan katbiâ are bo nembî. Akto soŋgo hanŋe hâremai are akto soŋgo gilâmŋe hainâk bo nembî. Akto âmbâle mem hepun hepun bo akbi. Are bo akmâ âlepŋeâk manbiâ âmâ ârândânŋ akbiâp. Âlepŋeâk manbi. Den pat areâk.” Hain dâm kulemgom yengim Antiokia kepian hekat yengŋet dâm huŋgun yengimbiâ ariyi.

Yudasi akto Sila purik katmâ togoyiat.

³⁰ Ainba huŋgun yengimbiâ kulem esenŋe are mem ariyi. Arim Antiokia kepian arim Yesugât kâmot mendugu yekmâ kulem esenŋe are yengiyi. ³¹ Yengimbiâ biwiyenŋe agalâk dâm den kulemgoyi are oyaŋmâ nâŋgâm heronŋe agi. ³² Yudasi akto Sila yâkŋe Anutugât keiŋe makmâ miawakminiat arekŋe biwiyenŋe Yesugâlânâk kilâk dâm den kârikŋe makyengimbela biwiyenŋe heronŋe akmâ owâimbo yâk olop sop kâlep mali. ³³ Akto Yerusalem kepia arewa huŋgun yetkim yâk yengâlân purik katmâ ariet dâm okot âlep kakŋân kinmâ huŋgun yetkiyi. ³⁴ Huŋgun yetkimbiâ arim Silaŋe âmâ lâuwânŋe bo manberân dâm Antiokia kepian talep akto Yudasi ikiŋak ariep.

Pauloŋe Sila kewugumbo ariyiat.

³⁵ Paulo akto Banaba yâkŋe Antiokia yengâlân âi hokboâk mem maliat. Manbela galalupyetŋe olowâk Humogât den are makmâ makyenŋim mali. ³⁶ Manmâ hilâm siân Pauloŋe Banaba hin dâm maganep, “Net ulikŋân arim kepiane kepiane manmâ Humogât den makyenŋietŋe biwiyenŋe Yesugâlân kali are gain gain mandâi, are keiyenŋe ekmâ manbaet.” dâep. ³⁷ Hain dâmbo Banabaŋe “Mareko olop arine.” dâep. ³⁸ Are âmâ ulikŋân Mareko kotŋe siâ Yohane are emelâk yâk olowâk arim Pampilia hânân hepunyelekmâ purik kato yâk yetŋeâk Yesugât keiŋe makyenŋim maliat. Aregât Pauloŋe Banabagât den are nâŋgâmbô ârândânŋ bo agep. ³⁹ Ârândânŋ bo akto Paulo akto Banaba hanyetŋe konogâk bo agep aregât papalakmâ hepun agiat. Hepun akmâ Banabaŋe Yohane kotŋe siâ Mareko mendo ariyiat. Arimbela waŋgaŋe meyelekmâ Kipiro gimbâŋe haru tânâmŋân talep ain ariep. ⁴⁰ Dâ Pauloŋe âmâ Sila mendo Yesugât kâmotlupŋande Humo ulilanŋmâ damunyetŋe agâk dâm huŋgun yetkimbiâ ariyiat. ⁴¹ Arim Siria akto Kilikia hânân manmâ Yesugât kâmot luâk âmbâle mali are yengât biwiyenŋe mem kârikŋe ketugum han biwiyenŋe Yesugâlân katŋet dâm makyenŋim maliat.

16

Pauloŋe Timoteo kewugumbo olowâk ariyiat.

¹ Paulo akto Sila yâkŋe Derebe akto Listera kepien ariyiat. Arim Listera kepien luâk siâ

biwiņe Yesugât katmâ malep, are mem miawagiat luâk aregât kotņe Timoteo. Yâkgât memenęe âmâ Yuda yeņgâlân gâtņe akto yâkâ hainâk biwiņe Yesugâlân katmâ malep. Dâ eweņe âmâ Girik luâk. ² Listera akto Ikonioņ kepia ambolupņe bikņe biwiyeņe Yesugâlân kali arekņe Timoteogât keiņe Paulo maganņmâ heroņe maroņe agi. ³ Paulo maganņbiâ luâk are kewugumbo olop ariwerâm okot âlep agep. Akto Yuda luâk hân ain manmâ ariyi arekņe Timoteogât eweņe Girik luâk are nâņgâm meteyi. Aregât Pauloņe Timoteogât hâkņe bo gâiyi aregât nâņgâm Yuda luâk biwiyeņe bâliwopdâm Timoteogât hâkņe gâiep. ⁴ Akto kepia ârândâņ manmâ Aposolo akto Yesugât kâmot Yerusalem kepiam mali areyeņgât tiksalupyenande den kârikņe magi are lokoņet dâm Yesugât kâmot are makyenņim ariyi. ⁵ Hain akbiâ Yesugât kâmotņe biwiyeņe Yesugâlânâk kindo Anutugât den nâņgâmâk mali. Hain akbiâ hilâmņe hilâmņe Yuda luâk bo manmai are yeņgâlân gâtņe bikņe âkâ hainâk biwiyeņe Yesugât katmâ yâk yeņgâlân dewatimbiâ sambeleyi.

Paulo biwiņe owâiņe akto Makedonia luâk siâņe miawakto egep.

⁶ Akto Asia hânân Yesugât keiņe makyenņim ariwerâm akbiâ Anutugât Heakņande dâp tigiyeņņimbo Prigia akto Galatia hânân bam ariyi. ⁷ Arim Misia hân ginņânâk hâlânņmâ ariyi. Arewa Bitinia hânân ariwerâm akbiâ Yesugât Heakņande hanyeņe mem pâlâmņe ketugumbo hân aregen bo ariyi. ⁸ Hanyeņe mem pâlâmņe ketugumbo Misia hân are hepunmâ haru ginņân kepia siâ talep are

kotņe Troa ain ariyi. ⁹ Aregen arim manbiâ nâ Luka nâņe penâyeņgire emet dâgâambo hândâkņân Paulo biwiņe owâimbo hin miawagaņdo egep. Amâ Makedonia luâk siâņe togo kinmâ ulilaņmâ hin dâep, “Gâ Makedonia hânângen togo nen tân nenguwen.” dâep. ¹⁰ Hain dâm makmâ metem arimbo emet hauņdo Paulo luâk arekņe miawagaņep aregât hin dâyion, “Makedonia hânân arim Yesugât den pat âlepņe are makyeņgiwaen aregât Anutuņe maknengiâp.” dâyion. Hain dâm magaņgim kinmâ Makedonia hânân haru hâtikom ariwerâm dâpgât hâumgom kilion.

¹¹ Kindenņe waņga siâņe togom menenekmâ Troa kepia hepunmâ haru tânâmņe târârâk arim Samotrake kepia haru tânâmņân talep ain kat nenekto talion. Tatmâ yem kindenņe hauņdo arewa menenekmâ arim Neapoli kepijan kat nenegep. ¹² Kat nenekto arewa âgâm Pilipi kepijan ariyion. Akto kepia are âmâ Roma luâkņe ulikņân hân amboņe akmâ tali. Kepia are âmâ Makedonia hân aregât kepia kautņe. Ain tatmâ mandenņe hilâm amon siâ bo agep. ¹³ Akto Sarereân kepia are ginņân tu siâ talep ain gewerâm hin dâyion, “Yuda luâkņe Humonenņe ulilaņmâ manmai yâk ain togomai me bo? Gem ekne.” hain dâm gem âmbâle bikņe siânba mendugum tatbiâ are mem miawakyekmâ gem enemyeņân tatmâ makyeņgiyion. ¹⁴ Makyeņgienņe âmâ Tiatira kepijan gâtņe âmbâle siâ Anutu humo nâņgaņmâ manminep, kotņe Lidia arekņe âmâ sâņgum parutmâ mâņot gilâm pulim âi are mem puli meminep. Akto Humoņe âmbâle aregât

biwiņe mem agato ondopņe katmâ Paulone den magep are nâņgâm ukenņe akmâ den are mem biwiņân katmâ heņgemgoep. ¹⁵ Akto âmbâle aregât lâulupņe hârokņe biwiyene Yesugâlân katbiâ tu puli yeņgiyion. Tu puli yeņgienņe âmbâle arekņe hin magep, “Nâ mem Humogât pat kat nekbiâ nâņganđân aregât nâņgâmbiâ ârândâņ akto âmâ nâņgât emelan âgâmbiâ nâ olop tatberen.” dâep. Hain dâmbo yâkgât emelan âgâyion.

Paulo akto Sila mem kala busi kâlegen kat yelegi.

¹⁶ Hilâm siân gem welam siâ Anutu ulilaņmini ain gem mandenņe hoņ bawa âmbâle kâmbokņe siâņe mem miawaknenegep. Akto sinduk baniara bâleņande kautņân mendo luâk yeņgâlân arim hâmbâi wan me wan miawakbiap aregât makyenģiminep. Hain akto aregât puli wanbiâ are mem arim damunlupņe yeņgim malep. ¹⁷ Akto âmbâle kâmbokņe arekņe Paulo ekmâ hami nenņânâk gam hin dâm kambonep, “Luâk irekņe Anutu Humogât hoņ bawa aganmâ manmai aregât Anutuņe heņgem nenguwiapgât dâp maknengiwerâm togoâi.” dâep. ¹⁸ Hain dâm hilâmņe hilâmņe kamboneņmâ haminenņân gam mando aregât Paulone hâkâņ akmâ purik katmâ sinduk baniara are hin dâm maganep, “Nâņe Yesu Humo Anutuņe huņgun aņdo giep aregât den makģiņdere nâņgâ. Âmbâle are hepunmâ eke.” dâep. Hain dâmbo ainâk hepunmâ ariep.

¹⁹ Hepunmâ arimbo âmbâle aregât damunlupņande hin dâyi, “Sinduk baniara bâleņande hepunđap aregât gain gain hâmbâigât pat makmâ miawak yeņgiwiap? Hain bo akbiap

are âmâ nengât puli bo akbiap.” dâm nângâm bâliyi. Hain nângâm Paulo akto Sila meyelekmâ kepia sombeim humoân arim ²⁰ Roma luâk yengât kiap taliân meyelekmâ âgâm hâkyetne tunmâ hin dâm makyenjiyi, “Yuda luâk lâuwâ irekne kepiannenjân togom bo agakne are aknet dâm maknengimbela den are nângâm biwinenne bâlimbo kepiannenje kukne agatâp. ²¹ Akto agak meme irakne siâ Roma luâk nenje bo akmaen are aknet dâm maknengim mandat.” dâyi. ²² Hain dâmbiâ luâk humo kili arekne kuk akmâ nângâ yetkimbiâ kiaplupyenande sângum yetne olojmâ honj bawalupyenje makyengimbiâ bugâne oreyelekmâ mem kala busi emet kâlegen kat yelekbiâ tatbela aregât damunne hin dâm maganji, ²³ “Luâk lâuwâ ire ariwandatgât kei bâtyetne mem kârikne ketugum hiko yelekmâ damun kinben.” dâyi. ²⁴ Hain dâm maganjiâ emet kârikne aregât bâinjângen kat yelekmâ lâwin siâ hionjmâ keiyetne kapijmâ hiko yelekto taliat.

²⁵ Akto hândâk tânâmjân Paulo akto Silane Anutu mepainje kep kenju akmâ tatbela luâk bikne kala busi kâlegen kat yekbiâ tali arekne nângâyi. ²⁶ Akto kep kenju are mem tatbela ainâk warij humo mendo emet are duwuŋ akto emet aregât hânji hârok lewulagep. Lewulakmâ kindo luâk hârok kala busi kâlegen tali are yengât tâk kârikne kotne sein are hulaj akmâ kinj pârândân âgâm metiep. ²⁷ Akto emet aregât damun kilep arekne asinjânba agatmâ ekto hânji are hârok lewulakmâ kindo ekmâ hin dâep, “Wei, luâk bâleŋe iren kat yektenje tatâi ina hârok arim meteâi.”

dâep. Hain dâm aregât hamep akmâ tinjânba tâwât siâ mem olojmâ ikinje hanje hâreakberâm agep. ²⁸ Hain akto Paulone hin dâm konmâ maganep, “Nen hârogâk yu kinden aregât hange bo hâreak.” dâep. ²⁹ Hain dâambo tembe loko arekne galalupne makyengimbo kemdâ wanbiâ kala busi kâlegen mem âgâm ongâne hogombo Paulo akto Sila yelekmâ hânân kângom hin dâm makyetkiep, ³⁰ “Agatbela arine.” dâambo agatbela kewugu yelekmâ den hin makyetkiep, “Luâk lâuwâ nâ gain gain aktere Anutuñe bo hilip nugumbo yâkgât pat akbian?” dâm makyetkiep. ³¹ Hain dâambo hin dâm maganjat, “Biwige Yesu Humogâlân katmenâ Anutuñe guge akto ginbailupge meyekbiap.” dâyat. ³² Hain dâm Humogât dengât keñe yâk akto ginbailupne makyengimbela ³³ ainâk damun arekne meyelekmâ arim bugâ gewâkne diwi are puliyetkiep. Akto ikinje akto ginbailupne hârogâk tu puli yengiyiat. Hain akbela Paulo akto Sila kewugu yelekmâ ariep. ³⁴ Arim ikinje emelan sot om yetkimbo neyiat. Ikinje akto ginbailupne hârok biwiyenje Yesugâlân katmâ Anutugât pat agigât biwiyenje âlepne agep.

³⁵ Yem kinbiâ haunjo Roma luâk yengât kiaplupyenande tembe loko hin dâm makyengim hungun yengiyi, “Ye arim luâk lâuwâ are tâk hulajmâ hungun yetkimbiâ ariet.” dâm tembe loko hungun yengiyi. ³⁶ Akto damunne den nângâm Paulo hin maganep, “Kiaplupnennande den katbiâ togoâp. Aregât hungun yetkienje biwiyetne sândugembo ariet.” dâep. ³⁷ Hain dâambo Paulone tembe loko are yekmâ hin dâm

makyengiep, “Net âmâ Roma luâk mandetgât yeñe gain gaingât net denân kat nelekâmâ bugâñe orenelekâmâ mem kala busi kâlegen kat nelegi? Dâ unak âmâ yonâk huñgun netkiwerâm akbiâ bo ârândâñ aktâp. Gârâmâ ye arim kiaplupyene makyengimbiâ yâk yeñeak togom huñgun netkimbiâ ariweret.” dâep. ³⁸ Paulone den hain dâambo tembe lokone purik katmâ kiapyengâlân arim Paulone den makyengiep are makyengim Paulo akto Sila yâk Roma luâk mandat dâm makyengimbiâ nânghâm sân sân meyi. ³⁹ Sân sân mem ongâyeñe hogombo arim den yeukne makyetkim kala busi kâlegenba kewugu yelekmâ kepia ginnângen ge kinmâ huñgun yetkimbiâ gem ariyat. ⁴⁰ Akto kepia are hepunmâ gem Tiatira kepiar arim Lidiagât emelan âgâm Yesugât kâmot ain tatbiâ yekmâ biwiyene Yesugâlânâk kilâkgât den makyengim gem ariyat.

17

Paulo akto Sila Tesalonike kepiar ariyat.

¹ Paulo akto Sila kepia are hepunmâ Ampipoli akto Apolonia kepia ewangim Tesalonike kepiar ariyat. Ain âmâ Yuda yengât den emetne siâ tatâp. ² Ain arim Paulone Yuda luâk yengât den emetne kepiare kepiare talep ain âgâm den makyengiminep aregât akmâ den emetnân âgâm âmâ Anutugât den kulem esenñe âlepne aregât keñe makyengimbo sonda âlâwu bo agep. ³ Yesugât keñe maganji goanji akbiâ aregât Paulone hin dâm makyengiep, “Beirâ Anutuñe huñgun anjo gem hâk hilâlâm nânghâm momonânba

agatbiap aregât uliknân propete luâk mali are makyengimbo kulemgoyi. Kulemgombiâ talep are Yesuñe watmâ hâk hilâlâm nângâep. Anutuñe Yesu hin dâm hunğunañep, “Gâ arim luâk âmbâle damunyañe akmâ tânyenğuwen.” hain dâep are Yesugât.” dâep. ⁴ Pauloñe hain dâm makyengimbo luâk âmbâle bikñande den are nângâm tatmâ biwiyenñe Yesugât katmâ Paulo akto Sila yâk yetgâlân dewatiyi. Akto Girik luâk Anutu ulilañmâ mali are dondâñe hainâk biwiyenñe Yesugâlân katmâ yâk yengâlân dewatiyi. Akto luâk âmbâle kotdâ hainâk agi. ⁵ Hain akbiâ benñe Yuda luâk bikñande are nângâm biwiyenñe bâlimbo dâwân arim luâk konam mem mendugu yekmâ kukgât hanyenân gembîâ kuk akmâ kepia are hanâk hanâk akbiâ kepia ambolupñe âkâ hainâk kuk akbiâ kepia are kuk agalep. Kepia are kuk agato Yuda luâk akto kepia ambolupñe bikñande Yasonğât emelan Paulo akto Sila talialân ain mendugum tali. Mendugum tatmâ, “Paulo akto Sila meyelekmâ hutnennân kat yelektenñe kilet.” dâyi. ⁶ Hain dâm undâgât yetkimbiâ bo akto aregât kuk dâm Yasonğ akto Yesugât kâmolân gâtñe bikñe meyekmâ humomolupyenñe yengâlân arim denân katyekmâ hin dâyi, “Luâk lâuwâ siâ kotyetñe Paulo akto Sila yâkñe hânñe hânñe manmâ luâk âmbâle den makyengimbela han lâuwâ akmâ gulip manbiâ ârândân bo aktâp. Akto unak nengâlân togombela Yasonñe gala akyetkimbo olowâk mandâi. ⁷ Akto humonenñe Sisa aregât den kom luâk humo irakñe kotñe Yesu yâkgât den makbela nângâm luâk ire meyekmâ togoen.” dâyi. ⁸ Hain dâmbiâ

kepia ambolupņe akto humomolupyņe arekņe nāņgām sān sān mem den humo akmā maganņi goanņi agi. ⁹ Hain akbiā humomolupyņande Yason akto galalupņe hin makyenņiyi, “Puli katņet. Puli katmā uņak aktāi ire lāuwāņe haināk bo akbiā âmā puli ire purik katmā yenņiwaen. Dā haināk akbiā âmā puli ire bo yenņiwaen.” dāyi. Hain dāmbiā puli katmā ariyi.

Paulo akto Silaņe Berea kepia ambolupņe Yesugāt keiņe makyenņiyiat.

¹⁰ Akto hāndāk aināk Yesugāt kāmotņe Paulo akto Sila yoņāk huņgun yetkimbiā Berea kepiā ariyiat. Ain arim Yuda luāk yenņāt den emetņān āgām Yesugāt keiņe makyenņiyiat. ¹¹ Akto kepia ain luāk âmāle bikņande emelāk biwiyēne owāiņe akto mali arekņe Tesalonike kepia ambolupņe ewangiyegi. Hain aregāt Paulo akto Silaņe kinmā Yesugāt keiņe makyenņimbela ondopyņe dowāk katmā den are nāņgām heņgemgoyi. Hain akmā hilāmņe hilāmņe aregāt maganņi goanņi akmā Anutugāt den kârikņe ulikņān kulemgoyi are oyaņmā nāņgāyi, “Luāk Paulo yu kindāp irekņe bunņe me hiaņgim maktāp.” dām Anutugāt kulem oyaņmā nāņgām heņgemgom mali. ¹² Aregāt yāk yenņālān gātņe dondāņe Yesugālān biwiyēne kali. Akto Girik âmāle humomolupyņe bikņande haināk agi. Akto Girik luāk bikņande haināk agi. ¹³ Gârāmā benņe Paulone Berea kepiā arim Anutugāt den makyenņim malep aregāt den pat arimbo Yuda luāk bikņande Tesalonike kepiā mali arekņe nāņgāmbiā bāliep. Nāņgāmbiā bālimbo Berea kepiā togom kinmā kepia ambolupņe

hanyenân gembia kepia areâkâ hainâk kuk agi. ¹⁴ Hain akbia Yesugât kâmotņe Paulo hunġun aņbiâ dowâk hepunyekmâ haru dâtnân ariep. Dâ Sila akto Timoteo yâkņe âmâ kepia ainâk maliat. ¹⁵ Akto Yesugât kâmotņe Paulo dâwân katberâm arim Ateņ kepijan katmâ purik katberâm akbia hin dâm makyenġiep, “Ye purik katmâ arim âmâ Sila akto Timoteo makyetkimbia dowâk Berea kepia hepunmâ togom penâniņbiandat.” dâep. Hain dâm makyenġimbo hepunmâ purik katmâ ariyi.

¹⁶ Akto Paulo Ateņ kepijan manmâ Sila akto Timoteo yâk yetgât lâmyetkum tatmâ hambo kotdâ keiņe keiņe hâwim katbia talep are ekmâ biwiņe kâlâp agep. ¹⁷ Haingât yâk yengât den emetņân âġâm Yuda luâk bikņe akto Girik luâk bikņe Anutugât keiņe nâņġawerâm mali yâk olop tatmâ Yesugât keiņe maganġi goanġi agi. Akto hilâmņe hilâmņe kepia sombeimân arim kinmâ luâk âmbâle gam ariyi are hainâk makyenġiep. ¹⁸ Akto kepia ain luâk nâņġâ nâņġayeņe siâ siâ mali kotyeņe Epikue luâk akto siâ Stoike luâk arekņe Pauloņe Yesu momoņânba agalep areġât den pat magep areġât kakņân maganġi goanġi agi. Akto bikņande hin dâyi, “Luâk ire nâņġâ nâņġayeņe gulip akto den kotņe hanâk hanâk are gain gain dâwerâm aktâp.” dâyi. Dâ bikņande âmâ hin dâyi, “Luâk arekņe kepia bikņe bikņe yengât lâpio areġât den maktâp.” dâyi. ¹⁹ Hain dâm sombeim humo siâ kotņe Areo ain oloņmâ âġâm hin dâyi, “Ġaņe den irakņe maktât are gain gaingât maktât? ²⁰ Den are uņġuņân siâ bo nâņġâyion areġât keiņe maknengimenâ nâņġâne.” dâyi. ²¹ Amâ Ateņ kepia

ambolupņe akto luâk bikņande kâlewângenba togom mali yâkņe den irakņe miawagep dâm aregât maganņi goanņi akmâ nânġâmbiâ humo akminep aregât akmâ Paulo oloņmâ hain aikoyi.

Pauloņe Areo sombeimân kinmâ Anutugât keiņe makyenņiep.

²² Hain dâmbiâ Pauloņe Areo sombeimân dewunyeņân agatmâ kinmâ hin dâm makyenņiep, “Ateņ kepia ambolupņe yengât keiyeņe hin nânġân. Ye lâpio keiņe keiņe yengât hoņ bawa akmai. ²³ Nâ kepia yeņân togom kepia ândeanmâ arim togom âmâ yengât lâpiolupyeņe sambe are yekmâ âmâ lâpio siâġât welamņe ekmâ âmâ den kulemgombiâ tatâp are oyaņdân, “Humo yeņe siâġât nen bo nânġâmaen yâkġât welamņe ire.” oyaņdân aregât ye nânġâm hilipkom yâkġât hoņ bawa manberâm akmai aregât keiņe makyenņire nânġâņet. ²⁴ Kotņe âmâ Anutu. Anutuņe âmâ hân himbim haru are mem miawakmâ aregât kâlegen wan me wan keiņe keiņe katmâ metiep. Yâkņe âmâ hân himbim akto haru amboņe aktâp aregât den emetņe ketugumai ain bo manmap. Bo. ²⁵ Akto wan me wan hârok manmanyeņe me heakyeņe yengimap aregât luâk siâņe âi ketugu anġimapgât dop bo talaņdâp. Amâ yâkņe âmâ siâ me siâġât umburuk bo manmap. ²⁶ Akto keiņe katmâ ulikņân yâkņe luâk konok siâ are ketugumbo yâkġâlânba luâk keiņe keiņe miawakmâ Anutugât den lokom sambelem potalakmâ ariyion. Akto arim tatberâm aktenņe sop aregât dop katmâ aregât hân horatņe makmâ nengiep. ²⁷ Akto biwinenņe kepik akto âmâ Anutuņe, “Nânġâlân

togom nângâ ninjet.” dâm aregât pat kat nenegep. Akto kâlewân bo mandâp. Hut nennân ârândân akmâ mandâp. ²⁸ Aregât luâk siâne hin dâep, “Anutuje katip nengumbo manmaen.” Akto yengâlân gâtje kep amboje siâne hin dâep, “Nen âmâ yâkgâlân gâtje.” ²⁹ Anutuje keije katmâ luâk ketugumbo ain gâtjande nen hârok sambelem manden aregât hin dâmaengât dopje bo aktâp. Anutugât keije âmâ hin. Biwinennânâk nângâm lâpio me kotje siâ siâ mem miawakmâ kât, goli me siliwa arekje mem ketuguen aregât dop. Hain bo nângâwaen. Nenje Anutugât nângâenne aregât dopje bo agep. ³⁰ Anutugât keije pâpkom mandenne âmâ Anutuje nenekmâ bo hilip nenguep. Are âkâ sop bo aktâp. Ujak iregât âmâ luâk âmbâle hânje hânje manmâ arimaen yengât hanyene purik kato yâkgâlân arinet dâm den dâpje menengiâp. ³¹ Akto sop makmâ kalep are bo akto ain luâk kâmotje kâmotje denân katnenekto keinenje miawakbiap aregât sopje kalep. Akto keinenje mem miawakmâ aregât purikje ârândânâk nengiwiap. Akto luâk siâ dosa âi meâkgât makmâ hungun anbiap. Akto luâk hârok nenje keije nângâm hengemgojet dâm hungun anep are momonânba mem agato mandâp.” dâep.

³² Paulone hain dâambo luâk bikjande momonânba agatbaen are hiangiâp dâm den hembalik agani. Dâ bikjande âmâ hin dâm magani, “Den maktât ire sop siân siâkâ maknengimenâ nângâwaen.” dâyi. ³³ Hain dâmbiâ Paulone hepun yekmâ ariep. ³⁴ Akto luâk bikjande biwiyene Yesugâlân katmâ Paulogâlân dewatim Yesugât

kâmot agi. Are yengâlân gâtje siâ kotje Dionisio yâk âmâ Areo sombeimân mendugum den keiŋe keiŋe maganŋi goanŋi agi, are yengâlân gâtje. Akto âmbâle siâ kotje Damari yâkâ hainâk Yesugât kâmot agep.

18

Paulo Korinti kepia miti âi miep.

¹ Akto Paulo Ateŋ kepia hepunmâ Korinti kepia ariep. ² Ain Yuda luâk siâ penianep kotje Akuila yâk âmâ Ponto hânân miawagep. Akto âbenŋe Pirisila yâk olop Italia hânân manbela luâk humo Klaudionje Yuda luâk Roma kepia manmini are watyegep. Watyekto ain Akuila âbenŋâi Roma kepia are hepunmâ Korinti kepia ariyat. Ain manbela ain Paulonje penâyetkiep. ³ Akto Paulo mâron emetŋe mânŋiminep. Akto Akuila akto Pirisila âi areâk meminiatgât emetjân tatmâ manmâ tânyetkuep. ⁴ Manmâ Paulonje Sarere ârândân Yuda yengât den emetjân âgâm Yesugât keiŋe Yuda luâk akto Girik luâk makyenŋim biwiyenje Yesugâlân katjetgât makyenŋim malep.

⁵ Mando Sila akto Timoteo yâk Makedonia hânângenba togombela Paulonje sâŋgum parutmâ uligi ketugum malep âi are hepunmâ Anutunje Yesugât damunyenje akben dâm huŋgun anŋo giep aregât keiŋe nânŋâŋet dâm hilâm ârândân Yuda luâk makyenŋim malep. ⁶ Makyenŋimbo yâkŋe den are hâkânŋ akmâ agak meme bâlenæet den maganŋimbiâ yekmâ aregât sâŋgumŋe kâlep are hulanŋmâ mem paŋ paŋgombo gagap giep. Akto ya

agep aregât keiņe hin dâm makyenġiep, “Yeņe hilip aguwai âmâ nânġât dosa bo. Dosa âmâ yeņaelân aregât arim Yuda luâk bo manmai are yeņġâlân arim Yesugât keiņe makyenġiwian.” dâep. ⁷ Hain dâm hepun yekmâ kepia amboņe siâ kotņe Titio kotņe siâ Yusto are Girik luâk yâkņe âmâ Anutugât den are lokoep yâkgât emet Yuda yeņġât den emetņe siâ are hâlânġmâ talep. Ain Pauloņe âġambo olop taliat. ⁸ Akto Pauloņe Yesugât keiņe makyenġiep. Makyenġimbo den emetņe aregât damun siâ kotņe Kirisipe yâk akto ginbailupņe biwiyenġe Yesugâlân katmâ mali. Akto yâk yeņeâk bo. Korinti luâk âmâle akto kepia ambolupņe dondâņe Yesugât den are nânġâm yâkâ hainâk biwiyenġe Yesugât katbiâ tu puli yeņġiyi. ⁹ Akto Paulo manmâ hândâk siân biwiņe purik kato giwelân Humoņe hin dâm maganġep, ¹⁰ “Nâņe tân gugure mandât ġârâmâ nânġât keiņe makberâm hamep bo akben. Akto kepia ireġât luâkņe dondâņe nânġâlân biwiyenġe katbai areġât akmâ luâk siâ me siâņe bâleņe bo akġinġbai.” dâep. ¹¹ Hain dâm maganġo Pauloņe kepia ainâk manmâ Anutugât keiņe makyenġim mando hombaņ konok dewutâ nâmbulân konok bo agep.

Paulo kewugum den emetņân ariyi.

¹² Sop are bo akto Roma luâk siâ kotņe Galio are Akaia yeņġât humoyenġe malep. Mando ainâk Yuda luâkņe Paulo ekmâ gasa aġaņi. Gasa aġaņmâ kiapgâlân mem arim den âiân kali. ¹³ Kiapgât metenġân mem âġâm hin dâyi, “Luâk irekņe nengât den kârikņe tatmap are hâkâņ akmâ konengim biwiyenġe siâġâlân katņetdâm maknengimap.” dâm

hiangyi. ¹⁴ Hain dâm hianġimbiâ Paulonje den kaknân makberâm akto Galionje Yuda luâk hin dâm makyenġiep, “O Yuda luâk. Luâk ire dosaņe olop mandâp me wan umatņe bâleņe siâ aktâp dâine âi humo mem yenġât denyeņe nângâwom. ¹⁵ Gârâmâ ire yenġât wan me wan luâk kotņe me yenġât denyeņe me den kârikņe hain areġât makmâ tatâi areġât âmâ yeņeak makmâ hârewi. Den ire âmâ nângât pat bo.” dâep. ¹⁶ Hain dâm watyekto geyi. ¹⁷ Gem âmâ den emetņæet damun siâ kotņe Sostene yâk mem miawakmâ lokom kiapġât metenân âġâm âmâ kom bâleņe siâ siâ aġaņi. Hain aġaņbiâ kiapņe yekmâ uken yeņæet dâm hansumbu aġep.

Paulonje Yerusalem kepijan purik katmâ ariep.

¹⁸ Paulo Yesugât kâmot Korinti kepijan mali are olop manbiâ sop kâlep aġep. Akto sop ain âmâ Keņkereaġ kepijan âġâm âmâ hâmbâi wan me wan siâ akbian dâm areġât dop makyenġiep sop are bo akto âmâ dumutņe hâreaņi. Hâreaņbiâ purik katmâ Korinti kepijan arim Yesugât kâmot are hepun yekmâ Siria hânângen ariwerâm akto Pisisila akto Akuila yâk olop waņgan âġâyi. ¹⁹ Âġâmbiâ meyekmâ arim Epeso kepijan katyekto yâk ain luâk âmbâi lâuwâ are hepun yelegep. Hepun yelekmâ ikinje âmâ Yuda yenġât den emetņân âġâmbo Yesugât keiņæet maganġi goanġi aġi. ²⁰ Akto Yuda luâk bikņe Paulo olowâk manne dâm mem gangerâwerâm akbiâ Paulonje den koyenġim hin dâm makyenġiep, ²¹ “Anutņe nângâ niņdo yenġâlân lâuwâņe purik katbian.” dâep. Hain dâm

hepunyekmâ ariep. Arim wanġan âġambo mem togo Kaisarea kepiā kalep.

²² Kato âmâ Yesugât kâmotlupņe Yerusalem kepiā mali yâk yeņġâlân arim getek manmâ hepun yekmâ arewa Antiokia kepiā purik katmâ arim ain malep. ²³ Manmâ Antiokia kepiā are hepunmâ arim Yesugât kâmotlupņe bikņe Galatia akto Prigia hân tânâmņân mali are yeņġâlân arim biwiyeņe Yesugâlânâk arim kilâġgât den makyeņġim malep.

Apoloņe Epeso akto Korinti kepiā manmâ Yesugât keiņe makyeņġim malep.

²⁴ Akto Epeso kepiā Yuda luâk siâ malep kotņe Apolo are Alesandria kepiā ġâtņe. Akto yâk nâņġâ nâņġaņe humo areġât yâkņe Anutugât den kulemgoyi are oyaņmâ nâņġâm metiepgât yâġgât denġaet ukeneņe akmini. ²⁵ Akto luâk bikņe Humogât keiņe bâlensiâ nâņġâyi arekņe magañbiâ are nâņġâm metiep. Akto ulikņân Yohanene luâk âmbâle tu puli yeņġiep areġât keiņe nâņġâm biwiņe owâiņe akto Yesugât keiņe bâlensiâ nâņġâm heņġemgoep areġât luâk âmbâle makyeņġim malep. ²⁶ Hain agepgât Yuda yeņġât den emetņân âġâm Yesugât keiņe makmâ hilip milip makyeņġimbo Pirisila akto Akuilaņe den are nâņġâm gala agañmâ kewugum emetyetņân âġâm Anutugât den are magañmâ heņġemgombela nâņġaep. ²⁷ Akto areġât hamiņân Apolo Akaia hânâņgen ariwerâm akto âmâ Yesugât kâmot Epeso kepiā ġâtņande tâņgowerâm kulem eseneņe siâ kulemgom waņi. Areġât keiņe hin, “Luâk ire yeņġâlân togowerâm aktâp are gala âlepņe agañbi.” Kulem eseneņe

hain dâm kulemgom wanjbiâ meakmâ ariep.
²⁸ Mem Korinti kepien arim emelâk Anutugât den kulemgoyi are sombeimân oyanmâ Anutuņe Yesu maganmâ damunyene akben dâm hunġun anġo giep areġât keiņe dâm kepikmâ makyenġimbo nânġâmbiâ bunņe akto Yuda yenġât den are nânġâmbiâ giep. Hain akbiâ Anutuņe gala akyenġimbo biwiyene Yesugâlân katmâ mali are Apoloņe yâkņe tânyenġuep. Tânyenġumbo biwiyene Yesugâlânâk kârikņe katmâ manmâ herone agi.

19

Pauloņe Epeso kepien ariep.

¹ Apolo Korinti kepien mando sop ain Pauloņe Epeso kepien arim âmâ Yesugât kâmot siâ mem miawakyekmâ hin dâm makyenġiep, ² “Ye ulikņân biwiyene Yesugâlân katbiâ Anutugât Heakņande kautyenġân meyegep me bo?” dâep. Hain dâmbo yâkņe hin dâm maganġi, “Nen Anutugât Heak areġât keiņe bo nânġâmaen.” dâyi. ³ Hain dâmbiâ hin makyenġiep, “Ye tu puli yenġiyi areġât keiņe makniņbiâ nânġâwe.” dâep. Hain dâmbo yâkņe hin maganġi, “Nen Yohanene tu puli nengiep keiņe areâk.” dâyi. ⁴ Dâmbiâ hin dâep, “Biwiyene purik kato bâleņeyene makmâ miawakņetġât Yohanene makyenġiep. Makyenġim den siâ dewatim hin dâm makyenġiep, “Haminângen luâk siâ togom mandâp, areġât nânġâm yâkgâlân han biwi katņet.” Yohanene hain dâm Yesugât keiņe makyenġiep.” ⁵ Paulo hain dâmbo nânġâmbiâ Yesu Humo yâkġât kotņe konmâ tu puli yenġiep. ⁶ Puli yenġimbo Pauloņe bânņe kautyenġân kato Anutugât

Heakñande gem kautyenân mendo elewetye purik âgâmbô den siâ siâ agi. Hain akmâ arim Anutugât den are makyengim mali. ⁷ Luâk keiân lâuwâ me hain arekñe hain agi.

⁸ Akto Paulone Yuda yengât den emetjân hilâmñe hilâmñe âgâm gem hamep bâlâk manmâ, “Anutune damunye akberâm agep aregât keñe makyengire nângâmbiâ bunne agâk.” dâm makyengim hanyenân giep. Hain akmâ mando dewutâ âlâwu bo agep. ⁹ Akto luâk bikñande biwi kârik akmâ Yesugât den are nângâmbiâ bâlimbo kâmot humo yâk yengâlân arim Yesugât pat sârek kom makyengim agi. Hain akbiâ aregât Paulone hepun yekmâ ariep. Hepun yekmâ ariwerâm luâk âmbâle bikñe Yesugât biwiyene kali are mem menduguyekmâ hilâmñe hilâmñe luâk siâ kotñe Tirano yâkñe luâk âmbâle mendugu yekmâ den kepikmâ makyengiep, aregât emelan kewugu yekmâ âgâm Yesugât keñe totokom makyengiep. ¹⁰ Hain makyengimbo manbiâ hombanj lâuwâ bo agep. Akto sop ain Yuda luâk âmbâle ain mali are akto kepia ambolupñe Asia hânân mali yâk hârokñe Humogât den are nângâm mali.

Yuda yengât luâk kâmbokñe.

¹¹ Akto Anutune Paulo meme agando kulem keñe keñe ketuguep. ¹² Hain akto aregât luâk âmbâle arekñe Paulogât âi sângum me puliak puliak sângum are mem manmâ kundat agi yâk yengâlân arim mem howaiyekbiâ âlepñe agi. Akto sinduk baniara bâleñande kautyenân meyegi are hepun yekmâ ariyi. ¹³ Akto Yuda luâk liunak gonak bikñe hân are ândeanmâ mali yâkñe âgâ

âgâñe akmâ Kembu Yesugât kotñe liunak gonak yeñe agakgât nânġâm luâk sinduk baniara siâ hin makyenġiyi, “Yesugât kot patñe Paulonje makmap yâkgât laugât ariwen.” ¹⁴ Akto sumbe kat kat humo siâ kotñe Sikeua yâkgât nanlupñe 7 yâkñe hain agi. ¹⁵ Hain akmâ sop siân sinduk baniara bâleñe siâ watberâm âmâ Yesu kotñe konbiâ sinduk baniara bâleñe arekñe hin dâm den hâuñe makyenġiep, “Yesu are nânġân. Akto Paulo are nânġân. Dâ ye âmâ niñaelân gâtñe? Keiyenje bo nânġân.” dâep. ¹⁶ Hain dâmbo luâk kautñe gulip agep arekñe kârikñe akmâ nanañ are yeñgum watyekmâ sâñgumyeñe are mem duwatmâ pañyengim yeñgum mem siâ siâ ketuguyekto gilâm kauñmâ emelanba sopanmâ hâk peke bâlâk gem ariyi. ¹⁷ Akto aregât den pat arekñe sambelem arimbo Yuda luâk akto Yuda luâk bo manmai arekñe nânġâm hamep akmâ mali. Hain akmâ Yesugât kotñe mem agali. ¹⁸ Akto Yesugât kâmolân gâtñe dondâñe Paulogâlân togom wan me wan bâleñe mem mali are makmâ miawagi. ¹⁹ Akto emelâk kulem mem mali yâkñe gulam sait kârik aregât kulem esenñe are hârogâk mem miawakmâ sombeimân katmâ mendugum oyañbiâ ten tausen kina arekñe puligoyigât dop hainare agep. Hain akmâ kâlâp katmâ ombiâ om bo agep. ²⁰ Om bo akto ain Humogât den are maganġi goanġi akbiâ den arekñe kârikñe akto luâk âmbâle hârokñe penâyeñgimbiâ sambelem ariyi, aregât luâk âmbâle dondâñande den pat are nânġâyi.

²¹ Hain akmâ metembiâ Paulonje Makedonia akto Akaia hân are ewangim Yerusalem kepiân

ariwerâm hin dêep, “Nâ Yerusalem kepiân âgâm âmâ arewa Roma kepiân ariwian.” ²² Hain dâm ariwerâm akmâ luâk lâuwâ kotyetne Timoteo akto Erasto arekne tângoyiat are hunḡun yetkimbo Makedonia hânângen ariyiat. Dâ ikinje âmâ Asia hânân bâlensiân malep.

Epeso kepiân gâtḡande kot kamboḡmâk konli.

²³ Akto sop ain Epeso kepiân gâtḡande Yesu Humo yâkgât kâmot yengâlân umatne bâleḡe miawak yengieḡ aregât keiḡe hin. ²⁴ Luâk siâ kotḡe Demetrio arekne aḡgi goaḡgi hin ketugum malep. Kât siâ kotḡe siliwa are mem lâpioyene kotḡe Atemesi yâkgât opmân kâmbokḡe humo aregât otneḡe bâlensiâ ketuguminep. Akto Demetrione otneḡe bâlensiâ ketugu yekto kepia ambolupḡe akto lombo togo togoḡande are puligombiâ puli humo are mem âi luâk akto galalupḡe oyaḡmâ yengim malep. ²⁵ Akto Demetrione âi luâk bikḡe mem menduguyekmâ hin dâm makyengieḡ, “Galalupne, Atemesigât opmân otneḡe ketugum arewa puli humo mem miawakmaen are nânḡâi. ²⁶ Akto luâk siâ togo malep kotḡe Paulo yâkgât keiḡe ekmâ nânḡâmai. Yâk âmâ Asia hânân gâtḡe akto Asia hân aregât kepia kautḡe Epeso aregât ambolupḡe biwiyenân gem hin dâm makyengimap, “Luâkḡe hanyenân nânḡâm lâpio wan me wangât otneḡe ketugumai are bunḡe bo.” ²⁷ Hain dâmbo âinenḡe bunḡe bo akmap are nânḡâre umatḡe aktâp. Akto are konok bo. Asia hânân gâtḡe akto hân siân gâtḡe dondâḡe Atemesigât den lokom maliḡe den are hepunmâ

siâgâlân arimbiâ aregât yâkgât opmân are gao gao dâgâmbo kotje gembo nângâre bâliâp.” dâep.

²⁸ Demetrionje hain dâm makyenjimbo biwiyenje kâlâp akto kambojmâ hin dâyi, “Epeso luâk nengât Atemesi ire humo âlepne dondâ.” ²⁹ Kot kamboj konmâ hain dâmbiâ kepia ambolupne hârogâk biwiyenje kâlâp akto mendugum olowâk arim Makedoniagât luâk lâuwâ Paulo olop gayi are kotyetne Gaio akto Aristako yâk mem oloj yelekmâ arim kepia sombeimân menduguyelegi. ³⁰ Akto Paulone aregât nângâm yâk yengâlân ariwerâm akto Yesugât kâmotne mem guguwâi dâm gangerâyi. ³¹ Akto luâk humomo Paulogât galalupne ain mali arekne yâk yengâlân bo ariâk dâm makmâ hârem den katbiâ Paulogâlân ariep. ³² Akto luâk arekne sombeim humoân mendugumbiâ ain gâtne bikjande keije wangât aktâi dâm nângâwerâmbiâ bo agep. Aregât den humo akbiâ gembo âgâmbo akmâ âmâ hanâk hanâk akmâ gulip milip agi. ³³ Luâk arekne hain akmâ manbiâ aregât Yuda luâkne galayenje siâ kotje Alesande are maganbiâ kâmot humo are hutyenân kinmâ bânjande koratyengum den aregât makmâ hâre yengiwerâm agep. ³⁴ Makmâ hâre yengiwerâm akto luâk are ekmâ nângâm, “Luâk ire âmâ Yuda yengâlân gâtne arekne agatmâ kindâp.” hain dâm âmâ emelâk magi are hainâk makmâ ge tatmâ nângâm hin dâm kamboji, “Epeso luâk nengât Atemesi are humo âlepne dondâ.” dâm kamboji. ³⁵ Hain dâmbiâ sop kâlep akto âmâ kaunsoligât âi meme yâkne denyenje are hâkokom korat yengumbo den hepunbiâ hin

dâm makyenjiep, “Maktere nângânet. Epeso kepia ambolupne nenjeak Atemesigât opmân are akto yâkgât kât kâmbokne humo himbimânba giep are damunne akmâ manmaen. Aregât keiņe luâk âmbâle hânne hânne mandâi are hârokne nângâi. ³⁶ Luâk siâne aregât den mem ge katbiapgât dopne bo tatâp. Aregât wan me wan bâlene hanâk aktâi aregât biwiyene geâk. ³⁷ Luâk meyelekmâ gai arekne lâpio yeņaet opmânân âgâm kâmbu bo meyat. Akto Atemesigât bâlene bo dâm maganġiyiat. Hain bo akbela ina yeņe hanâk mem oloņyelekmâ togoâi. ³⁸ Demetrio akto galalupņande luâk siâgât nângâmbiâ bâliâp. Akto den heņgemgoweren dâmbiâ aregât kakņân kiap den nângâ yeņgimapgât sopne ewumâk akto arim yâkgâlân makmâ miawakbai. ³⁹ Gârâmâ yeņgât den siâ tatâp. Akto âmâ kepia ire damunlupyene yâk yeņgâlân mem ariwai. ⁴⁰ Uņak iregât den makbiâ biwiyene bâliâp aregât bugâ ire miawakberâm aktâp. Aregât luâk humo tâmbâ arekne nângâm âmâ sân sân mendo wan me wan agaņdenne nângâmbo âmâ ârândâņ akbiap aregât dop bo tatâp.” dâep. ⁴¹ Kaunsoligât âi meme yâkne hain dâmbo nângâmbiâ ârândâņ akto awam akmâ ariyi.

20

Paulo yâk Makedonia hânân arim arewa Akaia hânân ariep.

¹ Den humo miawagep are bo akto Paulone Yesugât kâmot mendugu yekmâ biwiyene Yesugâlânâk arim kilâk dâm makyenġim

hepunyekmâ Makedonia hânân togoep. ² Hân ain togom Yesugât kâmotņe manmâ ariyi yâk yeņgâlân togom den kârikņe makyenġim hepun yekmâ kepia siân togo hainâk hainâk akmâ manmâ ainba Girik hânân togo penâniņep. ³ Mando dewutâ âlâwu bo akto Siria hânân ariwerâm haru ginņân gem waņgan âgâwerâm akto âmâ Yuda luâk bikņande gasa aganmâ komberâm akbiâ yekmâ nânġânmmâ purik katmâ Makedonia hânân ariwerâm agep. ⁴ Akto luâk yâk olop ariyi kotyene hin. Berea kepia amboņe siâ kotņe Sopate yâk Piro nanņe, akto Tesalonike kepijan gâtņe kotyetņe Aristako akto Sekundo, akto Derebe kepia amboņe kotņe Gaio, akto Timoteo, akto Asia hânân gâtņe siâ kotņe Tikiko, akto Tropimo. ⁵ Yâkņe soņ hepun nelekmâ arim Troa kepijan arim ain Paulo net lâmnetkuyi. ⁶ Arim lâmnetkumbiâ sot bo kaulemap aregât sopņe bo akto net Pilipi kepia are hepunmâ waņgan âgâetņe menelekmâ arim mando hilâm momerâk bo akto arim katnelektro Troa kepijan âġâm penâyeņġiyiot. Penâyeņġietņe olop mandenņe hilâm nâmbulân lâuwâ bo agep.

Pauloņe Troa kepijan luâk sigan siâ moep are momoņânba mem agalep.

⁷ Sot om munditmâ ligim nemberâm Sarere hândâkņân menduguyion. Akto Pauloņe emet haunġo ariwian dâm aregât Anutugât den makyenġim kindo hândâk tânâmņe agep. ⁸ Akto emet kâlêņe siân âġâm menduguyegion. Akto emet are dewatim kakņân kakņân âlâwu ketuguyi ain kemdâ sagom katbiâ om kilep. ⁹ Akto Pauloņe den makyenġim kindo sop kâlêp akto nanan siâ kotņe

Eutiko arekñe Paulogât den are nânghâm tatmâ seru meme lapanân tatmâ dewunñe asiñ akto bam gutmâ taleine seru meme are kakñânba ge kinmâ miwindik ageine ge kondo mom yiep. ¹⁰ Hain akto Paulonje gem nanan are mem manganmâ kinmâ hin dâm maknengiep, “Bo indenjet. Biwiñe golâk yendâp.” dâep. ¹¹ Hain dâmbo emet kâlegen âgâm sot ligim munditmâ nem Yesugât den dâm maganji goanji akbiâ emet haunep. Emet haunjo hepunyekmâ ariep. ¹² Arimbo nanan momonânba agalep are kewugum emetñân âgâmbiâ kambiamyenje âlepñe agep.

Paulonje Troa kipia hepunmâ Milete kipian ariep.

¹³ Akto Paulonje dâmbo nenñe hepunakmâ bikñande wañgan âgâm Aso kipian ariyion. Dâ ikinje âmâ kei hân haru hâlânñmâ Aso kipian ariep. ¹⁴ Arim âgâmbo peniangim olowâk Mitile kipian ariwerâm wañgan âgâenñe menenekmâ ariep. ¹⁵ Arim âmâ yem kindenñe haunjo lâuwânje Kio hân haru tânâmñân talep ain gem kindenñe haunjo âlâwuñân Samo hân haru tânâmñân talep ain arim peniangim yogan talion. Arewa arim imbâtñân Milete kipian ariyion. ¹⁶ Akto ain Anutugât Heakñande ulik gulik kakyeñân giep, aregât homban ain tâlâguep. Aregât Paulo Yerusalem kipian dowâk ariwerâm agep. Aregât arewa arim Epeso kipian arim mandenñe sop kâlep akbop dâm Epeso kipia ewangim Milete kipian tânâk ariyion.

Paulonje Epeso kipia ambolupñe makyengiep.

17 Paulone Milete kipian arim wanganba sopanmâ gem luâk siâ hungun anđo Epeso kipian arim Yesugât kâmotlupne are yengât damunlupyene kewugu yekto togoyi. 18 Togombiâ Paulone den hin dâm makyengiep, “Galama, nâ Asia hân humoân iren pup pup yengâlân manmâ âmâ âi keiņe katmâ mem gan aregât keiņânbak nâņgâi. 19 Akto nâņe nune hâkne bo mem agalân. Yân indemâk manmâ Humogât hoņ bawa malân. Akto Yuda luâkne gala bo akniņmâ nuguwerâm mem siâ siâ ketugunekbiâ hâk hilâlâm kakņân malân. 20 Hain akmâ manmâ Yesugât keiņe are bo tigire talep. Ye âlepne manņet dâm Yesugât keiņe are makyengiwerâm kipiane kipiane arim sombeimân me emetyeņân âgâm makyengim malân. 21 Haingât Yuda luâk akto Yuda luâk bo manmai are yengâlân arim den dâtâņe hin makyengim malân, agak memeyene bâleņe Anutugâlân makmâ miawakmâ biwiyene Humo Yesu Kristogâlân katņet. 22 Akto uņak ire âmâ Anutugât Heakņande hâwâtnekto yâkgât denņe lokom Yerusalem kipian ariwerâm aktân. Indâņân ariwerân âmâ wan me wan gain gain hinare are miawak niņbiap are bo nâņgâm heņgemgoân. 23 Hain akto Anutugât Heakņande damunne akmâ makniņdo kipia ârândâņ togore kala busi kâlegen kat nekberâm me bâleņe siâ siâ akniņberâm akbiâ are nâņgân. 24 Gârâmâ bâleņe siâ siâ akniņbiâ mombian aregât nâņgâre owâiņe aktâp. Aregât Yesuņe âi ire dâm hârem niņep ire konok mem manbaen. Akto iregât konok biwine humo yemap. Aregât dopne hin. Anutuņe ukenņaet

akmâ luâk hârok damun nenŋe akberâm aktâp aregât den pat âlepŋe are makyenŋim manbian. Âi are konok mem heŋgemgom kinbian, hain nânŋâm aregât konok biwine humo yemap. ²⁵ Akto ire maktere nânŋâŋet. Anutuŋe damun nenŋe akberâm aktâp aregât nâŋe den pat âlepŋe are makyenŋim hutyenân mandere nekmai. Gârâmâ arire kakŋân lâuwâŋe bo nekbai. ²⁶⁻²⁷ Nâ Anutuŋe neкто ârândân akmapgât yu makbe. Nâ Anutugât den hârok hamep bâlâk makyenŋire nânŋâyi. Aregât unjak ondop pâronŋât makyenŋire nânŋâŋet. Siâ hilip agumbo dosaŋe nânŋâlân bo tatbiap. ²⁸ Ye han biwi golâ manbi. Hain manmâ Anutuŋe luâk âmbâle bikŋe gilâmŋande puliyegep are damunyeŋe akbi. Akto Anutugât Heakŋande Yesugât kâmot are yengât pat dâm makyenŋiep aregât damunyeŋe akmâ manbi. ²⁹ Nâ hin nânŋân. Nâŋe hepunyekmâ arire âmâ haminân luâk bikenba pugaiya hain arekŋe yengâlân togom luâk âmbâle yonjak bâleŋe akŋet dâm hâwât yekbai. ³⁰ Aregât dop akmâ yengâlân bikŋande heyenŋim biwiyeŋe nengâlân katmâ Yesu hepunŋet dâm olonyekmâ hilip yenguwai. ³¹ Aregât han biwi golâ manbi. Akto den ire mem biwiyeŋân katbiâ talâk. Nâŋe hâk hilâlâm kakŋân manmâ hândâk hilâm Anutugât keiŋe dâm hârok mendugum makyenŋiman. Akto siâ ikiŋeâk ikiŋeâk dewunŋe tuŋe olowâk makyenŋim manmâ gare homban âlâwu bo aktâp. ³² Akto unjak Anutuŋe damunyeŋe aktâpgât han kalemŋe denân katyekmâ ariwerân. Anutuŋe ikiŋe ukenŋaet akmâ damunyeŋe akberâm aktâp aregât nânŋâmbiâ biwiyeŋe bo

umatne akbiâp. Akto biwiyene Yesugât katmâ manbiâ yâkne yengât nângâm meme akyengimbo manman kâriknaet pat yengiep are manbai. ³³ Nâ puli sikumgât makmâ egâlian bo akyengiân. ³⁴ Nâ nune akto luâklupne nenjaet wan me wan bâlensiâ bâte irekne mângire miawaknengiep a nângâmai aten. ³⁵ Nâ wan me wan keine katyengiân akmâ âi kârikneâk mem umburuk mamburuk yâk kalemgom yengiwiangât aregât dâp gai tâlim hekatyengiân. Aregât yene areâk tâlim Kembu Yesune den hin magep are nângâwi, galalupyenande yengimbiâ âlepne aktâp gârâmâ yene yâk yengimbiâ âmâ âlepne dondâ aktâp.” dâep.

³⁶ Paulone den hain dâmbô kângombiâ Humo konmâ ulilane. ³⁷ Ulilando âi girâp akmâ indem lokom manjanli. Hain akbiâ den hin dâm makyengiep, ³⁸ “Ariwian iregât kaknân lâuwâne bo purik katbian.” dâmbô aregât nângâm biwiyene umatne agep. Hain akbiâ hepun yekmâ wanjan âgâep.

21

Paulone Yerusalem kipian purik katmâ ariwerâm ariep.

¹ Akto nenne hepunmâ hân siâ haru tânâmjân talep kotne Ko ain tânjâk ariyion. Arim yem kindenne haundo arewa arim haru tânâmjân hân siâ talep kotne Rodo ain arim wanga hepunmâ Patara kipian ariyion. ² Ain arim wanga Poinike hân ain ariwerâm akto are mem miawakmâ âmâ âgâenne menenekmâ ariep. ³ Arimbo dewun

nenje indâgen panmâ hân siâ haru tânâmjân tato egion are kotje Kapiro. Ekmâ yânâk kanege tato ewangim ariyion. Arim Siria hânân kipia siâ talep kotje Tiro are haru ginjân talep ain ariyion. Arim wanğa are hepunmâ arienne kipia ambolupjande gam wanğanba ito siâ siâ are lândem katbiâ giep. ⁴ Akto nenje kipian âgâm Yesugât kâmotlupje mem miawak yekmâ yâk olop mandenne hilâm nâmbulân lâuwâ bo agep. Akto hilâm are hutjân sop siâ Anutugât Heakjande makyengimbo aregât Paulo yâk Yerusalem kipian bo ariâk dâm magani. ⁵ Akto wanğa are ariwerâm akto luâk âmbâle nanaj lepat hârogâk nen kat nenekberâm kewugu nenekbiâ olowâk haru ginjân geyion. Gem haru ginjân tatmâ kângom Anutu ulilanjion. ⁶ Ulilanjâm wanğan bam âgâwerâm aktenje manğan aknengimbiâ hepun yegion. Akto yâk purik katmâ kipiayenân ariyi.

Luâk siâ kotje Agabo yâkje Paulogât keije makyengiep.

⁷ Wanğan âgâenne menenekmâ Tiro kipia are hepunmâ arim Tolemai kipian kat nenekto wanğa hepunmâ kipian âgâm ariyion. Arim âmâ Yesugât kâmot yektenje manğan nenekbiâ olowâk talion. ⁸ Tatmâ sot wan om nem yem kindenne haujdo hepun yekmâ arewa arim Kaisarea kipian âgâm luâk siâ kotje Pilipo Yesu bo nângâ anjai areyengâlân arim Yesugât keije makyengim malep are mem miawaktenje olowâk malion. Pilipo are emelâk luâk nâmbulân lâuwâ meyekmâ âi dâm hârem yengiyi are yengât hutyenân gâtje. ⁹ Akto baratlupje imbât are âmbâi tat tatjeâk

hârok yâkne Anutugât den are oyanmâ makyengim mali.

¹⁰ Akto yâk olowâk mandenŋe emelâk Yudaia gâtne siâne Anutugât den dâm miawagep kotne Agabo, are nengâlân togoep. ¹¹ Togom Paulogât pânânba sânŋum tâkne mem hulanmâ ikinje keiŋe bâtne dâgâm mendugum hin dâep, “Anutugât Heaknande hin dâp, tâk ire amboŋe Yerusalem kipian arimbo Yuda gâtne kipia ambolupnande hin hikom Anutugât keiŋe bo nânŋai are yengâlân katbai.” ¹² Agaboŋe den hain dâmbo nen akto kipia ambolupne nenŋe Paulo Yerusalem kipian bo âgâwen dâm maganjon. ¹³ Hain dâm maganŋenŋe Paulone hin maknengiep, “Ye wangât indem tatbiâ biwine hiondâp? Hepunŋet. Nâne Yesugât akmâ nânŋâm Yerusalem kipian âgâre mem kala busi kâlegen katnekbai aregât hamep bo aktân. Akto are konok bo. Humo Yesugât nânŋâm âmâ âgâre nuguwai aregât hanâk hamep bo aktân.” ¹⁴ Hain dâmbo lâuwâne hâwâtmâ maganŋenŋe nengât den bo nânŋâ nengimbo aregât hin dâyion, “Bâin. Humogât den are kârikne agâk are Humogât han.” hain dâyion.

Paulone Yerusalem kipian arim kipia bikne bikne den pat âleŋe are makyengiep.

¹⁵ Hain dâenŋe manmâ manmâ Yerusalem kipian âgâwerâm aregât ito kârugut kom kilion. ¹⁶ Hain aktenŋe Kaisarea kipia ambolupne biwiyeŋe Yesugât kali yâk yengâlânba biknande kewugu nenekbiâ ariyion. Arim luâk siâ Kipiro gâtne kotne Mason yâk uliknânâk biwiŋe Yesugât kalepgât yâkgât emelan katnenegi. ¹⁷ Akto

arewa arim Yerusalem kipian arienne âmâ Yesugât kâmot bikjande penânengim herone aknengimbiâ ain manjan akmâ olowâk talion. ¹⁸ Tatmâ yem kindenne hauᅇdo Paulone oloᅇ nenekto Yakopogât emelan âgâyion. Ain âgâenne Yesugât kâmot yâk yengât damunlupyene hârokne togom penânengiyi. ¹⁹ Togom penânengimbiâ Paulone manᅇanyekmâ Anutune meme aᅇaᅇdo Yuda bo manmai are yengâlân arim wan me wan akyengimbo bunne agep aregât keiᅇânᅇbak den pat makyengieᅇ.

Paulone Mosegât den kârikne are mem agato ek-biâ ârândâᅇ agep.

²⁰ Paulone den pat hain dâm makyengim metembo ain tali arekne Anutugât kotne mem agatmâ Paulo hin dâm maganᅇ, “Galanenne nâᅇgât? Yuda luâk âmbâle dondâᅇ biwiyene Yesugâlân katmâ mandâi. Yâk hârogâkne Mosegât den kârikne are kârikne akmâ mem agatmai. ²¹ Akto ᅇâᅇgât den hin katbiâ togombo nâᅇᅇamai. Yuda luâk âmbâle arekne hân siâᅇgen arim mandâi are makyengim Mosegât den kârikne are heᅇpunᅇet dâm makyengimat. Akto nananlupyene yengât hâkyene bo ᅇâiyenᅇᅇet dâm koyengimat. Akto Yuda luâk nengât agak meme are heᅇpunᅇet dâm makyengimat, hain dâm togo makyengiyi. ²² Are nâᅇᅇambiâ bâlimbo âmâ gain gain akbaen? ᅇâ Yerusalem kipian togoât aregât den pat nâᅇᅇawai. ²³ Aregât den siâ yu makᅇᅇberen ire akben. Nengâlân ᅇâtne luâk imbât mandâi arekne emelâk Anutugât den kârikne are akbaen dâm makmâ hâreyi. ²⁴ Akto ᅇâᅇne yâk yengâlân

dewatim katmâ gala akyengim sumbegât songoņe puligom yengimenâ olowâk sumbe emetņân âgâmbiâ aregât bân dâm dumutyene hârewi. Hain akbiâ nengâlân gâtņe bikņande gekmâ hin dâwai, “Iregât me niņaet den katbiâ togombo nâņgâyion? Dâ luâk arekņe âmâ Mosegât den kârikņe are mem agatmâ manmap.” dâwai. Hain dâm gâņgât keige bunņe heņgemgowai. ²⁵ Hain gârâmâ Yuda luâk âmbâle bo manmai biwiyene Yesugâlân kali arekņe lâpio yengât sot omai me songo gilâmdâk hanyene hâremai are bo nembi dâm makmâ hâreyengim den katenņe ariep. Akto âmbâle mem hepun hepun bo akbi dâm makmâ hâre yengiyion.” dâyi. ²⁶ Hain dâmbiâ Paulo denyene lokom luâk imbât are penâyengiep. Penâyengimbo yem kinbiâ emet haunđo, “Anutugât dewunņân salek salek manbaen.” dâm aregât purik katmâ sumbe emetņân âgâyi. Âgâmbiâ Paulone luâk imbâtņe den kârikņe aregât pat koyengiyi are bo akbiapgât sop akto sumbe ombaigât sumbe emetgât damunlupņe makyengiep.

Paulone sumbe emetņân âgâambo mem komberâm agi.

²⁷ Hilâm âi meme 7 siâ me siâ manmâ manņetgât magi are bo akberâm akto Paulone sumbe opmânân âgâm mando Asia hânân gâtņe Yuda luâkņe are ekmâ luâk hârok hanyene mem gulip koyi. Akto hanân gege akyengiyi. ²⁸ Hain akmâ Paulo mem konmâ magi, “Wei Israe luâkma, togo tânnenguņet. Luâk irekņe hân ârândâņ manmâ Yuda luâk nen gasa aknengim den kârikņe akto opmânnenņe ire makmâ gâlikom

manmap. Hain akmâ opmân nenjân Girik luâk oloņ yekto gam opmân kâmbokņe nenņe ire gagap mângimai.” dâyi. ²⁹ Amâ keiņe hin. Paulo Epeso kipian gâtņe luâk Tropimo yâk olop kipian bawa gaga akbela yelekmâ nâņgâm hilipkom magi. Sumbe opmânņân oloņmâ gaep dâm nâņgâm hilipkoyi. ³⁰ Paulogât hain dâmbiâ kipia ambolupņe dondâņe pârigo togo sumbe emetņân âgâm menduguyi. Mendugumbiâ luâk bikņande sumbe emetņânba Paulo mem oloņmâ geyi. Mem oloņmâ gembiâ sumbe emetņe hâņgi are tigiyi. ³¹ Hâņgi tigimbiâ Paulo mem moâkgât komberâm akbiâ hutyeņânba siâņe den kato Roma tembe loko yeņgât humoyeņe aregât ariep. Akto den kalep are hin, “Yerusalem kipia ambolupņe hârokņe bugâ komberâm mendugumbiâ kuk humo miawaktâp.” ³² Den hain dâmbo tembe loko yeņgât humoyeņe arekņe nâņgâm tembe loko gegeņe âgâ âgâņe hârok meyekmâ sumbe emetņân togombiâ luâk kâmot humo arekņe yekmâ hamep akmâ Paulo hepunbiâ talep. ³³ Hepunbiâ tato tembe loko humoyeņe arekņe Paulogâlân togom tembe lokolupyeņe hin makyeņgiep, “Luâk ire mem tâk kârikņe lâuwâ arekņe bâtņe bip bip hikom kala busi kâlegen katņet.” dâmbo are akberâm akbiâ hin dâep, “Luâk ire wânân gâtņe. Akto gain gain akto biwiyeņe bâliâp?” dâep. ³⁴ Hain dâmbo yeņeâk purik gurik akmâ magañgimbiâ den gulip milip agep. Den hain akbiâ gulip humo akto den bo nâņgâm heņgemgom tembe loko makyeņgimbo mem kiap yeņgât emetyeņân ariwerâm agi. ³⁵⁻³⁶ Mem oloņmâ arim tirekņânba

âgâwerâm akbiâ luâk bikñande gulip milip akmâ dâp tigim kârikñeâk konmâ hin dâyi, “Luâk are moâkgât kone.” dâyi. Hain dâmbiâ tembe lokone Paulo kombâirâm mem agatmâ kambeyenân katmâ lokom emet kâlegen âgâwerâm agi.

³⁷ Hain akbiâ tembe lokone wârakmâ Paulo lokom âgâm dawalaunân katbiâ Paulone tembe lokoyengât humoyene are Girik denân aikoep, “Den siâ makñjberâm aktân.” dâmbiâ tembe lokoyengât humoyene arekñe hin dâep, “Ai, gâ Girik den nângâmat mon? ³⁸ Uliñân Aigita gâtñe siâ bugâ komberâm ikinje tembe lokolupñe 4,000 meyekto hân kamitñangen ariyi aregât nâñe gâ yâk dân. Akto gâ hinñe Girik den makñjmenâ nângâm, “O luâk ire âmâ Aigita gâtñe bo.” dân.” dâep. ³⁹ Hain dâmbiâ Paulone hin dâm magañep, “Nâmâ Yuda luâk, Kilikia hân Taso kipia humo aregât amboñe. Nâ nângâ niñmenâ luâk kâmot humo ire den siâ makyenjiwe.” dâep. ⁴⁰ Hain dâmbiâ âlepñe dâmbiâ Paulone tirek kakñânba kinmâ bânñe pando den nâñâgâmbiâ Yuda yengât denân makyenjiwe.

22

Paulone ikinje keñe makyenjiwe.

¹ Paulone Yuda yengât denân hin dâm makyenjiwe, “Galalupne akto humomolupne nune keñe makyenjiwe nângâñet.” ² Hain dâm Yuda yengât denân makto luâk tali arekñe nângâm nengât den nângâmap dâm yân tatmâ nângâm ariyi.

3 Hain akbiâ lâuwâñe totokomâk hin dâm makyenñep, “Nâ Yuda luâk Kilikia hân Taso kipia tatâp ain miawagân. Akto nângâ nângâ emetñe kipia in katnekbiâ malân. Akto Gamalie yâkñe âmâ Anutugât den ligim makniñdo yâk olop maliot. Akto bâginenñe Mosenje den kârikñe katnengiep are hârok nângâm meteân. Akto unjak ire yeñe aktâi nâñe hainâk agân. 4 Hain akmâ biwine Anutugâlân katmâ ukenñe kakñân manmâ âmâ kârikñe agân. Hain akmâ Yesugât den pat ire bo agâk dâm nâñe Yesugât kâmotlupñe hârok moñet dâm bâleñe siâ siâ akyenñim manmâ luâk âmbâle dondâ yenñum meyekmâ arim kala busi kâlegen katyektere tali. Nâñe hain akyenñim malân. 5 Akto sumbe kat kat luâk are yenñat humomolupyene akto areyenñat luâk kautñe yâkñe nângâmbiâ bunñe aktâp. Akto yâkñe âmâ Yuda luâk galalupñe Damasko kipian mali are yenñat kulem esenñe siâ niñmâ hin dâm makniñmâ huñgun niñbiâ mem ariân, “Gâñe luâk âmbâle biwiyeñe Yesugâlân katmâ mandâi are meyekberâm Damasko kipian arim mem miawakyekmâ galalupyene kulem esenñe ire yenñimenâ ekbiâ bâtyenñân hikom Yerusalem kipia iren meyekmâ togowen.” dâyi.

6 Hain dâm kulem esenñe are niñbiâ arire Damasko kipia are tâlâgumbo dewutâ kârikñe pando himbimânba dewutâ pagaleñe humo siliñ siliñ dâm erânegep. 7 Erâneкто hânân ge kângom yendere himbimânba den hin dâm makniñep, “Saulo, Saulo, gâ wangât nugum watnekmâ mandât?” dâmbo⁸ hin dân, “Humo, gâ niñe?” dâre hin makniñep, “Nâ nugum wat nekmâ manmat.

Nâ Yesu Nasarete kipian gâtje.” ⁹ Hain dâambo luâk nâ olop mali arekne pagaleje are egi. Dâ den makniņep are âmâ bo nângâyi. ¹⁰ Akto nâ hin dâm aikoân, “Humo wan me wan akbian aregât makniņmenâ lokowian.” dâre hin makniņep, “Agatmâ Damasko kipian arimenâ siâne nâ wan makmâ hâregiņân are akmâ manben dâm makgiņbiap.” dâep. ¹¹ Hain dâambo pagaleje siliņ dâm hâknânâk erâmbo agatmâ ekberâre dewunne hâwilip akto menekmâ Damasko kipian ariyi.

¹² Akto hilâm siân Yesugât kâmolân gâtje luâk siâ malep kotje Anania arekne Anutu manganmâ manmâ Mosegât den kârikne are lokom mando Yuda luâk Damasko kipian mali arekne nângâmbiâ ârândâņ agep. ¹³ Akto Ananiaņe nângâlân togom hin dâm makniņep, “Galane Saulo, dewunge pagalembo emet ek.” dâambo ainâk dewunne pagalembo luâk are egân. ¹⁴ Ektere hin dâm makniņep, “Nengât bâgilupnenne yâk yengât Anutuņe keiņe makmâ hekatgiņmâ ârândâņ manman Amboņe ekmâ lauņânba den nângâwendâm mem kepilâ gegep. ¹⁵ Akto gâ siâ me siâ ekmâ nângâen aregât pat hân ârândâņ luâk makyenġim ariwen. ¹⁶ Aregât wangât yân yem tatât? Agatmâ Yesugât kotje konmâ kinmenâ tu puli giņdere dosage bo akgiņâk.” dâm makniņep.

¹⁷ Hain akto Yerusalem kipian purik katmâ arim sumbe emetņân âgâm Anutu maganmâ tatere âmâ biwine purik kato Yesu Humoņe miawak niņdo egân. ¹⁸ Ektere hin dâm makniņep, “Kipia ire ambolupņande nângât den makmat are hâkâņ akmaigât dowâk gem kipian inba yân gem ari.”

19 Hain dâmbô hin maganân, “Humo maktere nângâ. Nâne luâk âmbâle biwiyene gânğâlânâk kali are den opmânne opmânne meyekmâ âgâm bugâne yengum malân. 20 Akto Stepanone gânğât keige makyengiwerâm akto ain konerâm sângum kâkâlep kâkâlep yeje are hulanmâ mendugum katbiâ nâne damunne kindere âmâ kombiâ mondo nângâre ârândân agep, aregât patne nângâm meteyi.” 21 Hain dâre Yesu humone hin dâm makniņep, “Huņgun giņdere Yuda bo manmai are yeņğâlân ari.” dâm makniņep.” dâep.

Paulo bugâne komberâm agi.

22 Paulo hain dâm mando luâk bikņande ondopyene katbiâ ainâk Paulone Yuda bo manmai are yeņğâlân ariwian dâm makyengimbo ainâk den humoâk akmâ kârikņeâk kamboņmâ maganğim hin dâyi, “Luâk bâlene arekņe hain dâmbô nângâenne bâliâp aregât moâkgât mem arim koņet.” dâyi. 23 Hain dâm den gilingoņ galaņgoņ akbiâ gulip humo agep. Akto sângum kâkâlep yeje are hulanmâ mendugum nukum paņ paņgombiâ nukum humo agalep. 24 Hain akbiâ aregât tembe lokoyeņgât humoyeņande makto tembe lokolupņande Paulo mem emet kâlegen âgâyi. Akto luâk humo arekņe, “Gain gaingât akmâ biwiyenân tuk tuk ewuyektâp aregât keiņe makmâ miawakto nângâwegât handomņe oreņet.” dâm makyengiņep. 25 Hain dâm makyengimbo keiņe bânne hikom mendugum katbiâ Paulone tembe lokoyeņgât humoyeņe are hin dâm maganep, “Nâ Roma luâk hinare aregât keine bo ekmâ âmâ orenekbiâ ârândân bo aktâp.” 26 dâmbô tembe

lokoyengât humoyeje arekne luâk humoyeje dondâ aregâlân arim hin dêep, “Luâk are amâ Roma luâk bunje aregât gain gain akne?” dâmbô ²⁷ luâk kautje arekne Paulogâlân arim hin dâm aikoep, “Bunje, gâ Roma luâk?” dâmbô Paulone, “Ao.” dêep. ²⁸ Hain dâmbô hin dâm maganep, “Nâ luâk yânje, Roma yengât humomolupyene puli humo yengim âmâ Roma luâk hainare agân.” dêep. Luâk kautje arekne hain dâmbô Paulone hin dêep, “Nâmâ memenande menekto âmâ Roma luâk hainare agân.” dêep. ²⁹ Hain dâmbô ainâk tembe loko arekne sân sân mem oloņ akmâ arim kili. Akto luâk kautje arekne den are nângâm sân sân mem hin dêep, “Luâk ire Roma luâk ina nâje keje bo nângâm kala busi kâlegen mem katņet dâre katâi arekne ârândâņ bo aktâp.” dêep.

³⁰ Hain dâm nângâmbo umatje humo akto emet haunđo tembe loko yengât kautje agep arekne Yuda luâkne wangât dâm Paulogât nângâm bâlianji dâm aregât keje nângâwerâm sumbe kat kat luâk humomolupyene akto Yuda yengât luâk kautje areyengât makto hârogâk menduguyi. Mendugumbiâ tâk hulanmâ Paulo kewugumbiâ âgâm dewunyenân kato kilep.

23

Paulone Yuda yengât humomolupyene yengâlân arim den makyengimbo potalagi.

¹ Paulone dewunyenân kinmâ Yuda humomolupyene tâņâk yekmâ hin dâm makyengiep, “Galalupne, nâje Anutugât dewunņân biwi salek manmâ gare sop yu aktâp.” ² Hain dâmbô sumbe

kat kat luâk areyengât damun humo siâ malep kotņe Anania arekņe Paulogât enemņan luâk kili are hin dâm makyengiep, “Yeņe ondopņe hogonet.” dâmbo Pauloņe hin dâm maganep, ³ “Ai, kautge kârikņe. Anutuņe hâmbâi guguwiap. Gâ bia motmot hinare hâkge âlepņe tato biwige hambuep. Gâņe Mose akto bâgilupnenņande den kulemgoyi are lokom aregât makmâ hâre niņberâm aktât. Are âmâ gâņe den kârikņe kulemgoyi are hâkâņ akmâ den are loņgaim ondopņe hogonetgât makyengiât.” dâep. ⁴ Hain dâmbo luâk enemņan kili arekņe hin dâyi, “Wei, Anutugât sumbe kat kat luâk are yeņgât damun humo are yâkgât wangât hain dâm maktât?” dâyi. ⁵ Hain dâmbiâ Pauloņe hin dâep, “Galalupņe, Moseņe den kulemgoeņe are hin. Kâmot mandâi are yeņgât damunlupyņe yeņgât den bâleņe bo makbei dâm kulemgoyi are nâņgâm manman. Aregât sumbe kat kat luâk are yeņgât humoyeņe yâkgât makniņbiâ nâņgân dâine are bo makbom.”

⁶ Hain dâm yekto luâk bikņe âmâ Sadukaio luâk momoņanba bo agatbaen dâmai. Dâ bikņe âmâ Parisaio luâk arekņe âmâ momoņanba agatbaen dâmai Paulo are nâņgâm heņgemgoepgât agatmâ hin dâm kamboņmâ makyengiep, “Galalupņe, nâmâ Parisaio yeņgât kâmolân gâtņe. Akto ewene bâgine âkâ hainâk Parisaio luâk mali. Akto nenņe momoņanba agatbaen are nâņgâmaen den pat are makyengim manman, keine aregât denân katnektâi.” dâep. ⁷ Pauloņe den hain dâmbo Parisaio akto Sadukaio mendugum yeyi arekņe den humo akmâ hutyeņan potat potat miawageņe. Hain akmâ biwiyeņe hiuņep. ⁸ Akto Sadukaio

luâkne âmâ den âlâwu hin dâmai. Nen momonânba agatbaengât dopne bo tatâp dâmai. Akto anelo are akto sinduk baniara bâlene aregât bunne bo mandâi dâmai. Dâ parisaio amâ a hârok nângâmbiâ bunne akmap. ⁹ Aregât akmâ potalakmâ den kaknân hogoanġiyi. Hain akmâ arimbiâ Parisaio luâk yengât kâmolân gâtne Mosegât den kârikne makmâ kepigi biknande agatmâ kinmâ den umatne hin dâyi, “Nenne luâk iregât nângâenne dosane bo aktâp. Gârâmâ anelo me sinduk baniara siâne den are maganep mon? Aregât siâ bo makberen.” ¹⁰ Hain dâmbiâ biwiyene kâlâp bâlene akto Sadukaio akto Parisaio kâmot lâuwâ arekne gasa aganġimbiâ tembe lokoyengât humoyene arekne Paulo mem kom hâk hilâlâm wanbâi dâm aregât hamep akmâ hutyenânba gem Paulo mem kewugum emetyenân ariyi.

¹¹ Akto emet dâgâmbo Humone Paulo miawaganmâ hin dâm maganep, “Biwigande nângâmâk tatmâ manben. Akto nângât keine makmenâ Yerusalem kipia ambolupnande nângâi hainâk Roma kipian arim nângât keine makyenġimenâ nângâwai.” dâep.

Yuda luâk biknande Paulo komberâm aregât den agi.

¹²⁻¹³ Emet hauġdo Yuda luâk biknande luâk lâuwâ yetgât kei bêt yetne hârok hain arekne biwi konok akmâ hin dâyi, “Tu sot bâlâk manmâ Paulo kondenne mondo aregât kaknân âmâ tu sot nembaen.” hain dâm maganġi goanġi agi. ¹⁴ Akto luâk arekne sumbe kat kat luâk yengât damunylene akto are yengât damun humomo mali

are yengâlân arim makmâ miawakmâ hin dâm makyengiyi, “Nen tu sot bâlâk manmâ âgâm Paulo kondenne mondo aregât kakjân âmâ tu sot nembâen aregât den kârikje maganjen. ¹⁵ Den hain hikoen gârâmâ aregât yeje den ire hin dâm katbiâ Roma yengât tembe loko humoyenaelân ariâk, “Gâje dâmenâ Paulo are mem nengâlân katbiâ togombo yâkgât den are lâuwâne hengemgowaen.” hain dâm hiangimbiâ denyene nângâm Paulo kato kewugum togombiâ nenje dâwân tengâ kindenne togombo kombaen.” dâyi.

Paulogât begâtjande bugâgât den makmâ miawagep.

¹⁶ Den hain dâm maganjimbiâ Paulogât begâtjande den are nângâep. Nângâm ainâk tembe loko yengât emelan âgâm anije maganep. ¹⁷ Maganjo Paulone tembe loko yengât damun siâ hin dâm maganep, “Nanan ire mem humogaelân arimenâ yâkne den siâ mem togoâp are maganâk.” dâep. ¹⁸ Hain dâambo humonaelân mem arim hin dâep, “Paulo kala busi emet kâlegen tatmap arekne nanan irekne den siâ makinjberâpgât kewugum âgâ dâambo gângâlân yu kewugum togoân.” ¹⁹ Hain dâambo tembe lokoyengât humoyene arekne nanan are yonâk mem ba emet kom hâre hârenângen katmâ hin aikoepe, “Wan denje makinjberâm aktât?” dâep. ²⁰ Hain dâambo Paulogât begâtje arekne hin dâep, “Yuda luâk areyengât humomolupyenande yonâk den katbiâ gângâlân togowiap. Amâ Paulo togombo konerâm aregât henginberâm akmâ hin dâwai, “Paulo hutnenjân mem katbiâ kinmâ keije

makmâ heŋgemgombo ekbaen.” dâm heŋgiŋbai.
²¹ Makgiŋbiâ âmâ denyenje bo nâŋgâwen. Luâk lâuwâ yetgât kei bât yetŋe hârok me gain hain arekŋe teŋgâ kinmâ Paulo kondenne moâk dâm den aktâi. Akto, “Sot bo nem yân manmâ âgâm Paulo kondenne mondo aregât kakŋân âmâ sot nembraen.” hain dâm maganŋi goanŋi aktâi. Hain akmâ hinŋe âmâ gâŋgât dengât lâmgom mandâi.” dâep. ²² Paulo begâtŋande hain dâmbo tembe loko humoyenje arekŋe hin dâep, “Gâŋe den yu nâ makniŋdât ire luâk siâ me siâ bo makyenŋiwen.” dâm huŋgunaŋdo gem ariep.

Paulo kombiâ mombop dâm tembe lokoŋe kewugum Kaisarea kipian ariyi.

²³ Tembe lokoyenŋât kautŋande tembe lokoyenŋât humomo lâuwâ mem olonjelekmâ hin dâm makyetkiep, “Makbela tembe loko tu hânderet akmâ kei hân ariwai akto luâk sewenti akmâ bau luâk soko kakŋân ariwai. Akto luâk tu hânderet siânbaŋe âmâ soŋ soŋ mem keiyenje hân ariwai. Yâkŋe Paulo kewugum damungom kinbai. Kinbiâ emet dâgâmbo hândâkgât 9 kilok akto sop ain kipia ire hepunmâ Kaisarea ain ariwai. ²⁴ Akto Paulogât bau luâk soko siâ kakŋân ariâk dâm are kalanbiandat. Akto Paulo yeukŋân damungom kiap humo kotŋe Peliki yâkgâlân mem ariwai.” ²⁵ Hain dâm makyetkim kulem esenne siâ hin dâm kulengoep,

²⁶ “O galane Peliki, âlepŋe nanŋe gâ kiap humo den bâlensiâ hin makgiŋdere nâŋgâ. Nâmâ Klaudio Lisia, gâŋgât okot âlep nâŋgâm kulem ire kulemgoân. ²⁷ Tembe lokolupnande luâk ire gâŋgâlân

mem togowerâi are Yuda luâkne komberâm aktâi. Hain akbiâ nâje luâk are Roma luâk hainare are nângâm ²⁸ tembe lokolupne olop arim Yuda yengât hutyejânba mem olojon. Akto aregât keije nângâwerâm aregât maktere sumbe kat kat luâk yengât damun humo akto Yuda yengât humo-molupyenje hârok mendugumbiâ mem arim denân kalân. ²⁹ Denân katere denyejânâk den kârikne akbiâ âmâ hin nângân. Hain arekne mombiapgât dop bo me kala busi kâlegen katbaengât dop bo egân. ³⁰ Akto luâk biknande tenjâ kinmâ Paulo komberâm akbiâ den are warapne nângâm aregât hunjunañdere gângâlân togoâp. Akto Yuda luâkne yâkgât denje dâwerâm gângât enemgân togowai. Togombiâ âmâ wan me wan akmâ hilipkombo denje dâwerâm aktâi aregât aiyengumenâ keije makmâ henjengombiâ nângâwen.” Kulem esenje hain dâm kulemgom yetkiep.

³¹ Kulem esenje are kulemgom yetkimbo denje lokom tembe loko olop hândâgân Paulo mem kewugum arim hândâgânâk Antipatri ariyi. ³² Emet haunço tembe loko kei hân ariyi are ainba hepunyekmâ purik katmâ kipiayenân ariyi. Dâ bau luâk soko kakjân ariyi arekneak Paulo kewugum Kaisarea kipian ariyi. ³³ Arim kiap kulem esenje are wañmâ Paulo yâkgâlân kalî. ³⁴ Kathiâ kiapne kulem are oyañmâ ekmâ Paulo hin dâm magañep, “Gâ kipia wânân gâtje?” dâmbo Paulone hin magañep, “Nâ Kilikia hânân gâtje.” dâep. ³⁵ Hain dâmbo kiap humo arekne hin dâep, ‘Denân kat gektâi are togombiâ âmâ gângât den ire nângâwian.” dâep. Hain dâm tembe lokolupne

makyengimbo Paulo mem luâk humo siâ kotņe Herote yâkgât emelan ain katmâ damungom kili.

24

Yuda luâk arekņe Kaisarea kipian arim Paulogât hâkņe tunli agi.

¹ Hilâm momerâk bo akto damun siâ kotņe Anania are akto Yuda luâk yengât humomolupyņe bikņe akto den tânyenguiapgât luâk siâ kotņe Teatulo yâkņe Kaisarea kipian gem arim Paulogât hâkņe tunmâ katmâ magi. ² Maganbiâ kiapņe makto Paulo gembo Teatuloņe âgâm Paulogât denņe dâm kinmâ den anġâ hin dâm kiap are maganņep, “O luâk humonenņe Peliki, gâ âlepņe nanņe. Gâņe damun nenņe akmenâ nen gala konok manmaen. Akto luâk kâmot nengât nâņgâm damun nenņe akmenâ agak meme âlepņeâk akmâ ³ manmaengât nen hârokņe nâņgâ giņdenņe âlepņe akmap. Akto aregât kotge mem agatmaen. ⁴ Akto den maktere kâlep akbopgât gâņe yeukņe akmâ nâņgâm yeuginņmenâ den tâlâwâk siâ makbe. ⁵ Luâk iregât nâņgâenņe dondâ bâlimap. Yâkņe âmâ emet kakņe amukņe manmâ kipiane kipiane awam ketuguyekmâ Yuda luâk hutnennân arim togom nengât biwi kambiam mem bâliakņet dâm aregât hanân gege akmâ mandâp. Akto Nasarete gâtņe siâ yâkgât kâmot areyengât humo amâ ire. ⁶ Akto nengât den kârikņe hin makmâ hârenengiep, “Luâk siâņe sumbe emetņe bâleņe agaņdo âmâ kombiâ mombiap.” den are watmâ Paulo mem denņaet keiņe nâņgâne dâenņe âmâ ⁷ kiap humo Lisia yâkņe kârikņe akmâ nengât hutnennânba

mem oloņep. ⁸ Akto gâņgâlân togoņet dâm aregât makyenģiep. Akto nenņe den makģinđen ire gu-gak maganņmenâ ikinņe keinņe makģinđo nânģâm henģemgo.” dâep. ⁹ Luâk arekņe den hain dâmbo Yuda luâk âkâ tâņgom den areâk makmâ bundâk maktâp dâm wâragi.

Pauloņe ikinņaet keinņe makmâ kiap Piliki maganņep.

¹⁰ Akto kiapņe den hâuņe mak dâm agatmâ Paulogât hâmenĵânâk ekto Pauloņe kiap are hin dâm maganņep, “Gâ kiap kot mem kipia inâk manmenâ hombanĵ donđâ bo agep, aregât agak memenenņe are emelâk nânģâm henģemgomat aregât gâ den amboņe aregât heroņe aktâņgât nunaet makģinđere nânģâ. ¹¹ Nâ Yerusalem kipian âģâm Anutu maganņmâ sumbe emetĵân âģâm manmâ gare hilâm keiân lâuwâ bo aktâp. Akto gâņe aregât nânģâm han lâuwâ akmâ âmâ luâk ire aiyenģumenâ makģinĵiâ nânģâ. ¹² Akto sumbe emetĵân âģâm malân ain me sombeimân kinmâ den magân ain, me den emetņe siân âģâm manmâ ain luâk siâģât denņe bo koanĵân. Akto luâk âmbâle potalakņet dâm hanyenĵân bo geân. ¹³ Luâk irekņe hianģim den anģâ hogom togo hâknân katâi. Akto den golâ donđâ gagaiâi gârâmâ luâk irekņe den bunņe siâ makģinĵaigât dopņe bo tatâp. ¹⁴ Akto den siâ nânģân ire makģinđere nânģâ. Yesugât dâp irakņe are bunņe bo dâm aregât aktâi. Dâ are nânņe nânģâre amâ bunņe aktâp. Hain gârâmâ ulikĵân Mose akto Anutugât propetelupņe den kârikņe kulemgoyi are nânģâre bunņe agep dâm bâģilupnenņaet Anutu hoņ bawa

agañman. ¹⁵ Dâ yâk âmâ luâk âmbâle âlepñe bâleñe are hârogâk momoñânba agatbaen, dâmai aregât nâkâ hainâk nângâmâk manman. Akto Anutugât lângom han biwi golâk hikom manman. ¹⁶ Aregât nâ Anutugât dewunñân akto luâk âmbâle yengât dewunyenñân dosa bâlâk han biwi kau kau manberâm aregât biwine humo yemap. ¹⁷ Akto nâñe Yerusalem kipia hepunmâ biken biken arim maktere hombañ dondâ bo akto hân aregenba togom galalupñe yengât nângâyengim puli niñi are mem Yerusalem kipian âgâm galalupne umburuk mali are yengîân. Akto âmâ sumbe emetñe humoân âgâm sumbe oân. ¹⁸ Hain akmâ Yuda nengât agak meme siâ tatâp are aktere ârândâñ agepgât Anutugât sumbe omberâm âmâ sumbe emetñân âgâm ondere âmâ mem miawak negi. Mem miawak nekbiâ nunagâk kilân. Luâk kâmot humo bo, akto mun humo bo akmâ manman. ¹⁹ Hain gârâmâ Yuda luâk bikñande Asia hân hepunmâ togom mali arekñe nâ denân katnektâi ireyengât hutyenñân siâ kindâi dâine makbiâ nângâwât. ²⁰ Akto menekmâ Yuda nengât humomolupnennñande menduguakmâ denân katnegi âmâ nângât bâleñe gain hinare mem miawagi. Akto âmâ luâk kindâi irekñe makñet. ²¹ Akto hutyenñân kinmâ den konogâk are maktere nângâmbiâ bo bâliep. Den humoâk konmâ hin dâm makyengîân. Luâk nenñe momoñânba agatbaengât pat are tatâp. Biwinande are nângâm manman aregât bikñande denân katnekbiâ dewunyenñân yu kindân. Hain dâre den aregât denân katnektâi.” dâep.

²² Paulone hain dâmbô aregât Pelikiñe Paulogât den are bo hârem yânâk ekmâ talep. Arekñe âmâ Yesugât keiñæet pat are konok nângâm heñgemgoepgât hin dâm makyengiep, “Tembe loko yeñgât kautñe kotñe Lisia are gembo âmâ denge makmâ hârewaen.” ²³ Hain dâm tembe loko yeñgât humoyeñe arekñe tembe loko are hin dâm magañep, “Paulo gasalupñande ekmâ bâleñe agañbâi gârâmâ gâñe hainâk damungom kinben. Hain akmenâ galalupñande togom gala agañberâm akbiâ âmâ den bo koyeñgiwen.” dâep.

Paulo lope kâlegen mando hombanj lâuwâ bo agep.

²⁴ Akto aregât kakñân hilâm amon siâ bo akto Peliki akto âmbenñe kotñe Drusila are âmâ Yuda gâtñe, yâkñe togom tembe loko makyengimbela bam Paulo mem gutbiâ Paulone âgâm luâk âmbâleñe biwiyeñe Anutune Yesu huñgunanjo giep aregâlân katñet dâm makyengiep. ²⁵ Akto aregât dâm den keiñe keiñe torokatmâ makyengiep. Are hin. Nen Anutugât dewunñân han biwi kau kau mannerâm are, akto yeukñân manmâ han biwi damun akmâ manberen are, akto sop humoân Anutune bâin dâm makmâ hârenengiwiap aregât keiñe makyetkiep. Are makyetkimbo aregât Pelikiñe hamep akmâ hin dâep, “Den iregât âmâ sop siân maktere gamenâ gekmâ tatere den ireâk makbiat gârâmâ sop bo akbopgât gem ari.” dâep. ²⁶ Hain dâmbô arimbo aregât kakñân Pelikiñe Paulo lope kâlegen kato talep, aregât puli niñdo huñgunanjdere ariwiap dâm aregât hilâm ârândân Paulogât makto gembo den magañgi goañgi

akminiat. ²⁷ Hain akmâ manbela Yuda kipia ambolupņe biwiyeņe herone agâk dâm Paulo bo hulaņdo âmâ kala busi emet kâlegenâk tatmâ malep. Akto hombaņņe lâuwâ bo akto âmâ Peliki arimbo yâkgât dumņân kiap siâ kotņe Porkio kotņe humo Pesto katbiâ malep.

25

Pauloņe Roma yeņgât luâk humoņe den nâņgaņâkgât magep.

¹ Akto Pesto are kiap katbiâ mando hilâm âlâwu bo akto âmâ Kaisarea kipia hepunmâ Yerusalem kipian âgâep. ² Âgâmbo sumbe kat kat luâk areyeņgât humomolupyene are akto Yuda yeņgât humomolupyene arekņe mendugum maganņi goanņi akmâ, “Paulo arimbo dâwân teņgâ kinmâ kombaen.” dâm aregât kiap hin dâm maganņi, ³ “Âlepņe den nâņgânengim hoņ bawalupge huņgun yeņgimenâ arim Paulo kewugumbiâ Yerusalem kipian togombo denņe nâņgâ aņbiat.” hianmâ hain dâyi. ⁴ Hain dâmbiâ Pestoņe hin dâm makyeņgiep, “Paulo âmâ Kaisarea kipian kala busi kâlegen mandâp. Gârâmâ iren bâlensiâ manmâ purik katmâ gewian. ⁵ Gârâmâ ye Paulogât den akberâm âmâ nâ gewian sop ain humomolupyene olowâk gem âmâ yâkņe wan me wan akmâ hilipkoep aregât den akbi.” dâep.

⁶ Hain dâm tato hilâm bât bip bip hârok me gain bo akto Yerusalem kipia are hepunmâ Kaisarea kipian gem arieņp. Arim yem kindo emet haunđo den emetņân âgâm Paulogât makto mem den emetņân âgâm katbiâ kilep. ⁷ Mem âgâm

katbiâ kindo Yerusalem kipia ambolupņande gangerâm kârikņe akmâ den anġâ anġâ hogom togo hâkņân hâkņân agi. Akto denyeņe are bunņe siâ bo miawagep. ⁸ Hain dâm kârikņe akbiâ Pauloņe denyeņe are mem gem hin dâep, “Nâņe Yuda yeņġât den kârikņe akto sumbe emetņe, akto Roma yeņġât luâk humo, ya maktân âlâwu areyeņġât bâleņe siâ bo nâņġayeņġiman.” dâep. ⁹ Hain dâmbo Pestoņe Yuda luâk arekņe okot âlep nâņġaniņņet dâm areġât Paulo aikom hin dâep, “Âlepņe Yerusalem kipian kewugugekmâ âġâm âmâ denge dâm hâregiņdere ârândân akbiap me bo?” dâep. ¹⁰ Hain dâmbo Pauloņe hin dâm maganeņep, “Roma luâk humogât den emetņe iren katnekbiâ mandân. Areġât nâņġât den hin dâm hâreniņet. Gugak âmâ nâņġât keine nâņġât. Nâ Yuda yeņġât nâņġâm bâli bâli me kuk heņġân siâ bo akyeņġiân. ¹¹ Hain ġârâmâ den kârikņe siâ koân dâine âlepņe nuguwâi. Akto yeņe âmâ hianġim den anġâ hogom togo hâknân katâi. ġârâmâ luâk siâņe Yuda luâk heroņe akņet dâmbo âmâ menekmâ arim bâleņe akniņbai, areġât dâp bo tatâp. Bo kârikņe. Haingât Roma yeņġât luâk humo konok Sisa arekņe âmâ makmâ hâreniņbiapġât nâņġâm kindân.” ¹² Hain dâmbo Pestogât luâklupņe nâņġâ nâņġayeņe olowâk arekņe tângombiâ Paulo hin dâm maganeņep, “Luâk humo nenņe Sisa yâġġât maktât, areġât âlepņe yâġġâlân arimenâ yâkņe denge are dâm hâregiņbiap.” dâep.

Luâk humo siâ kotņe Agripa yâkņe Pestogâlân arimbo Paulogât den maganeņep.

13 Akto hilâm siân luâk humo siâ kotņe Agripa akto ikinje garinje kotņe Beanike yâkņe Kaisarea kipian arim âmâ Pesto gala aganbela yâk olop mali. 14 Manmâ manmâ hilâm siân âmâ Pestonje Paulogât den pat are luâk humo are hin dâm maganņep, “Pelikinje luâk siâ kala busi kâlegen katmâ arimbo tatmâ manmâ gamap. 15 Akto nâ Yerusalem kipian âgâre âmâ sumbe kat kat luâk yengât damun humo akto Yuda luâk yengât humo-molupyenande mendugum kinmâ denân katmâ hin dâm makniņi, “Luâk are komenâ moâk.” dâmbiâ nâņe hin dâm makyenġiân, 16 “Roma luâk nenņe âmâ hin akmaen. Luâk siâgât hâkņân den anġâ hogom togo katmai are mem bugâgât pat dâm dowâk bo katyekmaen. Nenņe âmâ hin akmaen. Ulik gulik luâk are mem den ambonje are mem arim âmâ niņande niņaet denņe dâp are soņ katenņe ikinjaet keinje maganđo âmâ den ambonje are olop den akbiâ âmâ aregât hâuņe waņmaen.” Hain dâm makyenġiân. 17 Akto aregât haminġân yâkņe nânġâlân togombiâ lâuwâņe makyenġiân. Akto emet hauņdo âmâ hainâk âġâņet dâre den emetņân âġâm menduguyi. Mendugumbiâ âmâ âġâm tembe lokolupne makyenġire luâk are mem ga katbiâ kilep. 18 Kindo hin makyenġiân, “Luâk irekņe bâleņe agep are makmâ miawakņet.” dâre agatmâ den hâuņe makmâ hin dâyi, 19 “Paulo amâ miti siâ mem manmap aregât luâk siâ kotņe Yesu are emelâk moep yâkgât kotņe konmap.” dâyi. Hain dâmbiâ Paulonje hin dâep, “Bo, luâk are golâk mandâp.” dâep. Hain akmâ papalakmâ kinbiâ nânġâre siâ me siâ aganbiangât dop bo agep.

²⁰ Hain aregât nângâwerâm pâpkom kilân. Akto hin aikoân, “Yerusalem kipian âgâmenâ âmâ ain gângât den are makmâ hârewian me?” hain aikoân. ²¹ Hain dâre Paulone hin dâep, “Roma luâk humo konok Sisa arekne den makmâ hâreniñâk.” dâep. Hain dâmbo aregât tembe lokolupne makyengire mem kala busi kâlegen katmâ damungombiâ luâk humogâlân ariwerâm aregât lîngom mandân.” dâep. ²² Pestone Agripa hain maganđo Agripa hin dâep, “Luâk arekne den siâ makto nângâwerâm aktân.” dâep. Hain dâmbo Pestone hin dâep, “Âlepne agatmâ makto nângâwen.” dâep.

Paulone luâk humo Agripa yâkgât dewunñân kilep.

²³ Yem kinbiâ haunđo Agripa akto Beanike hâk meakmâ heŋgemgom den emetñân mendugum tali ain âgâmbela tembe lokoyengât humoyeŋe akto kipia aregât ambolupne luâk humomo arekne hamiyetñân kinbiâ âgâyi. Âgâmbiâ Pestone tembe loko makyengimbo gem Paulo mem âgâyi. ²⁴ Mem âgâmbiâ Pestone den hin dâm makyengiep, “Luâk kotdâ Agripa akto galalupne ye makyengire nângânet. Yuda luâk hutyeñân kindâi arekne akto Yerusalem kipia ambolupñande nângâm bâlim biwi koko akmâ nângâlân togom luâk yu kindâp iregât hin dâyi, “Luâk ire kondenje moâk.” dâyi. ²⁵ Hain dâmbiâ nâŋe dosaŋe are ekmâ nângâre momogât dopne bo agep. Akto aregât kakñân ikiñak âmâ Roma luâk humonennande nângât den makmâ hârewiap dâm magepgât yâkgâlân huŋunaŋdere ariwiap. ²⁶ Akto Paulogât denŋe bunŋe siâ ekbe dâm undâgâtere bo

akto aregât luâk humonenjaet kulem esenne gain gain kulemgowe dâm ewum hâumgom aregât hepulân. O humonenje Agripa, aregât makginjere nângâ. Pâpkom kilân aregât gâ akto yu kindâi ye dewunyenân luâk ire katere kindâp. Akto nenje den keije are mem miawakbaen ain âmâ yâkgât den pat are kulemgore ariwiap. ²⁷Gârâmâ luâk siâ kala busi kâlegen mandâp yâkgât den pat bo kulemgore Roma kipian ariâk dâm yân huņgunanbian âmâ bo ârândân akbiap.” dâep.

26

Pauloņe Pesto akto Agripa yetgât dewunyetņân ikinjaet keije makyetkiep.

¹ Akto Pestone den hain dâmbo Agripaņe Paulo hin maganep, “Gâņe guge keige makmenâ nângâne.” dâep. Hain dâmbo Pauloņe agatmâ kinmâ koratyenjum ikinjaet keije hin makyenjiep, ² “Yuda luâkņe hâkne tunmâ den makmâ manmai aregât uņak âmâ luâk humo Agripa gâņgât dewungân kinmâ den bikņe makginberâm aregât biwine âlepņe aktâp. ³ Gâņe Yuda nengât keinenne nângâm nengât den kârikņe aregât dâm papalakmâ âmâ wan me wan owâiņe aregât dâm maganji goanji akmaen aregât keije nângât. Aregât nune keine makginjere bo hâkân akmâ âmâ nângâ. ⁴ Nâ nanaņân manmâ nune kipian akto Yerusalem kipian bam gutmâ galalupne hutyenân manmâ kauleân Yuda luâkņe emelâk negi arekņe yu akmâ manmâ gan aregât keine nângâi. ⁵ Akto nâmâ Parisaio luâkņe nengât den kârikņe aregât dâm memene akbiâ yâk yenġât kâmolân malân.

Hain mandere nekmâ keine nângâmai arekne makberâm agi are magi dâine nângât keine âlepne dâmbiâ nângâwât. ⁶⁻⁷ Nâ kala busi kâlegen malân are keiņe siâgât bo malân. Anutugât den pat âlepne are bâgilupnenne makyengiep are bunne agâk dâm Israe yeņgât kâmot keiân lâuwâ manden nen hârokne hândâk me hilâm Anutugât kotne mem agatmâ manmâ den aregât biwinenņande mem heņgemgom manden. O luâk humone den ire maktere nângâ. Nâne den pat maktân ire biwinân katmâ heņgemgom manman aregât Yuda luâkne denân katnektâi. ⁸ Akto Anutuņe momoņânba mem agatnenekbiap aregât ye wangât nângâmbiâ bunne bo akmap?

⁹ Akto ulikņân biwinande hin nângân. Nâne Yesu Nasarete kipian gâtne aregât pat âlepne are gulip agâk dâm aregât âi humo meân. ¹⁰ Akto hain nângâm Yerusalem kipian manmâ âmâ keiņe kalân. Keiņe katmâ makmâ sumbe kat kat luâk yeņgât humomolupyne yeņgâlân arim maktere kulem esenne niņbiâ are mem manmâ Yesugât kâmolân gâtne kuk akmâ kala busi kâlegen katyegân. Akto bugâ neņet dâm makyengimbiâ nâkâ denyene areâk tânyenġuân. ¹¹ Akto Yuda nengât den emetne tatmâ ariep are ârândâņ âgâm luâk âmbâlne biwiyene Yesugâlân kali are Yesugât kot makmâ hilipkoņetgât hâk hilâlâm yeņgim malân. Akto aregât biwine kâlâp akto kârikne akmâ kipia kâlewângen arim âmâ yeņgum hâwâtyekmâ manmâ gan.

Pauloņe biwiņe Yesugâlân kalep aregât den pat makyengiep.

12 Hain akmâ sumbe kat kat luâk yengât damun siâne kulem esenne niñmâ hunḡun niñdo Damasko kipian luâk bikne olowâk ariyion. 13 O luâk humone, ire makḡndere nânḡâ. Dâp arienne hilâm kârikne akto âmâ himbimânba pagaleḡe siâ miawakto egân. Ektere âmâ dewutâ kârikne kom kilewân mem belek akmâ are ewangiep. 14 Hain akmâ arekneak erâneko hânân gem parâ yendere ondopnân Hebraio nengât denân siâ hin dâambo nânḡân, “Saulo, Saulo, gâ wangât nugum watnekmâ mandât? Yeḡe dua yenguwêrâm tâkne hanyenân hikom oloḡyekmai. Hainâk nânḡe mem hiko gektere are oloḡmâ hâk hilâlâm nânḡât.” hain dâep. 15 Hain dâm makniñdo hin maganân, “Humo gâ niḡe?” dâre hin dâep, “Nâ gâḡe nugum watnekmâ manmat are nâ Yesu. 16 Nânḡât hoḡ bawa akben dâm menḡekberâm miawak ḡiñdân aregât gâ ire wan me wan ektât aregât hâmbâi âmâ den makḡndere hain akbiat aregât pat makyenḡim manben. 17 Makyenḡiwiatgât Yuda luâk akto Yuda luâk bo manmai areyenḡâlân hunḡun ḡiñdere ariwiat. Aregât kipia ambolupḡande bâleḡe akḡiḡberâm akbiâ are meyektere yeukne akbai. 18 Akto nânḡâ nânḡayeḡe hâre akto bâleḡe aregât keiḡe nânḡâm hâkânḡ akmâ hepunbaigât makyenḡiwen. Akto Niambigât kârikne hepunmâ Anutugât kârikḡân manmâ biwiyenḡe Yesugâlân katbiâ Anutunḡe dosayenḡe hepundo Anutugât kâmolân manḡetgât hunḡun ḡiñdere yâk yenḡâlân arim makyenḡiwiat. Akto Anutunḡe dosayenḡe hepundo himbimân manman kârikne aregât pat akḡetgât makyenḡimenâ biwiyenḡe nânḡâlân katmâ

manbaigât hunḡun giḡbian. Aregât agatmâ arim makyenḡiwen.” Yesuḡe den hain dâm makniḡep.

¹⁹ Akto luâk kotdâ Agripa gâḡe ire nâḡgâ. Yesuḡe himbimânba gem den makniḡep ire nâḡgâm lokom manmâ gan. Akto kulem aregât bo hâkâḡ aktân. ²⁰ Akto Damaskogen âi keiḡe katmâ kipia are ambolupḡe agak meme bâleḡe yeḡaet makmâ miawakyenḡim are koyenḡiân. Akto Anutugât den lokom biwi irakḡeâk manḡet. Hain dâm Yesugât keiḡe makyenḡim malân. Akto kipia are hepunmâ Yerusalem arim makyenḡim malân. Akto arewa arim Yuda luâk kipiaḡe kipiaḡe makyenḡim arewa Yuda luâk bo manmai are yenḡâlân arim makyenḡim malân. ²¹ Akto hain akmâ Yuda nenḡe sumbe emetḡân âgâre nuguwerâm menegi. ²² Menekbiâ âmâ uḡak iregât Anutuḡe hilâmḡe hilâmḡe tân nugumap aregât den pat luâk geḡeḡe âgâ âgâḡe ye hârogâk makmâ miawakyenḡim gaman. Akto den irakḡe bo are makmâ Anutuḡe hâmbâi âmâ hin miawakbiap aregât den makyenḡim gaman. Den ire propete luâklupḡe akto Moseḡe kulemgoyi aregât keiḡe hin. ²³ Anutuḡe hunḡunaḡdo gem damun nenḡe akbiap arekḡe hâk hilâlâm nâḡgâm mombiap. Mom âmâ moyi areyḡgât ulik gulik akyenḡim momoḡânba agatbiap. Agatmâ Yuda gâtḡe akto Yuda gâtḡe bo are pagaleḡân manbaigât makyenḡiwiap. Den kulemgoyi are keiḡe hain dâm manman.” dâep.

²⁴ Pauloḡe keiḡe hain dâm makyenḡim kindo Pestone agatmâ den kârikḡeâk makmâ hin dâep, “Paulo gâ biwige gulip aktâp. Kulem emetḡân

âgâm sop kêlep manmâ gaen aregât biwige gulip aktâp.” dâep. ²⁵ Hain dâmbo Paulonje den hâuŋe hin dâm maganjep, “O Pesto luâk humone, nâ biwine gulip bo aktâp. Nâ den bunŋe dondâ maktân. ²⁶ Dâ Agripanje iregât keiŋe nâŋgâmap. Aregât maganjdere nâŋgâwerâp. Wan me wan dân are tipŋân bo miawagep. Aregât luâk kembunje nâŋgâm metemap. ²⁷ Luâk humone Agripa, Anutunje ulikŋân den makyenjimbo kulemgoyi are nâŋgâmenâ bunŋe aktâp me bo? Gâmâ nâŋgâm herŋemgomat aten.” dâep. ²⁸ Hain dâmbo Agripanje Paulo hin dâm maganjep, “Gâŋe den bâlensîâ makniŋdât are nâŋe biwine Yesugâlân katbian me bo?” dâep. ²⁹ Hain dâmbo hin dâep, “Biwige Yesugâlân yân hain katbiat me bo me sop kêlep hainâk manbiat are bo nâŋgân. Hain gârâmâ unjak den ire maktere are nâŋgâmbiâ Anutunje tânyenŋumbo kêlep bo akto nâŋe emelâk biwine Yesugâlân kalân hainâk yekâ yâkgâlân biwiyenje katmâ nâŋgât dop hainâk akŋet dâm aregât makmâ kindân. Aregât âmâ tâkŋe hikonekmâ kala busi kêlegen katnekbiâ manman aregât bo maktân.” dâep.

³⁰ Hain dâmbo luâk kembu akto siâ akto Beanike akto luâk bikŋe agatmâ potalakmâ ariyi. ³¹ Hain akbiâ âmâ Agripa, akto Pesto, akto Beanikenje den maganŋi goanŋi akmâ hin dâyi, “Luâk ire bugâ memegât akto kala busi kêlegen kat katgât dop bo aktâp.” ³² Hain dâm maganŋi goanŋi akmâ Agripanje Pesto hin dâm maganjep, “Luâk irekŋe Roma luâk humogât dewunŋân kindere makmâ hâreniŋâk, hain bo dâep dâine gâŋe âlepŋe huŋgun aŋmenâ arim âlepŋe manbop.” dâep.

27

Paulo Roma kippia humo ain ariâk dâmbiâ waŋga mem ariep.

¹ Kiapŋe Paulo Italia hânângen ariâk dâmbiâ Roma yeŋgât tembe loko kâmot siâ kotyeŋe Roma luâk humogât kâmot yeŋgonbiâ areyeŋgât humo siâ malep kotŋe Yulio yâkŋe Paulo akto luâk bikŋe siâ kala busi kâlegenba meyekto nâŋe Paulo tângowerâre haru ginŋân ariyion. ² Arim waŋga siâ Adramiteŋ kippia aregenba togom kilep are Asia haru dâtŋân kippia haru ginŋe ginŋe tatmâ ariep ain ariwerâm akto nâ akto luâk siâ kotŋe Aristako Tesalonike kippia are Makedonia hânân talep ain gâtŋe net olowâk âgâyion. ³ Âgâenŋe menenekmâ arimbo emet hauŋdo waŋga are Sidonŋ kipian arimbo ain Yulionŋ Paulo nâŋgâ aŋdo waŋga are hepunmâ gem galalupŋe yeŋgâlân âgâmbiâ sot waŋbiâ niep. ⁴ Waŋbiâ nem hepun yekto waŋgan âgâenŋe menenekmâ arimbo seru humo waŋga hâmeŋe kâlêwângenba togoep. Togombo seru sândugembo arinerâm hân siâ haru tânâmŋân talep kotŋe Kipiro akto Asia hân humo are hutyetŋân ariyion. ⁵ Arim Kilikia akto Pampilia hân are hepunmâ haru hâtikom arim Mira kippia Likia hân talewân ariyion. ⁶ Arim ain katnenekto kindenŋe waŋga siâ Alesandria kipiangenba togom Italia hânângen ariwerâm agep ain âgâenŋe tembe loko humoyeŋe yâkŋe menenekto ain âgâyion. ⁷ Âgâenŋe seru humo pando âi humo mem titnan titnan âgâm Kinido kipian ariep. Akto ain seruŋe wirâm waŋga mem purikberâm akto kippia are ewangim haru tânâmŋân hân siâ kotŋe Kreta

hân humo kotņe Salimone are ewumâk tatmap ain ariyion. ⁸ Lasaia kipia are okotņân haru tunņunņangen kipia siâ talep aregen haru tunņunņe âlepņe dâm hâmeņe ñeņân ewum kârikņe akto âi humo mem hâk hilâlâm nânğâm wâraktenņe ariyion.

Pauloņe waņga bâliwiap dâm makyenņiep.

⁹ Haru tunņunņe ain sop kâlep tatmâ manmâ dewutâ siâgât seru humo pando ariwiapgât dop bo agep aregât sopņe tâlâguep aregât Pauloņe den kârikņe makyenņim hin dâep, ¹⁰ “Maktere nânğâņet. Kipia ire hepunmâ ariwaengât dopņe bo tatâp. Seruņe waņga ire mem kâimbo purik dâmbo âmâ ito siâ siâ ire bo akto nen hârokņe haruân gewaen aregât nânğâm henğemgoân.” dâep. ¹¹ Hain dâmbo waņga amboņe akto damun arekņe den koaņbela tembe loko damun arekņe yâk yetgât den nânğâep. ¹² Akto haru tunņunņân ain kindenņe tânâk seru sopņe akto waņgaņe tatbiapgât dop bo agep. Hain akto aregât Kreta nupi biken haru tunņunņe âlepņe siâ talep, kotņe Poiniki ain arim mandenņe seru sopņe akbiap aregât maknengiyi. Poiniki haru tunņunņe aregât hân hâmeņande seru tigiep.

Seru humo palep.

¹³ Akto hamiņâņgenba seru yeukņe pando âmâ waņgaņe menenekberâm akto tâk dewatim hikoyi are mem oloņbiâ gambo Kreta ginņe hâlâņmâ ariep. ¹⁴ Arimbo hân pumângen seru humo dondâ kotņe kagu are hânânba togoep. ¹⁵ Arekņe waņga mem kâiwerâm akto âi humo mem hâk hilâlâm nânğâm hâkâņ akmâ hepundenņe âmâ waņga are

hanâk hanâk ariep. ¹⁶ Arim hân bâlensiâ haru tânâmjân talep aregât kotje Kauda are biken arienje sânduk sânduk agep. Akto ain dinji are haruân gewop dâm âi humo mem olojdenje wanja kakjân âgâep. ¹⁷ Âgâmbo wanja hogoak-bop dâm tâkje dâgâm hâkje hârok bigeyi. Akto nej kârikje siâ kotje Siriti ain âgâwop dâm mâron humo siâ olojbiâ gembo seruje mem huŋgun nengimbo hanâk hanâk ariyion. ¹⁸ Akto seru kârikje kom yiepgât emet haujdo seruje kârikje dondâ panmâ kindo wanja owâimbo arinerâm ito siâ siâ bikje haruân pandenje giep. ¹⁹ Akto emet haujdo seruje hainâk panmâ kindo aregât bânje umatje siâ siâ talep are hârogâk panbiâ giep. ²⁰ Akto hândâk me hilâm seru arekje kârikje dondâ panmâ yendo hilâm dewutâ akto diâ siâ bo miawakto hân bo ekmâ bâliweren dâm hamep agion.

Pauloje biwiyenje bâliwopgât den makyengiep.

²¹ Seru humo kârikje are hainâk yendo sot bâlâk tatmâ manbiâ Pauloje hutyenân agatmâ kinmâ hin dâm makyengiep, “Nâje den makyengiân are nângâm lokoyi dâine Kretagen âlepje tatmâ manben. Akto ain mandenje dâine ito me wan me wan dondâ ire bo gulip aguwop. ²² Ujak âmâ nen hârok bo hilipnenguwerâp aregât hamep bo akjet. Wanjanje konok âmâ bâliwerâp. ²³ Are nâje nângân iregât keje âmâ hin. Hândâgân Humone Anutu kotje mem agatman arekje hoj bawanje aŋelo siâ huŋgunajdo gem miawakniŋmâ hin dâm makniŋdâp, ²⁴ “Paulo gâ bo hamep ak. Roma luâk humogâlân ariwiatgât dopje tatâp. Akto

hin maktere nângâ. Anutuņe gâ akto luâk gâ olop mandâi are hilip aguwâigât gala akyenjiâp.”
 25 Hain dâm makniņdâp aregât galalupne kambiamyeņe âlepņe agâk. Nâņe Anutugât han lâuwâ bo akman. Den makniņdâp are âmâ bunņe akbiapgât nângân. 26 Akto den are bunņe akbiap aregât hin nângân. Seruņe kârikņeâk panmâ waņga lokom pando arim hân siân kinbaen hain nângân.” dâep.

27 Pauluņe hain dâmbo seruņe waņga mem bam purik gurik ketugumbo bam gutmâ mandenņe Kreta hepulion ainba sonda lâuwâ bo agep. Bo akto haru kotņe Adria ain hâtikoyion. Hâtikoenņe hândâk tânâmņân waņga damunlupņande nângâm, “Hân ewumâk aktâp.” dâyi. 28 Hain nângâm aregât dopņe siâ panmâ ekberâm tâk geâk dâm panbiâ amukņân gembo aregât dopņe 40 mita hain agep. Akto ainba bâlensiâ bam siâkâ panbiâ gembo ain dopņe 30 mita hain agep. 29 Akto neņ kârikņân âgâwâen dâm hamewakmâ waņga hamiņângen aņga imbât talep are panbiâ gembo âmâ tatmâ emet hauņâk dâm lâmgom talion. 30 Tatenņe waņga damunlupņande diņgi siân âgâm hepun nenekmâ ariwerâm akmâ waņga bâlensiâ are panbiâ gembo den hiaņgim hin dâyi, “Nenņe waņga hâmeņângen âgâm waņgagât aņga siâ pandenņe gewerâp.” dâyi. 31 Hain dâmbiâ Pauluņe tembe loko humo are hin dâm maganep, “Damunlupnenņe yâk hepun nenekmâ arimbiâ âmâ nen haruân gem hilip aguwâen.” dâep. 32 Hain dâm maganđo tâkņe mem diņgi dâgâyi are hârem hepunbiâ gem haru kakņe hanâk hanâk bam ariep.

33 Akto hândâk pipiņe tatoâk Pauluņe luâk

hârogâk hin dâm makyenġiep, “Ye hamep humo nânġâyigât sot bo nem manbiâ sonda lâuwâ bo aktâp. ³⁴ Akto aregât wâtyeġe gewopgât sot nem kârikġe akġet. Hain akbai âmâ âlepġe ariwaen. Kautyenġe dumutġe siâ bo gem gulip akbiap.” dâep. ³⁵ Hain dâm sot siâ mem dewunyenġân Anutu mepainġe mem kinmâ ligim niep. ³⁶ Nendo ekmâ biwiyenġe hulaġ akto yâkâ hainâk sot are mem neyi. ³⁷ Akto waġgan nen luâk 276 hain arekġe sot are neyion. ³⁸ Nem metem âmâ waġga are umalaġdo gewopgât sot bâiġe waġga kâlegen yiep are lokom haruân panbiâ gembo waġgaġe owâim agalep.

Waġga hogoagep.

³⁹ Akto emet haunġo hân are ekmâ, “Hân ire wânâno.” dâm pâpkoyi. Hain akmâ haru tunġuġe siân ġeġ boân ekmâ, “Waġgaġe ginġân nupiân âġâk.” dâm âi meyi. ⁴⁰ Hain akmâ waġgagât aġga aregât tâk hârembiâ gembo tâk siâ waġga purik katmap are hulaġbiâ bam guto mâron siâ waġga hâmenġân seru oloġmap are oloġbiâ âġâmbo seruġe mem pando haru ginġân âġâwerâm agep. ⁴¹ Haru ginġân âġâwerâm akto ekbiâ bo ârândânġ akto waġga are nupi bâlensiâ talep ain âġâep. Âġâm hâmeġe ġeġ kârikġân ewum tato haru humo panmâ waġga hamiġânġen kondo hogoagep. ⁴² Kondo hogoakto tembe loko arekġe kala busi kâlegen luâk mali arekġe haruân gem yoloġ akmâ arim heambukbâirâm yeġuwerâm agi. ⁴³ Hain akbiâ humo yeġande Paulo kombâi dâm den koyenġiep. Den koyenġim yoloġ akmai arekġe soġ sopanmâ ariġet dâmbo sopanmâ gem

ginjângen âgâyi. ⁴⁴ Dâ yolon bo akmai arekne âmâ wanğa hogoagep aregât papaņe humo siâ kakjân yem bâtyenande haru hâgâm maleine ginjângen âgâyi. Hain akmâ nen hârok âlepņeâk ginjângen âgâyion.

28

Melite gimbâjân arim mali.

¹ Haru ginjângen âgâenņe ainâk luâk siâ togombo kipia ire wânân dâenņe Melite dâm maknengiep. ² Akto hân aregât ambolupņande gala aknengimbiâ nângâenņe dâtņe agep. Gala aknengimbiâ tânâk togombo hâknenņe bâlâpņe akto kâlâp hâwurum ombiâ nângâyion. ³ Kâlâp nângâm tatenņe Paulonje kâlâp pitim om hewumdâk siâ mem om tato ululunņe kâlegenba hâme hewuk siâne onekbop dâm gam Paulogât bâtnân igim bigeim kilep. ⁴ Hain akto hân aregât ambolupņande hâme hewuk arekne Paulogât bâtnân igim kilep are ekmâ hin dâm maganġi goanġi agi, “Luâk irekne luâk siâ kondo moep aregât hâne harne launân bo pikto mondâpgât haru ginjângen gambo yu keiņe hekalanġâp mon?” dâyi. ⁵ Hain dâmbiâ Paulonje bâtnânba kom pando gembo kâlâpņe oep. Ondo Paulo hâme hewukne bo igiep hainare akmâ âlepņe kilep. ⁶ Hain kindo yâkne hin dâyi, “Hâme hewukne igimbo gilâm bâleņe bo gam ariâp gârâmâ momberâp.” dâyi. Hain dâm aregât tâņâk ekmâ kili. Ekmâ kinbiâ hain bo akto ekmâ han lâuwâ akmâ hin dâyi, “Luâk ire âmâ luâk niambi me gain?” dâyi.

Pauloŋe luâk siâ kundatdâ are heŋgemgoep.

⁷ Akto luâk humoyeŋe siâ kotŋe Popilio kipia malion are ginŋân malep. Akto luâk arekŋe gala aknengim oloŋ nenekto emetŋân âgâm olowâk mandenŋe hilâm âlâwu bo agep. ⁸ Akto ain Popilio eweŋe kundat akmâ hâkŋe kâlâp akto tep patatak agep. Hain akmâ mando Pauloŋe nâŋgâm yâkgâlân arim kautŋân mem Anutu ulilaŋmâ mem heŋgemgoep. ⁹ Heŋgemgombo aregât pat kipia ambolupŋande nâŋgâm luâk âmbâle kundat agi are hârogâk meyekmâ togombiâ hainâk mem heŋgemyeŋgum malep. ¹⁰ Heŋgem yeŋgumbo aregât hâuŋe okot âlep nâŋgâm gala aknengim sikum ito me wan me wan are nengiyi. Hain akmâ mandenŋe dewutâ âlâwu bo akto ariwerâm aktenŋe dâwân sot om nembraigât dâm lokom ba waŋga siân katnengiyi.

Melite are hepunmâ Roma kipia humoân ariyi.

¹¹ Akto waŋga are âmâ ulikŋân Alesandria kipianba togombo tânâk seru sopŋe akto ain kilep are hâmenŋân lâpioyeŋe lâuwâ daŋgândâ hâwim kepikmâ katmâ waŋga aregât kotŋe “Lâpionenŋe” dâm koli are egion. Ekmâ âmâ mandenŋe dewutâ âlâwu bo akto tânâk sopŋe tâlâgumbo âmâ ¹² waŋga ain âgâenŋe menenekmâ Siraku kipian ariep. Ain arimbo hilâm âlâwu bo agep. ¹³ Arewa arim seru humo arekŋe mem pan nenekto Region kipian ariyion. Emet hauŋdo haminenŋângenba seru humo siâ puŋ puŋ pando arim hilâm lâuwâ bo akto Puteoli kipia Italia hân talewân ariep. ¹⁴ Arim waŋga hepunnenŋe kipia aregât ambolupŋande biwiyeŋe Yesugâlân katmâ maliŋe togom mem

kewugu nenekbiâ yâk olop mandenne sonda konok bo agep. Akto arewa kei hân arim Roma kipian ariwerâm agion. ¹⁵ Hain akmâ arim mandenne Yesugât kâmot Roma kipian maliņe nengât pat nângâyigât bikņande togom kipia kotņe Apio ain lombo yengât emet siâ kotņe “Emet Âlâwu” ain togom penânengiyi. Penânengim maņgan nenekbiâ Paulone yekmâ biwiņe herone akto Anutugât me-paiņe miep.

Paulone Yuda yengât bâgilupyenæet keiyene makyengiep.

¹⁶ Roma kipian arienņe kiapņe dâambo Paulo kala busi kâlegen bo katbiâ emet yânņân âgâm gem mando aregât tembe loko siâņe damungombo olowâk maliat. ¹⁷ Manmâ hilâm âlâwu bo akto Paulone gutņet dâambo Yuda yengât humomolupyene togombiâ hin dâm makyengiep, “Galalupne, keine maktere nângâņet. Nâņe âmâ bâgilupnennande den kârikņe dâyi are lokom âlepņeâk manmâ gan. Akto Yuda yengât gasa bo akyengiman. Hain bo aktere hin ina yân hâkâņne akmâ heyengimbiâ Roma yengât tembe lokolupyenande menekmâ Yerusalemgen kala busi kâlegen katnekbiâ talân. ¹⁸ Katnekbiâ mandere Roma luâk arekņe nângât keine nângâwerâm ainugumbiâ keine maktere nângâmbiâ dosane bo talep akto hulañ nekberâm agi. ¹⁹ Hain akbiâ âmâ Yerusalem yengât humomolupyenande kârikņe akmâ koyengimbiâ aregen gâtņande Roma yengât humoyenande den makmâ hâreniņbiap dâm magân. Akto galalupne yengât me bâgilupne yengât den mem

ge katyenjiwerâm aregât bo togoân. ²⁰ Are âmâ Anutuñe nengât damun nenñe akbiap dâm huñgunañdo giep aregât Israe luák nen biwinenñande konmâ manmaen are emelâk huñgunañdo giep dâre aregât tâk kârikñande hikonegi. Hikonekbiâ arewa yânñângen togom ye olop tatmâ yâkgât magañgi goañgi aknerâm aregât mem olonyektere togoâi.” dâep. ²¹ Hain dâambo hin dâyi, “Indâgen Yuda hânân manmaine gâñgât den bo kulemgom nengiyi. Akto luák siâ bo huñgunañbiâ nengâlân togom gâñe wan me wan bâleñe akmat aregât keñe bo makto nâñgâyion. ²² Dâ Yesugât kâmot yengât mem ge katyekberâm siâ siâ akyenjimai. Hain dâmbiâ âmâ nâñgâyion. Aregât âmâ gâñgât biwige ekberâm togoen.” dâyi. ²³ Hain dâm magañgiwaen dâm aregât sop kali.

Akto sop are tâlâgumbo emet haunjo luák dondâne Paulogât emelan âgâm menduguayi. Mendugumbiâ Anutuñe damunyeñe akberâm agep aregât keñe makyenjim Paulone biwiyene Yesugât katñetgât nâñgâm ulikñân Anutuñe Mose akto propetelupñe den makyenjimbo kulemgoyi are bunñe akto Yesu miawagep aregât keñe oyanyenjimbo nâñgâyï. Hain akmâ tatbiâ emet dâgâep. ²⁴ Akto bikñande denñe are nâñgâm lokoyï. Dâ bikñande âmâ hâkâñ agi. ²⁵ Hain akmâ papalakbiâ aregât Paulone hin dâm makyenjiep, “Anutugât Heakñande propete luák siâ kotñe Yesaia are nengât bâgilupnenñe yengât den hin dâm magañdo kulemgoepp are unak bunñe miawaktâp,

²⁶ “Gâñe arim luák âmbâle kâmot humo are hin

makyenjiwen, “Ondopyeŋe katmâ nângâmai. Dâ keiŋe biwiyeŋân bo katmai. Akto dewunyeŋande amâ ekmai. Dâ keiŋe amâ bo ekmâ nângâmai. ²⁷ Luâk âmbâle kâmot humo are yeŋgât biwiyeŋe boâk hâreak dâpgât ondopyeŋe tigim manmai. Akto dewunyeŋe tigim manmai. Aregât wan me wan ekmâ keiŋe bo nângâm heŋgemgoma. Akto siâ nângâmbiâ biwiyeŋe umatŋe akmap. Akto keiŋânbak bo nângâm heŋgemgoma. Aregât biwiyeŋe nângâlân katbiâ kindo heŋgemgowom.” Anutuŋe hain dâep.” Yesaianŋe hain kulemgoep.

²⁸ Aregât hin makyenjiŋe nângâŋet. Anutuŋe damun nenŋe akberâm aktâp aregât patŋe Yuda luâk bo manmai yâkŋe nângâwaigât dopŋe aktâp. Yâkŋe âmâ nângâmbiâ ârândân akbiap.” dâep. ²⁹ Hain dâm makyenjiŋimbo Yuda yeŋgât humomolupyenŋande maganŋi goanŋi akmâ lauŋjim ariyi.

Paulo Roma kipian mando hombanj lâuwâ bo agep.

³⁰ Akto Paulo Roma kipian lombo yeŋgât emelan puli panmâ yem mando luâk âmbâle yâkgâlân togoyi are ekmâ maŋganyegep. ³¹ Togombiâ maŋganyekmâ âmâ Anutuŋe damunyeŋe akberâm Nanŋe Yesu huŋgunaŋep, aregât biwiyeŋe yâkgâlân katŋet dâm aregât keiŋe makyenjiŋep. Makyenjiŋim mando siâŋe den are bo koanbiâ âmâ Yesugât keiŋe hamep bâlâk makyenjiŋim mando hombanj lâuwâ bo agep.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 9 Oct 2020

03f82704-6ad1-5094-a78e-e240d9f2d4f8